

**CONSOLATORIUM  
TIMORATAE  
CONSCIENTIAE  
VENERABILIS P.  
FRATRIS...**

---

Johann Nider



A.E.S.

AG.V.

non posseduto





CONSOLATORIVM  
TIMORATAE  
CONSCIENTIÆ

VENERABILIS P. FRATRIS  
IOANNIS NIDER

S. THEOLOGIAE PROFESSORIS  
*de Ordine Prædicatorum.*




204  
23  
A  
22

R O M A E,  
Apud Stephanum Paulinum  
MDCIII.



SVPERIORVM PERMISSV.

MYSTICISM AND  
 THE APOSTOLICAL  
 CHURCH  
 BY  
 THE REV. F. D. M. M.  
 LONDON  
 1888



THE  
 UNIVERSITY OF  
 LONDON  
 LIBRARY

MO

ADMODVM ILLVSTRI, ET REV.  
**D. LAVDIVIO ZACHIAE**  
CAMERÆ APOSTOLICÆ  
COMMISSARIO, ET  
PROTHESAVRARIO.

**STEPHANVS PAVLINVS**  
*Typographus Vrbis. S. P. D.*



**ABOREM**  
meum in concinnando, & plurimis quibus scatebat, antiquitatiste nebris eruen-

do opusculo isto Ioannis Nider, si alteri, quàm tibi (Præsul amplissime) dicasssem, bis, mihi, peccasse visus essem; semel quidem, quòd labor hic, qualisqualis tandem sit, à me tamen elaboratus est, hoc est, ab homine, qui, qua potest, qua valet, cuncta tibi debet, sic tu tam

†

miri-

mirificè tot beneficijs in me affectus, vt animus ipse meus ingratitude expers, sponte tibi mancipatus sit, ita factum, vt labores isti tamquam verne quidam, iure tibi debeantur. At si materiam, & argumentum quod hic auctor agit perspectes, sedulò videbis ipsum sponte sua, ad te curitare, te patronū ambire. quale nam illud argumētum? penitissimi conscientie secessus, & arcani penetralis inuestigatio, perscrutatio: rem arduam, rem difficilem, & tamen necessariam, neque enim quies vlla, vllaque pax, conscientia turbata, hanc meus Nider in hoc opusculo, susque deq. volutat, volutatam fecernit, secretam amplexatur, & in eius amplexibus felicitatē maximam collocatam ostendit. Tu Præsul amplissime his felicissimis amplexibus gaudes, & iugi conui-  
uio

uio mentem pascis: in arce negotiorum sedes, sed satis tutus, & ijs defectibus immunis, quibus plerumque status talis abundat, nemo se deceptum putat, à nemine te deceptum quæreris, neq; enim umquam (vt olim quidam Traiano) deceptus est Magnus, nisi qui prius ipse decepit: quoties tu claustra cordis tui perlustras, quoties tecum ipse rationem ineas dicti, facti, cogitati, quo ne vel leui macula infici possis, iam ipse rerum euentus indicat. Felicem & à supremo Numine maximè dilectum existimauit Plinius senior, iunioris relatu, eum qui vel faceret scribenda, vel scriberet facienda, felicissimum autem, eum qui vtrumque. Te nos in hoc felicitatis culmine collocatum letari possumus, facis, certè, scribenda, & posteris imitationi proponenda, at  
quod

quod non scribas facienda, sæculi  
nostri iactura est, & indignari de-  
bemus aceruo huic onerum qui-  
bus ceruix tua grauatur, & per  
quæ non tibi ius, quæ mente con-  
cepisti, tandem bono rei littera-  
riæ, edere. Sed quo protrahor? dum  
tuas virtutes recolo, illius obliui-  
scor quæ prima, vel inter primas  
ea sit vt robore suffundaris, vbi lau-  
des tuas audieris. Igitur non vltra  
epistolam, & hoc quoq; in laudes  
tuas eat, dum non inopia laudum,  
sed laudati modestia, epistolam  
obsignat. Deus te, Præsul, ad ma-  
iora natum, diu incolumem ser-  
uet. Vale ex Vrbe die 25. Apri-  
lis MDCIV.

CON-

# CONSOLATORIVM

*timorata Conscientiæ Venerabilis Fratris Ioannis Nider  
sacra Theologiæ professoris  
de Ordine Predicatorum.*

## PROLOGVS INCIPIT.



**A**PUD disciplinas reperi-  
mus philosophicas, di-  
uersis morbis corporū:  
medicos tradidisse anti-  
dota varia, diuersis sub  
tractatibus. Cum autem  
rationalis anima incomparabiliter no-  
biliores sit corpore: plus longe animarum  
medicis de his opus est tractatus forma-  
re: quibus egrotanti succurratur animæ.  
Et quamquam in humanam animā ca-  
dere possunt infirmitatum spiritualium  
penè infinita accidentia: tamen pro  
præsenti vni morbo qui est Erronea cō-  
scientia, principaliter succurrere propo-  
no per hunc tractatum: qui censerī po-  
test Cōsolatorium Timorata Conscien-  
tiæ.

tia. Quem, reuera solum ex famosorum  
Doctōrū, tam Theologię pagine, quā  
Iuris Canonici comportauit sententijs.  
Quia igitur ( in huius vitę exilio ) nihil  
est Bona conscientia iucundius ; de qua  
æterna ait Sapientia, Secura mens quasi  
iuge conuiuiū. Et Apostolus. Gloria no-  
stra hæc est testimoniū Conscientiæ no-  
stræ. Et ita ediuerso ( in hac lacrymarū  
valle ) nihil pœnalius, & miserabilius ma-  
la Consciētia. De qua Esa. dicit. Vermis  
eorum nō morietur, & ignis eorum non  
extinguetur. Ideo vt conscientia sine er-  
rore ad felicitatis æternę cum bona spe-  
cie queat terminum, iuxta tres famosas  
acceptiones conscientię, tractatum præ-  
sentem, in tres partes diuido.

Prima pars in octo capitula erit de  
Conscientia, prout specie denotar.

Secunda, in decem capitulis erit de  
Conscientia, prout habentem rectificat.

Tertia in 31. capitulis erit de Con-  
scientia, prout in aliquo trepidat.

INCI-



# INCIPIT PRIMA PARS

*Quod conscientia primo modo capitur pro spe: & ponuntur septem eiusdem bonæ conscientia fructus laudabilissimi.*

## Caput. I.



**P**RIMO Igitur aduertendum quod conscientia vno modo sumitur pro re conscita: idest pro spe bonæ de Dei amicitia, vt S. Tho. refert super tertio sent. dist. 24. Sic enim accipitur prima ad Thi. i. cum dicitur charitas procedit de conscientia bonæ. glos. idest ex spe, quia ex meritis, quæ conscientia tener, motus spei insurgit. Sic etiam de conscientia loquuntur doct. antiqui vt plurimi: quemadmodum Apostolus ad Heb. vi. primo dicens, Confidimus: quia bonam conscientiam habemus in omnibus. Huiusmodi autem & cuiuslibet bonæ conscientia septem reperimus fructus & vtilitates in sacre theologiæ litteris: qui sunt radix: iter veritatis: ornatus veniuntis: retractorium a peccatis: thesaurus honestatis: testimonium bonitatis, & conuiuium delectabilitatis. Primo est radix spei bonæ & charitatis, propter quod Apostolus primæ ad Thi. i. dicit. Finis præcepti est charitas de corde puro & conscientia bonæ. De quo Bernar. libro tertio de confide. dicit. Fortitudo tua, fiducia fidelis conscientia. Et beatus August. in quoddam sermone. Quid obest homini, quod de illa tabula vult eum delere humana ignorantia, si eum de libro viuendum numquam deleat propria conscientia? Nam si bonum, quod de nobis dicitur, in mente non inuenitur, magnam nobis tristitiam debet generare. Et e contra. malum, quod de nobis dicitur, in nobis non inuenitur: in magnam debemus lætitiā proflire.

Secundo est iter veritatis, pro quo psal. orat dicens. *Iter* Deduc me domine in semitam rectam mādatorum tuorum, & in iusticia tua propter inimicos meos dirige in

conspetu tuo viam meam. vbi glos. Dirige in conspectu tuo : idest in conscientia, vbi homo aliquis non videt, sed tu solus : quoniam homini laudanti vel vituperanti non est credendum : quia non videt conscientiam qua iter ad Deum dirigitur. subditur. Quoniam non est in ore eorum veritas, quasi dicat, dirige. necesse est: quoniam non est in ore eorum veritas ; scilicet inimicorum meorum, quorum iudicio non est credendum. Ideo ad conscientiam vbi Deus videt, fugiendum est,

**Iser 3.** Tercio est ornatus venustatis rationalis animæ, quæ sponsa Christi est, & Dei. de quo in psal. Omnis gloria eius ab intus; super quo glo. Hic est laus sponsæ à gloria quasi dicat. Concupiscit Rex decorem tuum, qui decor non est, nisi intus: quia omnis gloria eius : scilicet filia Regis, est ab intus idest in conscientia. Ideo canticorum quarto animæ sanctæ sponsus dicit. Quàm pulchra es amica mea quàm pulchra : oculi tui columbarum. idest quo ad exteriorem conuersationem : absque eo glosa. i. intentione, qua sola pulchra es, per quem alia sunt commendabilia, quod intrinsecus latet, quia soli Deo patet.

**Iser 4.** Quarto est retractorium à peccatis. Quem enim conscientia mordet & stimulat, quod aliquod sit illicitum; iam pro tanto à peccato tali retrahitur, in quo labi posset: propter quod veritas. Lucæ 12. ait. Ille seruus, qui cognouit voluntatem domini sui, & non preparauit se; scilicet ad aduentum domini sui munde : & non fecerit secundum voluntatem eius, plagis vapulabit multis. sequitur. Qui autem non cognouit, nec fecit digna: vapulabit paucis. Et si quis non fecit secundum intellectum, quem habet, vel habere debet de aliquo morabili agibili dicitur illi illud. Iaco. quarto Scienti bonum & non facienti peccatum est illi. & secunda Pet. 2. Melius erat illi viam veritatis non agnoscere, quam post agnitam retroire: ab eo quod traditum est illis à sancto mandato. Hanc ob causam altior fuit luciferi ; quia sicut alijs præminebat scientia; ita cæteris peior fuit in ruina. Nec tamen propterea vt dicit glo. B. Augustini super præmissa verba Evangelica; fugiendum est ad latebras ignorantia; quia ignorantia eorum, quæ quis scire debet, & potest, nemi-

nem

nem excusat, sed accusat potius, & sæpe delictum auger, secundum illud 1. Corinth. 2. ignorans ignorabitur. Ideo Ambro. super Ro. 12. dicit. Gravissime peccas, si ignoras. hoc est periculosissimum: quia non reddit ad poenitentiam qui ignoravit. Bene ergo dicitur proquer. 12. Est qui promittit, & quasi gladio pungitur conscientie, quia scilicet conscientia promittit benefacienti præmium vitæ æternæ, & conscientia bona negligenti minatur poenam mortis perpetuæ.

Quinto est thesaurus honestatis. de quo eccl. 12. **Quintus** Bona est substantia, cui non est peccatum in conscientia, quod tam de substantia rerum terrenarum quam spirituum intelligi potest. Illius enim diuitiæ sunt, bona substantia, quem de male acquisitis ac retentis non remordet conscientia. Sic etiam hominis illius diuitiæ spirituales: puta: scientia & virtutes sunt, bona substantia, quæ de mortali non mordet conscientia. Nam interiora bona virtutum propriæ sunt & veræ diuitiæ. De quibus Chrysost. super Matth. Reddite quæ sunt Cæsaris Cæsari; & quæ sunt Dei Deo, Numisma, inquit, Cæsaris, aurum est: numisma Dei, homo est. In solidis Cæsar videtur: in hominibus autem Deus agnoscitur. Et ideo diuitias vestras Cæsari date: Deo autem conscientia vestra solum innocentiam reserveate. Idem astruit Cassio. quarto libro epistolarum. Quid acquiri ait putatur, ubi bona conscientia perditur: aut in qua parte possit homo proficere, si innocentiam probatus fuerit amisisse?

Sexto est testimonium bonitatis. In cuius signum **Sextus** Apostolus. secunda Corinth. 1. Postquam ait. Gloria nostra hæc est testimonium conscientia nostræ: immediate subdit: quod in simplicitate & sinceritate Dei, & non in sapientia carnali: sed in gratia Dei conuersati sumus in hoc mundo. Propterea beatus Gregorius hom. 9. super Ezechielem dicit. In eo, quod dicitur, semper tacite recurrere debemus ad mentem & interiorem testem & iudicem requirere. quid enim prodest si omnes laudent & conscientia accusat? aut quid poterit obesse, si omnes derogent, & sola conscientia defendat? Bona autem ait Bernar. super Cant. consolatio, cum blasphem-

4  
 mamur à malis benefacientes: si recti diligant nos: omnino sufficit (aduersus nos loquentium iniqua) opinio bonorum cum testimonio conscientie.

Septi.

Septimo est conuiuium delectabilitatis, eo quod secularis mens quasi iuge conuiuium. prouerb. 15, vnde Cassio. libro secundo epistolarum. Arborem quam florere vides quam summa conspicis viriditate lætari: subterraneo succo fecunditatis animatur, reddens in superficie quod continetur in radice: hominum quoque vultus magna hilaritate decoratur. si visceribus sanis grauius nullius sentiat læsionis. Ex quibus patet quomodo bonæ conscientie possessio, sit iucundissimæ rei adeptio. Hanc tamen conscientiam se habere sperantes, memores sint iugiter verbi beati Isidori tertio libro de summo bono dicentis: Semp̃r conscientia serui Dei humilis esse debet & tritis: vt per humilitatem non superbiat & per vtilem mœrorem cor ad lasciuia non dissoluat.

*Quod mala conscientia eam habenti septem  
 mala ingerit. Cap. II.*

**C**ontrario vero mala conscientia fructus septem amarissimos solet gignere. Nam bellum intestinum generat; proximum facit enecat, munda sibi immunda facit, viam difficilem prædicat, ad errorem mentis adiuuat, ad gehennam ædificat, & iugem tristitiam continuat.

Primo in quantum bellum intestinum generat: ita vt cogitatio cogitationi recalcitrat: quod Apostolus ad Rom. 2. annuit dicens testimonium reddente illis: scilicet philosophis malis, conscientia eorum: & inter se inuicem cogitationum accusantium, aut etiam defendentium in die, quæ iudicabit Deus occulta hominum. Quod videlicet fiet in die iudicii: & sic hodie, cum quis aut diuina inspiratione ad intra compungitur: aut quando facinora sua sacramentaliter confiteri tenetur. De talis modis in festino bello vulneratis in conscientia. Seneca libro quarto de virtutibus dicit. Timidum non facit animum nisi repre-

reprehensibilis vitæ conscientia.

Secundo facilius proximum enecat, qui malam conscientiam gestat. quia cum quis ab intra actus mala conscientia, ad extra mala operari incipit: proximo causa ruinæ exiit. Iuxta illud, primæ Corinth. 8. Si quis viderit eum, qui habet conscientiam in idolo recubentem: non ne conscientia eius, cum sit infirma ædificabitur ad manducandum idolotica: & peribit infirmus in tua conscientia frater, propter quem Christus mortuus est: Sic autem peccantes in fratres, & percutientes conscientiam ipsorum infirmam, in Christum peccatis.

Tertio munda immunda sibi facit. Nam Th. 1. omnia munda mundis, inquinatis autem & infidelibus nihil mundum est: sed inquinatæ sunt eorum, mens & conscientia: confitentur se verbis nosse Deum, factis autem negant. vbi glo. nihil eis mundum est, quia non digni donis Dei: sed & mens. idest intellectus, & conscientia eorum inquinatæ sunt; & non ex cibo inquinatio eorum: sed ex malo intellectu & conscientia peccatorum. Et vere mēs & conscientia eorum inquinatæ sunt, quia confitentur quidem verbis se nosse Deum, factis autem negant.

Quarto mala conscientia viam difficilem prædicat vel praticat cum iniustis, qui dicunt. Sapientie septimo. Ambulauius vias difficiles: viam autem domini ignorauimus. Quo contra suadet suis Apostolus. Hebr. 10. Accedamus ad sacerdotē magnum Christum cum vero corde in plenitudine fidei aspersi contra conscientiam malam. Nam malam habens conscientiam numquam in via morum securus est; aut sic subitanæ corporaliter moriens labatur indubitate ad inferni baratrum: aut sibi melius consulens diuinā misericordiam excitatus ad poenitentiae lamenta recurrat. Idcirco Sene. in libro de moribus ait. Mala conscientia sæpe tuta est: securus numquā. Itaque nihil ei commiseris, nisi quod amico committere possis. plerique famam, conscientiam autem pauci verentur.

Quinto ad errorem mentis adiuuat: ita vt nonnumquam ad hæresim inducat. dicente Apostolo primæ ad Thimo. quarto. Spiritus manifeste dicit, quod in nouissimis

mis temporibus, discedent quidam à fide: attendentes spiritibus erroris, & doctoris dæmoniorum in hypocrisis loquentium mendacium, & cauteriatam habentes suam conscientiam glo. 1. corruptam praua cogitatione & adustam igne malæ concupiscentiæ.

Sexto ad gehennam ædificat. Tunc videlicet quando quis sentiat, & quando pro certitudine iudicat aliquid esse peccatum. quia Ro. 14. dicitur. Qui autem discernit si manducauerit, damnatus est: quia non ex fide; glo. Si manducauerit cum illa cōscientia damnatus est: quia qui iudicat non edendum, & edit damnatus est: vnde sequitur. Ipse enim reum se facit, quando illud, quod inutile sibi allerit, facit. Ideo damnatus est, quia uon manducat ex fide, id est secundum conscientiam, contra fidem vtrique edit, qui edendum non credit. vnde sequitur. Omne autem, quod non est fide peccatum est.

Septimo. Tristitiam continuat in magnum grauamen animæ & spiritus. vnde Sapient. 17. semper præsumit sua perturbata conscientia. glo. quæ non habet tranquillitatis securitatem. Cuius rationem assignat Seneca in

**Seneca.** libro de moribus. Nullum, inquit, consciū peccatorum tuorum magis timueris: quam te ipsum, alienum enim potes effugere, te autem numquam. Nequitia enim est poena sua ipsi sibi. Similem tradit sententiam. 6. August.

**August.** libro Confes. dicit. Iussisti domine, & ita factum est, ut poena sit sibi omnis animus inordinatus. Et Isidorus li-

**Isid.** bro secundo Soliloquiorum. Nulla poena grauior malæ conscientia. Mens enim malæ conscientia proprijs stimulis agitur.

### *Quod septem reperiuntur differentes conscientiæ. Cap. III.*

**E**st autem conscientia bona similiter & mala multiplex. quia quædā est, & dicitur cauteriata. alia nimis lata: alia nimis arcta & pusillanimis: alia tranquilla, sed non bona: alia perturbata non bona; alia perturbata, sed bona: & alia tranquilla & bona;

Prima

Prima quæ dicitur cauteriata: idest corrupta proprie est perfidorum hæreticorū præcipue. de quibus propheta Apostolus primæ ad Thimo. quarto dicens. In nouissimis temporibus discedent quidam à fide, attendentes spiritibus erroris & doctrinis dæmoniorum in hypocrisi, loquentium mendacium & cauteriatam habentes conscientiam. Et quia articuli fidei sunt velut prima principia in religione Christiana, idcirco tales conscientie cauteriatæ sunt periculosissimæ. Si enim parvus error in principio maximus est in fine: certum est, quod magnus error in principio maximus est in fine. Tales sunt etiam pharisei hypocritæ: decimantes mentam & rutam & omne olus: grauiora legis prætermittentes: quibus veritas comminata est. Matth. 13. Talem huiusmodi conscientiam habent, qui de magnis peccatis petentibus & diuitibus modicam conscientiam in prædicatione, confessione, vel in priuato sermone faciunt: sed pauperibus & despectis hominibus in paruo excessu graues conscientie scrupulos formant. Similes sunt hi vulpinæ astutiae. de qua fabulose fertur. Quod cum vulpes leonis cuiusdam culpas in eius præsentia audisset: peccata grauius excusauit & alleuiauit per singula: puta rapinam per defectum propriarum carniū: gulam per robur leonini corporis: furorem per dominium potentie super cuncta antmania. & ita de alijs. Cum autem accessisset simplex asellus confitens vulpi quod post grauem abstinentiam à cibis & delectabilibus, & post labores grandes, quibus sub frumentorum saccis portandis laborauerat: de calceo sui pastoris & exactoris stramen prominens, fame motus comedisset: cœpit vulpes hoc factum ducere ad pericula maxima: scilicet quod exactor, cui tale damnum intulerat pauper fuit & nudus: & quod pedibus frangentis, caput & totum corpus lædi poterat, & tandem sequi interitus & homicidium. & sic male tractatus fuit asinus. Hac de causa talium conscientiam vulpinam denominat Bernar. in lib. de considerat. ubi dicit. Vulpina conscientia, est tepida conuersatio, ficta confessio, obedientia sine deuotione, oratio sine attentione: lectio sine ædificatione, sermo sine circumspectione. Porro coronam,

nam, & vestem rotundam, regulam ieiuniorum seruo & statutis horis psallo: sed cor meum longe est à Deo: exterioriorem superficiem intuens, salua mihi omnia arbitror totus pergens in ea, quæ foris sunt, oblitus interiorum meorum: sicut aqua effusus sum.

Secunda conscientia est lata nimis: eorum, qui non ponderant peccata nisi magna, non curantes de venialibus aut paruis: contra quos dicitur. Ecclesi. 19. Qui spernit modica paulatim decidet. Nulla enim domus repentine ruit, sed stillicidijs neglectis successiue putrescunt domus sustentacula, & sic tandem eius sequitur ruina.

**Palera  
simili-  
tudo.**

Tales assimulantur piscatori bus qui semper lata cupiunt habere retia & nunquam stricta: & ita nunquam minores valent capere pisciculos; qui sæpe delectabiliores sunt magnis piscibus: nunquam tales ad perfectionis apicem vitæ possunt peruenire: scilicet contemplari, quæ est delectabilissima. Vnde delectationes venialium peccatorum psal. renuens, ait, renuit consolari anima mea, memor fui Dei & delectatus sum, & exercitatus sum, & defecit spiritus meus. & alibi. Silui à bonis & dolor meus renouatus est: sed sequitur. Concaluit cor meum intra me: & in meditatione mea exardescit ignis. Taliū enim late conscientia hominum, conscientia vulgo lupina dicitur. Nam, fertur parabolice, lupum post multas rapinas, per rusticum captum, qui cum libertati dari deberet & allegaret, quod nec feno nec frumento aut fructibus vesci posset; velut alia bestia: relictus est pristina libertati: pacto tamen tali per iuramentum firmato: quod ultra valorem sex nummorum carnis deinceps nunquam raperet. Igitur emissus est liber. In eadem autem die vaccam & vitulum rustici reperiens, & esuriens valde. Cumque fames ad vtrumque accendendam tentaret eum, & e diuerso conscientia perituri eum morderet, conscientia lata cœpit dicere. Nimis arctam conscientiam habere posses, quæ vituperari solet à prudentibus. Nam vacca valet duos nummos & vitulos quatuor. ergo cum bona conscientia conclusit: occide vtrumque & manduca. Sic sunt plerique, qui semper per latam conscientiam quærunt excusationem in peccatis, de magnis parua iudican-

**Parabo-  
la Lupi**



dicantes aut nulla. A quo vitio orat propheta erui, cum dicit. Non declines cor meum in verba malitię ad excusandas excusationes in peccatis. Cum hominibus operantibus iniquitatem &c.

Tertia conscientia est pusillanimis & arcta nimis. eorum, qui penę de singulis sibi dubijs formant scrupulos, etiam in ijs, quę de se sunt licita. Pro quorum consolatione in tertia parte infra latius tractabitur. De talium cœtu fuerunt israelitę plurimi persecutionis tempore fugientes ad antra deserti; quos cum gentiles die Sabbati prouocarent ad bella, bellare nolabant conscientiam nimis arctam habentes, ne frangerent præceptum de sanctificatione sabbati. Dixerūtque. Moriamur in simplicitate nostrā, quod & fecerunt. vt habetur in primo Machabeorum. c. 2.

Quarta conscientia est tranquilla: sed non bona eorū, qui peccant sub spe veniæ tandem consequendę, vel dicunt in corde suo: quia Deus non requirit ista. Qualem conscientiam nonnunquam habent iuvenes ætate vel moribus, quos Salamon præmonet dicens. Fili mi si te laetauerint peccatores, ne acquiescas eis. prouer. primo. Assimilantur tales tranquillam conscientiam sibi formantes Maniacis & Freneticis: quorum infirmitas est ideo maxima & periculosissima, quia medicinę remedia nec admittunt nec agnoscūt. Quamobrem beatus Ambr. ait. Grauiissime peccas si ignoras. Grauiissime idest periculosissime: quia remedium non admittunt, qui ignorant. Talem etiam conscientiam habent ij, qui vel ex crassa ignorantia vel ex affectata nolunt scire vt bene agant. Et ideo iniquitatem sæpe meditantur in cubili suę conscientię: quam tamen iniquitatem propter ignorantiam nequeunt agnoscere.

*Ambr.*

Quinta conscientia est perturbata & non bona, nonnunquam desperationi proxima aut vicina. Qualem habent ij, qui crebro in eadem peccata labuntur, & quamquam poeniteant: tamen propter relapsus frequentiam propę quendam desperationis impulsū gemunt & turbantur, quales vocat philosophus 7. ethi. incontinentes; similes infirmis, qui in eisdem febribus recidunt: quos

*Chri-*

Christus animæ medicus consolatur: cum Petro quærēt quoties in me peccauit frater meus & dimittam ei vsq. septies. Respondit, non dico tibi vsque septies: sed vsque septuagies septies, idest secundum omnes catholicos doctores, toties quoties poenitebit. Matthæi 18.

Sexta conscientia est bona: sed non tranquilla immo infirma, eorum, qui conuersi ad dominum recogitant in amaritudine animæ suæ annos suos, qui grauiter adhuc sentiunt aliam legem in membris suis repugnantem legi mentis suæ: tales sæpe ob synceram diligentiam ne Deum ostendant in paruis, ubi nullum extat peccatum, sibi turbatam faciunt conscientiam moti nonnunquam ad hoc tentatione dæmonis, vt in perplexitatis ruant vitium. Aliquando etiam ad hoc mouentur doctrinis insipientium hominum. De quibus Apostolus primæ Corinth. 8. dicit. Percutientes infirmam eorum conscientiam: in Christum peccatis: quos tamen idem Apostolus specificat dicens ibidem. cap. 10. Omne, quod in macello vænit, manducate, nihil interrogantes propter conscientiam. pro quorum cura beatus Bern. super Can. inquit. Quid efficacius ad curandum conscientie vulnera, nec non ad purgandum aciem mentis quam Christi vulnerum sedula meditatio. & iterum. Turbabor, sed non perturbabor, quia vulnerum domini recordabor.

Septima conscientia tranquilla & bona est eorum, de quibus dicit Apostolus. Qui Christi sunt, carnem suam crucifigere cum vitijs & concupiscentijs. Quam Vgo. libro primo suo de anima sic describit. Tranquilla conscientia est, quæ omnibus est dulcis, nulli grauis, vtens amico ad gratiam, & inimico ad patientiam, cunctis ad beneuolentiam; quibus potest ad beneficentiam: cui dominus nec suâ peccata imputat; quia non fecit: nec aliena, quia non approbavit: nec negligentiam, quia non tacuit: nec superbiam, quia in vanitate non permansit. Et iterum secundum Bern. Conscientia bona titulus est religionis, templum Salamonis: ager benedictionis: ortus deliciarum: aureum reclinatorium: gaudium angelorum: arca fœderis, thesaurus regis: aula Dei: habitaculum sancti spiritus: liber signatus & clausus, & in die iudicii aper-  
riendus

riendus. De domo talis conscientię scribitur sapientia.  
8. Intrans in domum meam conquiescam cum illa : non enim habet amaritudinem conuersatio illius nec tediũ cõuictus illius : sed lætitiã & gaudiũ, scilicet propter fructus eius :

*Quod conscientia bona ad similitudinem domus materialis est regenda. Cap. II II I.*

**Q**uia vero æterna sapientia bonam tranquillam cõscientiam domui assimilare dignata est: in qua tantus lætitię, & fructuum habetur copia. Idcirco cum omni qua possimus diligentia aduertenda sunt quinque quę exiguntur ad domum conscientię, scilicet vt bene fundetur: debite ornetur, fortiter custodiatur, prudenter regatur, & sæpe tergatur siue mandetur.

Primo bene fundetur: videlicet super solidum fundamentum Iesum Christum, & sacrę scripturę, sicut Saluator dicit. Matth. 7. Omnis qui audit verba hæc, & facit ea: assimilabitur viro sapienti, qui ædificauit domum suam supra petram. Summe autem cauere debet, ne domus conscientię sit lata nimis, aut stricte ædificata, quia qui facit contra conscientiam, ædificat ad gehennam vt dicit glo. Ro. 9. Sed heu istam domum quidam ædificant super aquas voluptatis, alij super arenam cupiditatis, alij super ventum superbix. ideo veritas Matth. 7. subiungit. Omnis qui audit verba hæc, & non facit ea, similis erit viro stolto, qui ædificauit domum suam super arenam: & descendit pluuia, & venerunt flumina, & flauerunt venti, & irruerunt in domum illam, & cecidit; & fuit ruina eius magna. Vbi Aug. Considerandum est, quia cum dixit *Aug.* qui audit verba in hoc satis significat, istum sermonem domini in monte omnibus præceptis, quibus Christiana vita formatur, esse perfectum, vt merito, qui secundum eam viuere voluerit: comparetur ædificanti supra petra, & glosa ibidem. Cecidit inquam, quia omnis conscientia, quę spe fixa in Deum non fuerit: non permanebit in tentationibus, nec subsistet: & tanto amplius agitur, *Nota.*  
quanto

quanto plus in his, quæ mundi sunt à superioribus distinguitur. Et vere omnes mala, vel fictione boni: ingruente qualibet tentatione peiores fiunt. Est igitur primum fundamentum fides firma super Christum fundata. De qua Matthæi. 16. Super hanc petram: scilicet Christum filium Dei viui, edificabo Ecclesiam meam. Et Apostolus primæ Corinthi. tertio, fundamentum aliud nemo potest ponere, præter illud, quod positum est, quod est Christus Iesus. Perfectio vero huius fundamenti est charitas, sine qua fides vitam non habet. Ideo ad Ephes. quarto, verumque fundamentum complectens sic orat. Electo genua mea ad Patrem Domini nostri Iesu Christi: ex quo omnis paternitas in cælo, & in terra nominatur, ut det vobis secundum diuitias gloriæ suæ, corroborari per spiritum eius, interiori homine habitare Christum per fidem in cordibus vestris, in charitate radicati & fundati: ut possitis comprehendere cum omnibus sanctis, quæ sit longitudo, latitudo, sublimitas & profundum.

Secundo oportet ut domus debite ornetur; imaginibus virtutum & exemplorum bonorum, quia non sufficit adultis habere fidem & charitatem, nisi exeat in opus. Fides enim sine operibus mortua est: Iac. primo. Et secundum beati Greg. sententiam. Charitas si operari renuit: charitas non est. Et Apostolus Gala. quinto dicit. In Christo Iesu, nec circumcisio, nec præputium aliquid valet: sed fides, quæ per dilectionem operatur. vbi glosa, fides non vtrique ociosa: quia fides sine operibus non saluat: sed quæ operatur per dilectionem Dei & proximi. In cuius rei typum dominus Exo. 22. iussit, ut cortina interior nobilissima, quæ tabernaculum tegebat, ex decem particularibus cortinis connexa poliretur varie. Nam ibi sic Deus ait Moyse. Inspice & fac secundum exemplar, quod tibi in monte monstratum est. Tabernaculum ita fiat: decem cortinas de bysso retorta, & hyacintho, & purpura coccyæque bis tincto, varietates opere plumario facies. vbi glosa. In his quatuor cortinarum coloribus, quatuor iustificationes exprimuntur. In bysso retorta caro calligata renitens. In hyacintho mens superna cupiens

piens. In purpura caro passionibus subiaccens. In cocco  
bis tincto mens inter passiones Dei, & proximi dilectio-  
ne præfulgens. Verum ut ad talium virtutum exercitia,  
perueniamus facilius, expedit, ut crebro sanctorum pa-  
trum vitam, velut imagines impingamus intrinsecus. Si  
enim ut refert beatus Augustinus libro contra Iulianum  
quidam rex turpis specie, cubiculum suum fecit depingi  
pulchris imaginibus: ut earum aspectu vxor sua pareret  
filium. Cur Christianus domum suę conscientę, quam  
Deus inhabitat, memoria bonorum exemplorum non de-  
pingeret: ut vxor, scilicet sensualitas, proles virtutum  
gigneret.

Aug. 8

Tertio, ut domus cōscientię custodiatur fortiter: quod  
fieri debet conuersatione honesta, & angelica custodia.  
Nam sicut rectum domus est custodia; ita exterior bona  
conuersatio; tutamentum est bonę conscientię, quatenus  
bona fama proximo, & bona conscientia sibi profit. Iux-  
ta illud. Matth. 5: Sic luceat lux vestra coram homini-  
bus, ut videant opera vestra bona, & glorificent patrem  
vestrum, qui in cœlis est. Idcirco Christus Matth. 10. di-  
cit, Quod in aure auditis prædicate super recta .i. per bo-  
nam conuersationem: Ad tutelam & ampliorem custo-  
diam etiam misericordiosissima bonitas Dei angelicam  
adhibuit custodiam. Iuxta illud Lucę quinto. Cum for-  
tis armatus custodit atrium suum in pace: sunt omnia,  
quę possidet: Et ut Angelus bonus fortior diabolo, vincat  
superueniens, & auferens vniuersa arma, in quibus con-  
fidit diabolus, & eius spolia distribuet. Ideo glosa ibidē.  
distribuit inquit spolia, exhibens fideles custodias Ange-  
lorum ad hominum salutem.

Quarto oportet, ut domus cōscientię prudenter, id est  
discrete regatur, quamuis enim Deus homini admini-  
culetur, ut tactum est, angelica custodia. Tamen Deus  
fecit hominem rectum, & reliquit eum in manu consilij:  
id est in suo libero arbitrio, quo mediante, bonum vult,  
gratia assistente, & malum, gratia Dei dimissa. Vult igitur  
Deus, qui nos ratione capaces fecit, ut discretionē  
regamur, quę eadem est prudentię. In hac enim virtute  
iuxta philosophum sexto ethicorum, omnes morales

Libert  
arbitr.

connet

**Christus** connectuntur virtutes. Hanc Christus suos dilectos docuit discipulos. Estote prudentes sicut serpentes: caput videlicet bonę conscientię discrete regendo. Hęc est virtus, & verus auriga virtutum, quam beatus Antonius prætulit solitudini, operibus misericordię, vitę monasticę, rigori abstinentię, & priuationi omnium facultatum, vt tradit Cassianus collatione secūda Abbatis Moy si. Quę virtus, vt idem deducit breuiori via monachum sine deceptionis diabolicę fallacia, vehit ad perfectionis apicem. Sed vt ibidem dicitur, non nisi humilitate tali conquiritur, qua quis seniorum vel prælatorum scienta custodiri nititur.

**Aug.** Quinto oportet, vt sepe tergatur domus bonę conscientię per scopam contritionis, & confessionis, quando in eam cadunt pulueres venialium, aut venena mortalium peccatorum, nec aliud remedium querere oportet quàm illud. vnde August. super Ioannem. Seruus peccati quò fugit; secum se trahit quocunque fugerit. Non fuget seipsam mala conscientia; non est quò eat; sequitur se, immo non recedit à se. Peccatum enim, quod facit intus est. Vis audire consilium: si vis fugere, ad Deum fuge, confitendo, non latendo.

*Quod conscientia bona non semper sufficere  
debet eam habenti; sed laborare debet  
quis vt etiam bonam famam habeat.  
Cap. V.*

**O** Riuntur hic quęstiones quędam.  
Prima an talis bona conscientia sufficere potest eam habenti: sic quod curare non debeat de repellendę propria infamia. Causa dubij est diuersitas sanctorum doctorum: qui in multis auctoritatibus dicere videntur, quod non sit curandum de fama; dummodo peccatum non sit in conscientia. Nam dicit beatus Augustinus ad clerum Hipponensem. Quid obest homini, quod ex illa tabula vult eum delere humana ignorantia: si de libro viuientium non deleat eum iniqua conscientia? vt etiam alle-

allegatum est supra primo capitulo. Idem Augustinus ad  
 Secundinum Manichæum. Quicquid libet sola me in ocu-  
 lis Dei non accuset conscientia. Et Gregorius Constan- Greg.  
 tino Episcopo Mediolanensi. In cunctis, quę in hac vita  
 aduersa proueniunt: sola est (sicut nostis) omnipotentis  
 Dei districtio pensanda: atque ad cor proprium concur-  
 rendum, ut nullius ibi lingua replicet, ubi conscientia  
 non accusat, quem enim conscientia defendit, liber est  
 inter accusationes, & liber sine accusatione esse non po-  
 test: si sola, quę interius adijcit conscientia accuset. Et  
 iterum Gregorius inter verba laudantium siue vitupe-  
 rantium, ad mentem semper recurrendum est; & si in ea  
 non inuenitur bonum, quod de nobis dicitur: magnam  
 tristitiam generare debet. Rursus si in ea non inuenitur  
 malum, quod de nobis homines loquuntur: in magnam  
 debemus lætitiā profluere. Quid enim si nos homines  
 non laudant, & conscientia nos liberos demonstrat? ha-  
 bemus Paulum dicentē. Gloria nostra hæc est testimoniū Paulus  
 conscientię nostrę. Iob quoq. dicit. Ecce in cœlo testis Iob 16  
 meus, & cōsciū meus in excelsis. Si ergo est nobis testis  
 in cœlo, testis in corde: dimittamus stultos foris loqui  
 quicquid voluerint. Ex his sententijs videtur non esse cu-  
 rādū de infamia, ubi alicui cōstat de cōscientia bona. Ex  
 aduerso est beatus Aug. in sermone de communi vita Aug.  
 clericorum dicēs. Nolo ut aliquis de nobis inueniat ma-  
 le viuendī occasionem. Prouideamus enim bona, ut ait  
 Apostolus non solum coram Deo, sed etiam coram  
 hominibus. propter nos conscientia nostra nobis neces-  
 saria est: propter nos fama nostra non pollui, sed pollere  
 debet in nobis. Conscientia necessaria est tibi: fama pro-  
 ximo tuo. Qui fideus est cōscientię suę, & negligit famā  
 suā, crudelis est. Et iterum alibi Augustinus. Non sunt  
 audiendi viri siue fœminę, quę quando reprehenduntur  
 de aliqua negligentia, per quam fit, ut in malam veniāt  
 suspiciōem: vnde suam vitam longe abesse sciunt: di-  
 cunt, coram Deo sibi sufficere conscientiam: æstimatio-  
 nem hominum non solum imprudenter, verum etiam  
 crudeliter contemnentes; cum occidant animas aliorum  
 siue blasphemantium viam Dei: quibus secundum suam  
 suspi-

suspicionem, quasi turpis quæ casta est, despicitur vita sanctorum: vel etiam cum excusatione imitantium, non quod vident, sed quod putant. Roborat dicta præfata textus sacræ paginæ, qui dicit. Vnicuique mandauit Deus de proximo suo: ut scilicet ei proficiat verbo & exemplo. Austeritatum talium varietatem & quæuis nodum soluit sanctus Thom. quodlib. 10. articulo. 13. Verumque,

**S. Tho.** inquit, scilicet contemptus famæ, & appetitus potest esse laudabile, & virtuosum. Fama enim non est necessaria homini propter seipsum; sed propter proximum ædificandum. Appetere igitur famam propter proximum charitatis est. Appetere vero propter se ipsum, ad inanem gloriam pertinet. Et e contrario contemptus famæ ratione sui ipsius humilitatis est: ratione vero proximi ignauia est, & crudelitatis. Alii ergo, quibus incumbit ex officio, vel ex statu perfectionis aliorum saluti providere, peccant, nisi infamiam propriam iuxta posse repellant.

**Nota.** Alij vero quibus magis custodia suæ salutis imminet, possunt suæ humilitati providentes, famam vel infamiam contemnere. Sed cum infamia dupliciter repellatur: scilicet occasionem subrahendo, & linguas detrahentium compefcendo. Primo modo tenentur omnes infamiam vitare: alias sine scandalo ætius transire non possent, quod semper est peccatum. Sed secundo modo non tenentur, nisi quantum debet aliquis salutis proximi providere. Et hoc est, quod Gregorius in Homelia super Ezechielem dicit. Linguas detrahentium sicut non debemus nostro studio excitare, ne ipsi peccent: ita per suam malignitatem excitatas, debemus æquanimiter tollerare; ut nobis in meritum crescat. Aliquando etiam compefcere, nedum de nobis mala disseminant: eorum, qui nos ad bona audire poterant, sibi in primis moribus, qui remanentes, bene viuere contemnunt. Ex his patet solutio ad obiecta. Et patet, quod contemnere infamiam aliquando est humilitatis actus. Vnde in viris patrum, legitur de multis sanctis patribus, qui propriam infamiam sustinebant non repellentes eam. Sic sancta Marina virgo sub virili habitu monacha Deo seruiens, false accusatur à Pandoro filia per militem impregnata: quam infamiam susti-

**Mari-  
na.**



sustinuit Marina quinquennio pœnitentiâ agens ante fores monasterij sui, post quod tempus, vilissimis in monasterio mancipata seruitijs statim Deo spiritum reddidit; lotionemque sui corporis & obsessione dæmonis rea prode facinus proprium: virginis innocentia purgata est. Sic etiam ad tempus beata virgo Eugenia, Philippi rectoris Alexandrię nobilissimi Romani filia, fecit: quæ cū Protho, & Hyacintho degens se Eugenum vocans in monachali habitu, in monasterio latitans, tandem in abbate electa, à Melantia scœmina in Alexandria ditissima, accusata est, quod cum ea stuprum voluisset committere: sed cum res publico iudicio ignis purgari deberet, & incendio: beata virgo ne religionis status eius infamia decrederet: tandem patri iudici; fratribus, & cognatis presentibus se prodidit, quod esset innocens pariter & scœminas: sicque patrem, & consanguineos, ac penè totam Alexandriam fidei Christianæ coniunxit: vt docent eiusdem virginis gesta.

Eugenia.

*An scire quis possit se habere bonam conscientiam,  
& septem gradus eius. Cap. V I.*

**A**Ltera proinde ex supradictis nascitur quæstio. Vtrum quis scire possit an bonam habeat conscientiam? Respondetur, quod hæc eadem quæstio est, cū alia, qua quæritur vtrum quis scire possit se habere charitatem. Igitur vtrando Alexandro de Ales in summa sua distinctionibus. Notandum, quod septem sunt differentie hominum. Quidam se putant habere charitatem & cōscientiam bonam: sed neutrum habent. Alij sciunt, quod non habent talia. Alij dubitant. Alij opinantur, quod charitatem habeant, & bonam conscientiam. Alij experiuntur, sed non habent de hoc scientiam. Alij hoc sciunt per reuelationem tantum. Alij vero per casum.

Alex.

Primi sunt infideles plurimi, & hæretici: immo etiam quidam Christiani tepidi, qui non lustrantes suam conscientiam ex crassa ignorantia, peccata quædam mortalia committunt non habentes pro mortalibus in peccatis grauius

B

uibus

quibus perseverant; & Eucharistiae Sacraménto Indigne participât: quod ne fiant dicit Apostolus prima ad Corinth. 11. Probat autem seipsum homo, &c. In eadem cæcitate infidelitatis fuit aliquando idem Apostolus; qui iam captus à Romana militiâ Hierosolymis, Iudeos, quorum petitione captus est; sic alloquitur. Ego enim conscientia bona conuersus sum ante Deum usque in hodiernum diem: qui tamen persequebar prius Ecclesiam Dei.

Secundi sunt: qui sciunt se habere non bonam conscientiam: ut ii, qui sciunt se esse in proposito peccandi mortaliter, aut in peccatis, tales manent in impœnitentia. Ad tales etiam loquitur Eccle. 7. Scit conscientia tua quia & tu crebro maledixisti aliis.

Tertij sunt, qui dubitant se habere conscientiam bonâ: videlicet ii, qui habent rationes æque fortes ad hoc, quod sunt in gratia sicut ad oppositum, sicuti quando vident se esse tepidos, in amando Deum; & non habent affectum orandi: videntque ex opposito, quod nullam habent voluntatem peccandi mortaliter. Est enim dubitatio intellectus, & inter utranq. partem contradictionis, quædam vacillatio: tales dicere possunt cum Apostol. Nihil mihi conscius sum: sed in hoc non iustificatus sum: qui autem me iudicat dominus est. 1. Corinth. 4.

Quarti opinantur bonam conscientiam se habere, & se esse in gratia, in qua etiam probabiliter sunt; sicut illi, qui habent rationes ad hoc; & ad suum oppositum: sicut quando in vna parte vident se seruentes in amore Dei, & luges pro peccatis; & ex opposito sentiunt rebellionem in carnis ad spiritum & fragilitatem. Est enim opinio vnius partis contradictionis, cum formidine alterius partis. Talis beatus Iob fuisse videtur, qui ait. Iob. 9. Verebar omnia opera mea sciens, quia non parceres delinquenti. vbi glo. Bona quidem erant opera; sed adhuc timenda, iis qui volunt vere Deo placere. Quia duo in bonis cauêda sunt, desidia & fraus. Desidium facit minor amor Dei; fraudem proprius amor sui; dum pro bene actis, tacita, vel aliqua humani cordis gratia, vel fauoris aura, vel cum quolibet res alia, exterior desideratur. Sed beatus, qui excutit manus suas ab omni munere, cordis, manus, & operis. Cir

*Opinio  
quid.*

*Desidia  
et fraus*

ea hoc timor habendus est, quia innuit, quod non parceret, vnde sequitur. Sciens quod non parceres delinquenti.

Quinti experiuntur se habere gratiam, & bonam conscientiam, sicut illi, qui sentiunt dulcedinem diuinę bonitatis in oratione: & gustant, quam suavis est Dominus. propter quod Propheta notanter ait: *Gustate & videte, quoniam suavis est Dominus.* Beatus vir, qui sperat in eo: spe videlicet tali, quę est bona conscientia. *Gustate, inquit, & videte.* Quia duplex est in anima scientia; scilicet cognitiua, seu speculatiua, & experimentalis. de speculatiua statim infra dicitur. Experimentalis siue affectiua scientia, causatur ex re, quę est, & sentitur in affectu. Res enim gratię potest sentiri seu experiri. Nam res gratię facit se notam in affectu, sicut dulcedo in gustu. Sed hęc cognitio per experientiam non est per medium infallibile; sicut scientia speculatiua: sed per medium fallibile. Vnde hęc cognitio est per signa. Propter quod etiā recte, ait Hypoc. in primo Aphori. *Ars longa, vita brevis, indicium difficile, tempus acutum, experimentum fallax.* Quod autem de bona conscientia, seu gratia vel charitatē queat haberi experimentalis scientia: probatur auctoritate Christi, apostolica, & ratione. Nam Apoca. secundo dicitur. *Qui habet aurem audiendi audiat, quod spiritus dicat Ecclesiis, Vincenti dabo manna absconditum, & dabo calculum candidum: & in calculo, id est in carbunculo nomen nouum scriptum, quod nemo scit nisi, qui accipit.* Manna absconditum est Christus, in domo habitans conscientię. Calculus candidus est habitus charitatis: quę charitas ardet, luget, & inundat sibi, & proximo. Nomen autē nouum huic charitati institum est, quo filij Dei per adoptionem efficitur. Annuit idem expressius secundo Corinth. vltimo. *Si estis in fide Christi, ipsi vos probare; an non cognoscitis vosmetipsos, quia Christus IESVS est in vobis, nisi forte reprobī estis?* Spero autem, quod cognoscetis, quia nos non sumus reprobī.

Accedit ad idem ratio. Gustus enim bene dispositus non potest non sentire dulcedinem sibi coniunctam in corporalibus: ergo pariformiter in spiritualibus anima bene di-

spolita non potest non sentire diuinam dulcedinem sibi coniunctam. Sensus enim diuinæ dulcedinis est per gratiam: de qua Propheta miratur dicens. Quam magna multitudo dulcedinis tuæ domine: quam abscondisti timentibus te.

Sexti sunt qui sciunt, sed solum per reuelationem: non per speculatiuam scientiam, se habere bonam conscientiam. De quibus prima Io. capitulo quarto. In hoc scimus: quia in Deo manemus; & ipse in nobis: quia de Spiritu Santo suo dedit nobis. Et Apostolus ad Rom. octauo. Certus sum, quia neq. mors, neq. vita, neq. angeli, neq. principatus, neq. virtutes, neq. instantia, neq. futura, neq. fortitudo, neq. altitudo, neq. profundum, neq. creatura vlla, poterit nos separare a charitate Dei, quæ est in Christo Iesu. Scire tamen non possumus secundum communem legem an in Dei charitate sumus, scientia scilicet speculatiua: quia hæc scientia est per causam rei, vel per rationem, vel etiam per effectum. Sed causa gratiæ, non cadit sub cognitione nostra simpliciter, nec eius effectus: ut videbitur, & partim visum est. Similiter gratia, dicitur comparatione ad acceptionem Dei. Vnde ponit ipsam acceptionem in Deo, Hoc autem modo non potest cognosci à nobis: & ideo non cognoscitur scientia speculatiua certitudinaliter: potest tamen sciri ab aliquo scientia effectiua: quia hæc est per experientiam rei in effectum. Vnde hæc scientia de re seu per rem: & non secundum rationem, vel comparationem, quam habet ad aliud, ut ostensum est.

Septimi igitur sunt, qui sciunt per causam rei, vel rationem rei: ut ij, qui essentiam Dei clare in hac vita viderunt: ut in Veteri Testamento Moytes, in Novo Apostolus Paulus. Quid inquit, Gregorius secundo Dialogorum est, quod non videant, qui videntem omnia vident?

Per

*Per quæ signa quis cognoscere possit se habere bonam conscientiam. Cap. VII.*

**D**ictum est, quod quis experiri potest per signa, an habeat gratiam vel bonam conscientiam, Modo videndum, quæ sunt ista signa. Vbi sciendum, quod Doctores sancti alia & alia ponunt signa: nam Chrysost. ponit quinque. Sanctus Thom. ponit quatuor, & Alexand. & Chrysost. super Matth. Homelia tertia, ponit quinque vel quatuor, quæ habes parte secunda, capitulo octauo. S. Thomas in iij. distinct. xix. ponit quatuor, sub his verbis. Quod, inquit, aliquis omnino a peccatis sit immunis, per certitudinem sciri non potest, primæ Corinth. quart. Nihil mihi, conscius sum, sed in hoc non iustificatus sum. Potest tamen de hoc haberi aliqua coniectura: præcipue per quatuor signa, sicut Bernardus dicit. Primo quando quis deuote verba Dei audit, Quia qui ex Deo est, verba Dei audit. Ioannis octauo. Secundo quando quis se promptum ad bene operandum inuenit: quia probatio dilectionis exhibitio est operis: ut dicit beatus Gregorius. Tercio, cum quis a peccatis abstinendi propositum in futuro assumpsit. Quarto cum de præteritis dolet, quia in his vera penitentia secundum Gregorium consistit. Vnde si quis per huiusmodi signa, facta diligenti discussione suæ conscientie, quamuis recte non sufficienter: etiam ad sanctissimum corpus Christi sumendum accedat deuote, aliquo peccato mortali in ipso manente: quod eius cognitionem præter fugiat, non peccat: immo magis ex virtute sacramenti, peccati remissionem consequitur. Vnde Augustinus dicit in quodam sermone, quod quando corpus Christi manducatur, viuificat mortuos. Alexand. de Ales in summa ponit tria experimenta gratiæ; quibus (ut dicit) potest quis experiri se habere gratiam, quæ habemus in Psalm. Cum inuocarem: ubi fit quæstio, multi dicunt, quis ostendit nobis bona; idest homines quærunt à fidelibus. Vnde certi sunt, quod sint accepti Deo Et Propheta respondendo colligit tria ex quibus colligitur experimentum, per quod sciunt, quod sint accepti Deo: & quod habent gratiam.

*Christi  
Thom.  
Alexand.*

*Bernardus  
Primo.*

*Secundo.*

*Tercio.*

*Quarto.*

*Gregorius.*

*Vera penitentia.*

*Augustinus.*

*Alexand.*

*Primū.* Primum est, cum dicit. Signatum est super nōs lūmē vultus tui domine. *Secundū.* Dediisti lætitiā in corde meo. *Tertiū.* In pace in idipsum. Hæc sunt tria, ex quibus colligitur experimentum gratiæ. Videlicet. Lūmē, lætitiā, & pax. Lūmē apud vim rationalem. Pax apud irascibilem. Lætitiā apud concupiscibilem. Quando enim ista tria sunt in anima sancta secundum istas tres vires, & vere, & certum experimētum est, quod anima habeat gratiā. Bene dico, vere, quia per hoc differt anima sancta ab anima hæretica: quia anima sancta habet ista vere, quādo habet gratiā; sed anima hæretica non. Vnde nunquā habet lūmen verum in rationali, nec pacem veram in irascibili, nec veram lætitiā in concupiscibili, sicuti habet anima Christiana perfecta: quæ habet lūmen veritatis radiantis super vim rationalem, quo mirabiliter declaratur ratio. Anima vero pagani, vel hæretici, vel cuiuslibet infidelis: non habet lūmen nisi sophisticum; sicut est lūmen in somnando. Similiter non habet veram lætitiā in corde: quia sicut dicitur prima Thimor. quarto. Omnes habent cauteriatam conscientiam. Similiter nec veram pacem habent in irascibili. quia sicut dicit Esai 58. Impiis non est pax. Vnde sicut in paralitico videmus, quod in ipso est infirmitas, non tamen sensus doloris: sed in ipso sit materia doloris. In ægro autem non paralitico est materia doloris, & sensus doloris. Sic infidelis habet materiam doloris: non tamen sentit dolorem. vnde est velut paraliticus. In anima vero fidei sana; idest sancta & perfecta non est materia doloris: nec sensus doloris. In anima vero fidei, sed ægra: scilicet per per peccatum est materia & sensus doloris: sicut dicit Augustinus. Melior est natura, quæ est cum sensu doloris; quam quæ est sine sensu doloris; & hoc maximo, quando habet materiam doloris. Et propter hoc, si pax sit in infidei, vel hæretico, hoc non est nisi sicut quies in paralitico, quæ non est ibi vere; sed dolor ibi est: licet non sentiat. Ex quibus etiam patet quorundam obiecto inefficax, qui dicūt, quod in pagano & infidei sæpe est iucunditas conscientie: bonum desiderium; & seruior ad bona opera, quæ videntur esse signa gratiæ. Respondetur eisdem: quod tantum

cum

rum differe iucunditas animæ infidelis, à iucunditate animæ fidelis: quantum distat iucunditas fantastici, vel somniantis à iucunditate vigilantis. Vnde in ipsis non est vera iucunditas, quæ est ad experimentum ad hoc, quod aliquis sciat se habere gratiam.

*De tribus signis optimis bonæ conscientiæ. Ca. VIII.*

**N** Vnc præter ea secundum omnes Doctores, consolatoria bonæ conscientiæ sunt tria. Primum contritio vera pro peccatis. Secundum, confessio sacramentalis. Tercio, communio Eucharistiæ effectualis. Primum est bonum. Secundum melius. Tertium, si bene fit, est optimum. Primum declarat & praticare docet; s. de Cábaco libro de culpa & gratia. quæst. 9. dicens. Generalis contritio maxime, quando pro loco & tempore implicat peccatum specialiter occurrens: sufficit ad hoc, quod quis sit in gratiæ Dei. Verbi gratia: quando peccato speciali occurrente verificatur hæc, vel similis oratio. O Deus de hoc peccato, & de omni peccato, quod contra te vnquam commisi, doleo, quantum est contra te. Immo probat ibi latissime hanc conclusionem. videlicet, quod extra casus, in quibus peccatori incumbit singula peccata mortalia confiteri: nunquam necessaria est actualis contritio de singulis vel etiam rememoratio de singulis, vel singulorum. Ad idem videtur esse Sanctus Thomas q. 5. in de veritate, sic dicens. Ad iustificationem peccatoris non requiritur, quod in ipso iustificationis momento aliquis de peccatis singulis cogitet, sed sufficit quod cogitet de hoc, quod per culpam suam est auersus à Deo. Recognitio autem singulorum peccatorum debet vel precedere, vel saltem sequi iustificationem. Hæc Thom. Ad idem est Cancellarius Parisiensis in suo tripartito sic dicens. Sentiens misericordiosissimus pater, & cognoscens nostram fragilitatem per maximam, & ad malam pronitatem, multiplicibus viis, mortali vita durante: paratissimus est nobis delicta remittere, & gratiam conferre; si duntaxat veraciter, & ex corde, sibi tres subscriptas veritates porrigamus. *Prima veritas, Domine, si sic, vel sic contra veritas.*

Primū.

Secun.

Tertiū.

Oratio.

Prima

bonitatem tuam peccaui, mihi displicet, ratione etiam cuius poenitentiam ago, quia te offendi: qui totus es venerandus, & colendus; quodque mandatum tuum transgressus sum. Secunda veritas est. Domine bonum habeo propositum, & desiderium, tuo iuamine mediante, in futurum præcauendi, ne incidam in peccatum & occasiones iuxta possibilitatem virium euitandi. Tertia veritas. Domine bonam habeo voluntatem peccatorum meorum confessio nem integre faciendi pro loco & tempore, secundum tuum & sanctæ matris Ecclesiæ mandatum & præceptum. Has veritates quisquis qualicumq. loco & tempore synceriter: non fictæ, aut mendaciter, ex corde pronunciauerit: securus existat in salutis & gratiæ statu se consistere: & vitam æternam mereri: quamuis omnia crimina commisisset. Si etiam talis absq. vlla confessione continuo discederet in absentia sacerdotis, dormiendo aut alio quocunq. modo morte subita præuictus: idem finaliter saluaretur acerbissima purgatorij poena mediante. Ex quo notandum & salubre consilium elicitur: vt Christianus singulis diebus bis vel semel sero, aut mane, aut saltem festiuis diebus redeat ad cor suum, conscientiam examinans: an tres præmissas veritates proferre valeat cum cordis synceritate; sicque intra statum salutis se esse confidat. hæc de cancellario. Nec mirum, si ad poenitentiam de peccatis Deus gratiam infundit, dimittendo peccatum: cum ipse Propheta dicat. Dixi confitebor aduersum me, &c. Cum etiam decem leprosi euntes, vt ostenderent se sacerdotibus, munda ri sunt: antequam se actu sacerdotibus præsentarent. Vna de etiam Magister sentent. Ezech. 28. sic allegat ad propositum. Quacunq. hora peccator conuersus ingemuerit saluus erit. Non dicitur: Ore confessus fuerit, sed conuersus ingemuerit. Huic consonat dictum Alberti trigesimo quarti scripti distinct. 16. exponentis illud verbum Augustini in litera, paueat etiam poenitens ne prius ad domini corpus accedat: quam conformata sit bona conscientia.

**Ratio.** Vult inquam dicere: quod omnis bona conscientia adulti hominis habens gratiam, est conformata: quia actus contritionis detestans peccatum est actus meritorius: similiter actus fidei in Deum, & huiusmodi. Et illis actibus mo

ueretur



do iustificatur: & sic statim post primum momentum contritionis, conformatus est bona conscientia, per opus interius meritorium: licet non exterius.

Secundum consolatorium conscientia & efficacius est confessio sacramentalis. Nam secundum S. Tho. & Scot. *Thom. Scot.* super quarto sententiarum. Confessio inter alios effectus, hunc habet; quod si dolor contritionis poenitentia non fuisset sufficiens, tunc confessio & absolutio sacramentalis poenitentia superueniens, eius suppleret defectum: quia cum ipsa attritione de se in sufficiente: sufficienter deleteret omnem mortalem culpam: dummodo ipse poenitens tunc non ponat obicem gratia, per commissionem actualis peccati mortalis. Vnde quando Dauid coram Nathan, confitebatur peccatum suum dicens, peccaui: statim Propheta ex parte Dei dixit, Transtulit Dominus peccatum tuum. 2. Regum. 13.

Quorum ratio est; quia peccator ad hoc, quod recuperare gratiam & sibi dimittantur peccata; non requirit secundum praedicta, nisi quod cum aliquali detestatione esset: si illa de se insuficiens sit: non ponat obicem gratia pro tunc. De hoc autem potest homo, cum confitetur, probabiliter valde securus esse: quia potest valde probabiliter scire: scilicet tempore confessionis & absolutionis se non peccare mortaliter: & se derelictari sua peccata: immo Scot. super quarto dicit. Via ista, qua homo confitetur sacramentaliter est magis in portante hominis, & certior ad gratiam primam recuperandam: quia ibi non oportet nisi non ponere obicem ad gratiam: quod multo minus est, quam habere aliquam actionem, quae per modum meriti de congruo sufficiat ad iustificationem impij: sicut fieri oportet in contritione. Vnde dicit beatus Augustinus *Aug.* & allegatur a Magistro in tertio dist. 16. ut paulo ante dictum est: paueat: scilicet poenitens ne prius ad dominicum corpus accedat, quam conformatus sit bona conscientia. Super quo verbo dicit idem Alber. *Alber.* Homo habens gratiam vel praesumens ex probabili signo se habere gratiam, potest accedere ad corpus Christi. Signum autem probabile est, inquit, si est confessus: & si dicit sibi conscientia, quod pro nulla re vult amplius peccare, & poenitentiam debite

*Vuilhel.* debito tempore libenter suscipere. Ad idem est constan-  
tissime Vuilhel. Parisien. in suo speciali tractatu de Sa-  
cramento Pœnitentiæ capitulo penultimo; ubi docet con-  
fessorem, quomodo antequam peccator cōfiteri incipiat,  
eum alloqui debeat, sicut pater euangelicus filium inuen-  
tum, qui perierat. Si inquit, in hoc proposito venit ad cō-  
fessionem, scilicet vt committat & tradat se beneplacito  
Dei, & hoc ex amore eius. Si se totum paratus est dare &  
tradere miserationi Dei, & hac causa nē eius offensam in-  
currat, vt in amorem & gratiam eius redeat: mortis in se  
vincula dirupta esse cognoscat. Si tantum sui amorem  
largitus est ei clementissimus Deus; vt se toto studio be-  
neplacitum eius paratus sit facere pro consilio sacerdotis.  
Cui anima eius curanda, & regenda à Deo commissa est.  
nullatenus de salute eius dubitet. Quis enim dubitet hu-  
iusmodi pœnitentem Deum plenissime possidere? Hæc il-  
le. Et doceat ibi etiam ante confessionem inchoaram; pœ-  
nitentem Deo gratias de hoc referre, à quo omne bonū;  
& postea distincte confiteri peccata sua.

Tertium consolatorium conscientia, optimum est  
post contritionem & confessionem Eucharistia sacramen-  
tum sumere: quod sacramentum habet etiam mor-  
tuos suscitare, vt ex Sanctus Thomas, po-  
nit capitulo præcedenti. Et sic pa-  
tet prima pars huius  
tractatus.

TRA-

# TRACTATVS SECVN- dus de conscientia, prout dicit certitudinem.

*Quid sit conscientia, prout dicit credulitatem fixam  
& quomodo originatur per syllogismum pra-  
dicum. Quid sit synderesis: quid ratio  
inferior & superior, & eo-  
rum differentia à con-  
scientia.*

*Credo-  
litas.*



**INACTENVS** Dictum est de con-  
scientia recta & bona: prout sumitur  
pro spe bona, quam quis habet de  
Dei amicitia. Nunc vero restat lo-  
qui de conscientia recta, & erronea  
magis proprie dictas: prout sumitur,  
quo ad actum assensus vel credulitatis,  
& sic dicitur conscientia esse assen-  
sus vel credulitas intencionis ad aliquid faciendum, vel  
non faciendum. Unde isto secundo modo conscientia di-  
citur quasi cum alio scientia. Quia scientia vniuersalis ad  
actum particularem applicatur; vel etiam quia per eam ali-  
quis sibi conscius est eorum, quæ facit vel facere intendit:  
propter hoc etiam interdum dicitur sententia vel dicta-  
men rationis. Pro quorum intellectu notandum: quod ista *Syndero*

quatuor differunt. *Synderesis*. Ratio superior. Ratio infe-  
rior, & conscientia, vt docet S. Tho. in secundo distin. 39. Ratio su-  
perior. Nam *synderesis* est vis animæ motiua; quæ semper est na-  
ta ligi in superioribus: naturaliter mouens & stimulans ad *Rationem*  
bonum, & abhorrens malum, quæ *Synderesis* aliquando *inferior*.  
lex rationis, aliquando etiam conscientia nominatur. *Consciē*  
De quibus Ro. secundo dicitur. Eiusmodi legem non ha-  
bentes: ipsi sibi sunt lex. Aliquādo autem dicitur alio nomi-  
ne, scilicet *scintilla rationis*; & conuenienter quidem; *syndero*  
quia *sis*.

quia sicut scintilla est modicum quid ex igne euolans. Itē hęc virtus est quędam modica participatio intellecturalitatis respectu eius, quod de intellectualitate in Angelo

**Hiero.** est. Vnde beatus Hieronymus in glosa super Eze. primo dicit: quod per aquilam significatur, quę vt cętera animalia in volando transcendit: ita hęc virtus transcendit rationalem, quę per hominem figuratur. Et concupiscibilē quę per leonem. Hanc syndereſim ideo Deus posuit in homine, vt seruetur ordo, & connexio rerum. Nam secundum

**Dionys.** Dionysium septimo capitulo de diuinis nominibus: diuina sapientia coniungit principia secundorum vltimis primorum. Angelus autem est intellectualis naturę non rationalis cum discursu: & isti naturę homo per syndereſim appropinquat & coniungitur. De qua in Psal. Signatum est super nos lumen vultus tui domine, &c. Hęc syndereſis siue habitum nominet, siue actum. naturaliter inclinatur ad bonum semper, & remurmurat malo: sicut contrario sensualitas semper inclinatur ad malum, & nunquam ad bonum. Ideo etiam syndereſis vocatur lex naturę pro

**Lex natura.** ut à natura id est. Syndereſis vero dicitur, secundū quod inclinatur ad operatiuā; & quemadmodum intellectus principiorum est quo ad speculatiuā: ita syndereſis ad operatiuā

**Exemp.** inclinatur ad operatiuā. Exemplum de speculatiuis: vt omne totum est maius sua parte quolibet est, vel non est. De operatiuis autem: vt nullum malum est faciendum: bonū est prosequendum. Quod tibi non vis fieri, rationabiliter & ex debito alteri ne feceris. & similia. Hęc præterea syndereſis in nulla rationali creatura, vel intellectuali extinguitur totaliter: immo nec in damnatis. De quo Isaia ultimo. Vermis eorum non morietur. Quamuis enim in damnatis ipsa syndereſis quo ad displicentiam mali culpę, absolute considerare, & quo ad complacentiam boni sit extincta: tamen secundum quod culpa comparatur ad pœnam, sic in eis extincta non est, quia habent displicentiā mali in collatione ad pœnam. Et sic patet quid sit syndereſis.

**Ratio superio.** Ratio vero superior, vt tradit beatus Augustinus libro secundo de Trinit. Est actus rationalis potentię, quę sumit consilium ex rationibus æternis & diuinis: & partim est speculatiua: & partim practica. Speculatiua dicitur

hoc

hoc est credendum, quia Deus reuelauit. *Practica* vero dicitur, hoc est faciendum: quia Deus præcepit; aut cauendū, quia Dei offensionem patit: & huiusmodi. Propter quod beatus Augustinus ubi supra cap. 18. & tertio dicit; quod *August.* ratio superior supernis conspiciendis intendit, & supernis consulendis. Primum quo ad speculatiuam. Secundum quo ad practicam. Ratio autem inferior est actus potentia rationalis; quæ sumit consilium ex rationibus rerum temporalium; vt hoc est dimittendum: quia est superfluum vel diminutum: vel faciendum; quia utile vel honestum, & sic de aliis conditionibus; quas moralis philosophus pertractat. Vnde ratio superior sapientia deputatur: sicut inferior scientia. Et tamen superior ratio & inferior non sunt duæ potentia; sed rationis duo officia. Porro conscientia prout secundo modo sumitur, est assensus conclusionis elicitæ in syllogismo practico vel speculatiuo in quo syndæresis maiorem: ratio minorem: & conscientia format conclusionem. Pro cuius latiori intellectu notandum est: quod ratio in eligendis & fugiendis, quibusdam syllogismus vitur. In syllogismo autem est triplex consideratio: *Syllogi smus.* secundum tres propositiones, ex quarum duabus tertia concluditur. Ita contingit in proposito. Nam ratio in operandis ex naturalibus principiis ex lege naturæ seu syndæresis, assumit circa particularia iudicium: puta nullum malum culpæ est faciendum; & similia. Tunc lex naturæ seu syndæresis in syllogismo conscientia; maiorem ministrat; sed minorem addit ratio naturalis inferior vel superior; scilicet hoc est malum culpæ; sed consideratio conscientia. Vnde conscientia indifferenter de præsentis peccato vel futuro facto remurmurat. Ex quibus patet, quid sit conscientia in proposito. Et de tali conscientia in proposito, plurimi loquuntur moderni Doctores, præsertim circa secundam distinctionem. 38.

& alibi, speculatiue de eadem materia determinantes.

tes.

Quid

*Quid sit recta conscientia & erronea: et quomodo  
oritur eius error. Cap. I I.*

**E**st autem hæc conscientia duplex, scilicet recta & erronea. Recta est assensus conclusionis debite illarum ex præmissis veris in syllogismo præsertim practico: ubi maior procedit ex synderesi, vel ex ratione, vel fide cognitis: & in minore per rationem superiorem vel inferiorem vere & debite subsumitur, ut omne Dei præceptum est faciendum: hoc est huiusmodi videlicet diligere Deum super omnia, ergo Deus est super omnia diligendus. Conscientia autem erronea, ut dicit beatus Augustinus & habetur dist. 38. Vbi supra, tunc in aliquem cadit: quando in agendo intellectus aliquid pro vero approbat, quod falsum est: aut e contrario pro falso approbat, quod verum est. Et fit quando in syllogismo conscientie, in minore false vel male subsumitur, quia tunc erronee & false concluditur. Causa autem, quare conscientia errare potest, est ista: quia conscientia formatur ex assumptione alicuius particularis propositionis sub universaliibus regulis operandum. Propositionis autem, quæ assumitur, seu subsumitur non est per se nota, ut sunt universalia principia agendorum: sed innotescit per fidem vel inquisitionem rationis, & ideo circa eam, & circa conscientiam ex eius assumptione formata contingit error, vel quia fidei non essentitur, non enim omnium est fides secunda Thessal. 3. Vel quia ratio conferrens & inquirens decipitur: quandoque quidem ex inconsideratione eorum, quæ inquirenda sunt, & consideranda, quandoque vero ex passione abducente iudicium rationis: quandoque etiam ex habitu malo vel erroneo, exempli gratia. Lex tradit universale principium, circa quod non contingit errare: scilicet quod illicitum non est faciendum. Hæreticus autem assumit, quod iuramentum est illicitum: ex eo quod scriptum est. Matthæus quinto. Ego autem dico vobis, non iurare omnino. Ex quo sequitur conscientia erronea: scilicet quod nullo modo est iurandum: decipitur autem conscientia: quia non confert illud dictum scripturæ ad alia; in quibus conceditur iuramentum tanquam licitum. Patet

ergo

ergo quod conscientia errare potest. Et per idem patet, quod synderesis errare non potest. Respicit enim synderesis vniuersalia principia agendorum, circa que non contingit mente errare, sicut nec circa prima principia in speculabilibus. Et sicut prima principia in speculabilibus non ponit esse falsa; eo quod immediate illustrantur lumine intellectus agentis; sic & prima principia in operabilibus; circa que est synderesis, erronea esse non possunt, quia etiam immediate sequuntur lumen intellectus agentis, de quo Psal. Multi dicunt quis ostendet nobis bona? & respondetur signatum est super nos, &c. Notandum tamen, quod proprie loquendo, non omnis error circa iudicium agendorum, est error conscientie. Errant enim omnes, qui operantur malum; sed in solis ex habitu peccantibus est error conscientie. In peccantibus vero ex passione est ratio aliquantulum recta. Vnde ignorantia electionis, que est in eis, de quo postea patebit, non est error conscientie; quia conscientia solum dicit illud iudicium, quo intellectus iudicat aliquid esse bonum, vel malum, quantum ad Deum, & bonos mores. Vnde incontinens quando scit fornicationem esse malam, & nihilominus passione ductus eligit eam tanquam bonam; conscientia sua non errat; immo scilicet facit contra conscientiam rectam. Ex quibus iterum patet, quod triplex potest esse error, circa syllogismum practicum. Vnus est error electionis in eo, qui peccat ex passione obumbrante iudicium rationis. Alius est error credulitatis seu sententie: quando quis assertiue inheret conclusioni, que conscientia proprie dicitur conscientia. Triplex  
error  
consciē. alius est error dubietatis seu dubitationis: quando neutram partem tenet cum certitudine, sed de vtraque dubitat. De qua dicitur infra late parte. 3. cap. 1. & sequentibus.

### *Cur conscientia ligat sicut lex. Cap. III.*

**N**unc videndum est quomodo conscientia se habet ligat. Nam secundum omnium catholicorum doctorum sententiam; capiendum conscientiam proprie pro credulitate; scilicet licet firma, qua quis se credit, sub peccato ad aliquid teneri; conscientia sit ligat; quod ea non deposita & stare, homo peccat

peccat, si contra eam faciat. siue conscientia sit recta siue erronea; vt patet rationibus & auctoritate. Vnde Apostolus ad Rom. 14. Omne, quod non est ex fide, peccatum est.

**Origo.** Origenes. Vbi vult Apostolus, vt nihil dicam, nihil cogitem, nihil agam; nisi secundum conscientiam. Et glo. super prædicto textu dicit. Omne etiam si bonum sit in se, quod non est ex fide; id est quod sit contra fidem; id est contra scientiam; vt credamus, malum esse, peccatū est. Et iterum glof. ibidem; omne, quod sit contra conscientiam, adificat ad gehennam. & Eccle. 7. Scit tua conscientia, quia tu crebro maledixisti aliis. glo. dicit. Qua scilicet conscientia iudice nemo nocens absoluitur. Patet etiam ratione. Nā conscientia, aut est recta, & tunc ligat aliqua lege; scilicet naturali, aut diuina, aut positiua. Aut est erronea, & tunc ligat etiam vel virtute præcepti, vel iussu Dei: licet per accidens: quia conscientia non dictat aliquid faciendum ea ratione, quod sibi videatur: sed hac ratione, quia sibi adeo iussum est vel præceptum. Et ita ratio pro tunc dictat se teneri ad aliquid. Et quia hoc dictamine stante: voluntas non conformatur se rationi; ideo actus voluntatis inordinatus est. Vnde quando conscientia hominis errat, dictando esse licitum, & esse faciendum sub debito, quod est de se peccatum, & quod scire tenetur, & quod scire potest: peccat faciendo secundum dictamen conscientie: quia ex ignorantia imputabili, peccat, perpetrando actum illicitum. Et etiam tunc peccat non faciendo stante erronea conscientia: quia facit contra conscientiam; ideo conscientia dicitur habentem se ligare. Ligari enim dicitur moraliter, quia sic dispositus est circa aliquod agibile, quod in neutram partem potest licite declinare, ad modum illius, qui ligatur corporaliter, qui nunquam potest procedere interim quod ligatus est. Nec tamen aliquis sic conscientia sic ligatus, est simpliciter perplexus, quia potest & debet conscientiam erroneam deponere licet sit perplexus secundum quid: id est interim quod retinet illam conscientiam erroneam; quam postquam deposuit, non peccat. Exemplum de eo, cui dictat conscientia, quod nunquam sit iurandum adueniente præcepto superiorum, in quo de dicenda veritate iurare debet; si iurat peccat, quia facit contra



contra conscientiam: si non iurat, peccat contra Plura obedientiam. Circa præmissa occurrunt plura dubia. dubia. Primum dubium est de modo ligamenti conscientiae: & vtrum conscientia erronea liget ad errorem deponendum. Responderetur, Respō. quod conscientia erronea duo includit, errorem, scilicet & conscientiam. Ratione primi ligat ad deponendum eam, vinculo diuini præcepti. ad Ephesi. quarto expressi: vbi sic dicit apostolus. Deponentes vos secundum pristinam conuerſationem veterem hominem, qui corrumpitur secundum desideria erroris. Ratione vero secundi, ligat vinculo conscientiae ad faciendum quod debet: nec tamen est simpliciter perplexus: quia potest, & debet deponere illam. Et ille simpliciter non ligatur: & per prius & magis ad deponendum quam ad faciendum tenetur. Et si de illa per se nesciat iudicare, debet peritiores consulere: vel vbi deest humanum consilium: debet se per orationem ad Deum conuertere.

Dubitaturo secundo. Vtrum conscientia erronea aliquando excuset? Responderetur quod lex iniqua suum conditorem non excusat: sed potius condemnat. secundum illud Hesi. x. Ve qui conditis leges iniquas. Conscientia autem erronea est lex iniqua: ab eo tamen condita, qui eam ſibi formauit: ideo simpliciter non excusat, sed magis peccatum facit, & aggrauat. Ad cuius euidentiam notandum, quod tripliciter errat conscientia. Primo indifferentia iudicans esse præcepta, vel prohibita. Secundo e contrario præcepta, vel prohibita iudicans indifferentia. Tertio iudicans præcepta esse prohibitiones, vel e contrario. In primo casu non excusat: sed illaqueat, & condemnat. In secundo & tertio casu: nota quod conscientia erronea duo includit: scilicet conscientiam putatiuam & errorem. Ex primo excusatur peccatum pro tanto: quia minus contē-

nit:

nit: exempli gratia, quando fornicari non credit esse peccatum: & ideo fornicatur: sed pro tanto aggrauat, quia libidinosius, & securius peccat. Vnde Hiere. 4. Sapientes sunt, ut faciant mala: bene autem facere nescierunt, de secundo autem distinguitur. Cum enim omnis errans sit ignorans: ut dicit beatus Augustinus in Encheridion cap. xvii. Ideo quot modis contingit aliquem ignorare: toto modis contingit etiam errare. De quibus diceretur distinctus sequenti capitulo.

Dubatur tertio: Vtrum erronea conscientia plus liget; quam praeceptum praelati in indifferentibus, quae praecipere potest? Sunt autem indifferentia, ut leuare festucam, & similia. Respondetur. Obediens praelato contra conscientiam, aut captiuat conscientiam iudicium affectu, vel effectu, ut subdens praecepto praelati: aut facit contra conscientiam, ad effectum voluntatis, obediens praelato timore animi, vel amore in ordinato. In primo casu faciens contra conscientiam non peccat, sed meretur: licet non possit deponere conscientiam, sicut non potest respondere rationibus contra fidem: voluntatem tamen captiuans illi obediendo meretur. secundo Corinth. x. In captiuitatem redigentes omnem intellectum in obsequium Christi. In secundo casu peccat: sed minus quam si faceret contra praelati praeceptum, primo agens contra praelati praeceptum magis contemneret deum, quia praelatum contemnit. non autem contemnens conscientiam erroneam cōtemnit deum. Vnde Bernar. in l. b. de praecepto & dispen. dicit. Si tanto opera cauenda sunt scandala paruulorum; quanto amplius praelatorum: quos sibi deus coarquare quoddammodo in vtroq; dignatur: dum sibi met impurat, & illorum reuerentiam & contemptum: contestans eis: qui vos audit, me audit: & qui vos spernit, me spernit. Secundo: quia talis plures, immo totum

tum collegium offendit & scandalizat : quàm si  
 eontra conscientiam faciat. Tertio: quia se magis  
 ad malum disponit : scilicet ad inobedientiam &  
 rebellionem atq; ad sequendum proprium sen-  
 sum: & ad peruertendum veritatis iudicium. de  
 quo Isa. v. dicitur . Ve qui sapientes estis in ocu-  
 lis vestris .

*Quod conscientia non in omni casu ligat. Quan-  
 do autem liget, aut non : ostenditur ex mo-  
 dis ignorandi diuersis . Cap. IIIL.*

**Q**Uæritur etiam hic an conscientia erronea  
 semper sic liget, quod in nullam partem pos-  
 sit homo licite declinare? Respondetur secundum  
 sancti Thomæ prima quæst. lxxix. artic. xiii. quod  
 non, huius ratio est : quia error conscientie ali-  
 quando est imputabilis conscientiato, sicut & igno-  
 rantia aliqua: puta inuincibilis vel ignorantia fa-  
 cti probabilis , quæ excusat totaliter a peccato:  
 sic & error. Nam error ex ignorantia solet pro-  
 cedere . Ad sciendum autem, quando error con-  
 scientie liget, & quando non, & quando excuset a  
 peccato : oportet præscire quando ignorantia ex-  
 cuset a peccato, & quando non. Cuius ratio est:  
 quia ignorantia facit in voluntarium in toto vel  
 in parte, & per consequens excusat vel in toto vel  
 in parte: cum nihil sit peccatum, nisi quia volun-  
 tarium, secundum beatum Augustinum, & par ratio est de errore. Considerandum igitur quod quæ-  
 tum in proposito sufficit. Quintuplex est ignorantia: scilicet circumstans vel concomitans: inuinci-  
 bilis viris, seu vniuersalis facti, seu particularis, & electionis. Ignorantia concomitans actum seu  
 circumstans: est de eo, quod agitur, & tamen si sci-  
 retur, nihilominus ageretur: & tunc non excusat  
 peccatum, nec aggrauat, nec diminuit, quia non  
 inducit ad volendum. Exemplum est de eo, qui  
 C 2 vellet

vellet occidere hostem, sed ignorans occidere est putans occidere seruum. Signum huius ignorantia est, cum quis non poenitet, qui actum peccati fecit. Ignorantia inuincibilis est, quæ non est in potestate alicuius. Vel fit ex ignorantia, seu nescientia alicuius circumstantiæ, absq; omni negligentia imputabili præcedente, vel ut alij dicunt, & in idem redit, est eorum, quæ nec tenemur, nec possumus scire. Vnde ignorantia, quæ est inuincibilis secundum se, & suam causam, excusat à toto, quia causat omnino inuoluntarium. Dicitur autem notanter & secundum se, & secundum suam causam propter ebrium ex ebrietate peccantem: cuius ignorantia est inuincibilis secundum se: quia tunc non potest iudicare quid agendum vel non agendum. Non tamen est inuincibilis secundum suam causam: quia potuit se non inebriare, & sic non ignoraret: unde non est omnino excusatus. Hæc ignorantia in-

**Alber.** uincibilis secundum **Alber.** in summa: est multiplex: quia quædam est inuincibilis ex natura, sicut in amentibus & in melancholicis, & hæc in toto excusat. Alia est inuincibilis ex accidente: ut in ebrio, vel qui comederunt iusquiamum, vel cicutam, quæ ad insaniam deducunt, vel ex infirmitate aliqua. In quibus si quis dedit causam faciendo rem illicitam, non excusatur ex toto. Si vero rei licitæ dedit operam, excusatur in toto, quia tunc non est culpa, sed poena. De hac ignorantia dicit concordando cū præmissis **Vlri.** super secundo dist. xxij. & in summa sua lib. vi. Ignorantia, inquit, iuris vniuersalis est: ut si aliquis nesciret furtum esse peccatum, vel aliquid huiusmodi. Hæc ergo si omnino inuincibilis, & inuoluntaria, quia quis scire non potest: ut patet in pueris, & stultis à natiuitate: tunc excusat in toto. Similiter si quis de aliquo agendo dubio: magis peritos consultit, de quo nullam habet auctoritatem

toritatem expressam: vtrum ita sit, vel non dummodo formet sibi bonam conscientiam: postquam magis peritos consuluerit: etiam si res aliter se habet quàm ipse sentit: excusatur enim, quia fecit quod potuit: deus autem nihil impossibile requirit ab homine. Si autem homo inciderit in hanc ignorantiam inuincibilem: hoc erit aut per opus licitum: vt si per vigilias & abstinentias huiusmodi aliquis insanus factus est, & tunc excusat ex toto, etiam si excessus furoris peccatum venialem fuerit. Aut incidit culpa sua mortali, & tunc dicunt quidam: quod peccatum sequens excusatur ex toto: si nullam habet usum rationis: & hoc est probabilius, & verius. hæc Vlricus: consentit enim hoc Ray. in summa. Et Augustinus, & Ambrosi. xv. q. i. capitulo aliquos, Petr. & capitulo illa cauenda. Vnde Petrus de Pal. de pa. super tertio di. 22. cõcordans cū prædictis dicit, lu. cū Durando. Ignorantia, quæ est cā actus: aut est Durand. eorū, q̄ nec tenemur, nec possumus scire q̄ dicitur do. inuincibilis: aut est eorū, quæ tenemur, & possumus scire, quæ dicitur vincibilis. Prima excusat, si sit inuincibilis secundum se, & scdm suam causam, quod additur propter ebrium vt supra dictum est, qui non in toto excusatur. Ignorantia autem vincibilis, aut est in vniuersali, & dicitur ignorantia iuris: aut in particulari, & dicitur ignorantia facti. Prima aut est directe affectata, vt homo liberius peccet, & hæc non excusat, sed aggrauat. Aut non est directe affectata, sed prouenit ex quadam negligentia: & hæc licet non excuset ex toto sequens peccatum: tamen ipsum alleuiat. Ignorantia autem particularis seu facti: excusat vel non excusat: vt infra dicitur. Dicit ergo Petrus de Palu. super verba Durandi sic. Declaratio, quam facit de ignorantia causali vincibili, bona videtur. Est autem addendum ad id, quod dixerunt ignorantia vincibilem eius, ad

quod hō scire tenetur, & pōt: quia si nō posset vel nō teneat, excusatur: vt miles, mulier, minor, & sic de aliis. Nō tenetur scire iura hōinū positia: nec pari ratione q̄ vacant theologiæ sacræ, ex ordinatione confirmata per papam: etiam decretis de-cretales, & huiusmodi: sed quicunq; est doli capax, tenetur scire ius naturale, & diuinum quo

**Ignorā** ad communia. hæc Petrus. Est igitur ignorantia iu- iuris eorum, quæ quis scire tenetur, vt quod for-  
**ris.** nicatio est peccatum mortale si quis nesciret & si

milia. Dicitur ergo secundum Petr. ignorantia vni- uersalis: secundum Iuristas vero ignorantia iu- ris, & in idem redit. Quia ius hic vocantur regula vniuersales, regentes vitam humanam. Et hæc ignorantia iuris variatur in diuersis: dum vnus scire tenetur, ad quod alius scire non obligatur. De qua dicet largius parte tertia capitulo. xxiii. & xxiiii. Hæc ignorantia iuris aut est directe affectata, vt homo liberius peccet. & hæc non excu- sat, sed aggrauat. Aut non est directe affectata: sed prouenit ex quadam negligentia: & hæc, licet non excuset ex toto, tamen excusat a tanto & al-

**Exēpl.** leniant peccatū. Exemplum primi de eo, cui di-  
**1.** ctat conscientia, quod debet accedere ad non su- am: qui noluit intelligere, vt bene ageret, ne ha- beret conscientiam retrahentem, & propterea ini- quitatem meditatus est in cubili suo: scilicet con- scientiæ, & astitit viæ non bonæ. Tales sunt, de quibus dicitur Iob. xxi. Recede à nobis, scientiam viarum tuarum nolumus, & talis peccat grauius.

**Exēp. 2** Exemplum secundi de eo, qui neglexit solum di- scere dei præcepta, quando discere potuit: qui ad alienam non accedere, si id sciret contra dei præ- ceptum esse, talis peccat, sed minus quàm prior. Ignorantia facti: vt loquuntur iuristæ: vel parti-

**Ignorā** cularis, vt loquitur philosophus: & etiam in idem  
**fa-** redit, quia factum aliquod vocatur particulare de  
**cti.** terminatum per circumstantiam: quam contingit  
etiam

etiam sapientem aliquando ignorare, & est particularium circumstantiarum in actu: & in tali: aut adhibetur debita diligentia: & datur opera rei licitæ, & hoc modo excusat. Sicut fuit de Iacob cognoscendo Lyam quam credidit esse suam: scilicet Rachelem, Aut non est adhibita debita diligentia: vel datur opera rei illicitæ: & hæc non omnino excusat: potest tamen plus vel minus alleviare: si non fuerit directe affectata. Vnde si quis operam rei licitæ dedisset moderate: ignorantia sequens, culpam non haberet: & sic posset peccatum consequens ex toto excusare, ut patet in iis, qui per exercitium spiritualium operum in amantissimum vertuntur: ut sanct. Thom. dicit. Ignorantia Ignorantia vero electionis mala est, quæ provenit vel ex pastia electione, vel ex habitu: ex quibus aliquis actu non considerat, quod tamen considerare potest & debet: & hæc ignorantia quodammodo affectum peccati consequitur: ut quando ex concupiscentia peccati, quam voluntas non reprimat absorbetur iudicium rationis in particulari operabili. secundum quod dicitur. vi. Ethicorum. Quod delectatio corrumpit æstimationem prudentiæ. Secundum quam ignorantiam: omnis malus dicitur ignorans. Hæc ignorantia non excusat peccatum, nec minuit, quia non est causa peccati: sed consequitur omne peccatum. De ignorantia etiam habes plura: parte tertia capitulo. xv. conclusionem secundam.

Ex prædictis omnibus iam liquet, quod tres solum ignorantia. videlicet. Invincibilis, iuris, & factit peccatum excusant, augent vel diminuerit, omniumque prædictorum una ratio talis est. Sicut se habet ignorantia ad causandum vel non causandum, minuendum vel augendum voluntarium; sic se habet ad excusandum.

Nam eo ipso aliquid imputatur ad meritum, vel culpam: quia est voluntarium: & quantum est

voluntarium: & quantum est voluntarium, tantum est imputandum. Sed ignorantia se habet ad causandum voluntarium, vel inuoluntarium; & augendum ipsum, seu minuendum modo, quod dictum est, ut patuit per membra singula ergo.

Sed diceret quis forte. In multis ignorantibus. Alia infcius iam laboro. quid igitur faciam, ut eas eua-  
 quæst. dam: vel ut deus mihi non imputet ad peccatum. Nam delicta quis intelligit? Ideo cum Psalmista clamare habeo. Ab oculis meis, &c. Respondet Petrus de Thar. quod per veram contritionem deletur ignorantia in quantum est peccatum quod ad reatum: manet tamen actu. Cuius ratio: quia quando definit esse voluntarium, definit esse peccatum: non tamen definit esse simpliciter. De hoc tamen aliquid lucidius infra videbitur.

*Applicat diuersos modos ignorandi ad quæ-  
 stionem præcedentem. Cap. V.*

**P**ER præmissa respondetur directe ad quæ-  
 stum principale. ubi quæritur. Vtrum con-  
 scientia erronea semper sic liget te habentem,  
 quod in nullam partem possit homo licite decli-  
 nare? Respondetur distinguendo de errore con-  
 scientiæ, sicut & de ignorantia: Quia aut est er-  
 Error ror imputabilis, cuius ipse errans est causa, vel  
 imputa bilis. occasio, aut non est imputabilis, sicut est error  
 ignorantie vel circumstantie particularis: qualis fu-  
 Iac. it in Iacob respectu Lyæ: & ita de similib. errorib.  
 Lyæ. non imputabilibus. in talib. itaq; conscientia talis  
 non ligat, modo in titulo quæstionis præfacto.  
 Nam per talem conscientiam homo non est liga-  
 tus simpliciter: sed solum secundum quid: potest  
 enim secundum vnam partem licite procedere.  
 Si autem error sit imputabilis: tunc per talem  
 conscientiam homo ligatus est simpliciter stante

cali



i conscientia : quia nec secundum ipsam potest  
 mo licite facere : nec contra ipsam . Cuius ra-  
 est : quia vna sola conditio mala reddit actum  
 mplicit er illicitum : sed in omni actu , qui est  
 cundum talem conscientiam , vel contra ipsam  
 aliqua conditio mala . Patet hoc de primo  
 tu , qui est secundum eam . Actus enim qui est  
 cundum conscientiam erroneam , vel est malus  
 cundum se : vt cum aliquis credit furandum , vt  
 etur pauperibus : vel est malus , quia prohibi-  
 is : vel ratione præcepti superuenientis : vt cum  
 præcipitur alicui iurare : qui tamen non iurat :  
 o quod credit iuramentum illicitum esse . Et  
 a in omni actu , qui secundum conscientiam er-  
 oneam est : aliqua est conditio mala : vel de se ,  
 el ex prohibitione . Hoc autem non est intelli-  
 gendum de conscientia errante circa indifferen-  
 tia , vel ea , quæ sunt super erogationes : vt cum  
 aliquis se credit teneri ad leuandum festucam ,  
 quo ad primum : vel ad viuendum caste , quo ad  
 ecundum : cum tamen ad neutrum teneatur . In  
 alibus enim actus , qui est secundum conscien-  
 tiam erroneam , non est malus secundum se , nec  
 etiam prohibitus : ideo sequens conscientiam ta-  
 em erroneam non peccat . Generaliter autem  
 aciens contra conscientiam peccat , quando con-  
 scientia dictat aliquid tanquam debitum : vt pro-  
 batum est tertio capitulo . Sed quando dictat si-  
 ni solum vt licitum : vt quod fornicatio sit licita :  
 tunc faciens contra eam non peccat . Sed cum  
 dictat aliquid , vt debitum , tunc peccat . Nam  
 onscientia erronea in materia imputabili deter-  
 minata per prohibitionem vel præceptum , ligat  
 semper . Quod tamen intelligendum est , quan-  
 do dictat præcipiendo : non autem consulendo ,  
 ut permittendo : vt si per hæresim de errore cha-  
 ritatis & libertate spiritus dicter conscientia non  
 esse negandum illi , qui per charitatem petit  
 vsum

Usum corporis, tunc sit ligat conscientia quod quicquid faciat, peccat. Vnde etiam leuans festucam credens contra præceptum Dei agere, peccat grauiter contemnendo. Vult enim agere contra præceptum diuinum, sub quo conscientia comprehendit aliquid vt inclusum. Et licet illud vere non sit inclusum sub præcepto: tamen iste vere, quo ad mentem, est contemptor præcepti; qui credit oppositum eius, quod vult facere, esse præceptum. Immo dicit sanct. Thom. distinc. xxxix. in secundo scripto. Si ratio dicat aliquid directe cadere sub præcepto, tunc mortaliter peccat omittendo illud, quod conscientia dicat, etiam si sit veniale de se, vel indifferens.

*Mouet plura dubia de ligamenti conscientie.  
& soluit. Cap. VI.*

**C**irca præfatam mater iam erroneæ conscientie sunt adhuc tali dubia soluenda. Primum, quis plus peccet. Ille qui facit contra conscientiam erroneam: an ille, qui sequitur ipsam. Respondet Durandus disti. 39. vbi supra. Dicendum, inquit, quod hoc non potest vno sermone determinari. Sed considerandum qualiter est illicitum illud, quod conscientia erronea dicat esse faciendum: quia quandoq; illicitum, vt peccatum veniale: sicut quando conscientia dicat esse mentiendum: propter vitam innocentium saluandam: quandoq; vero vt mortale: sicut quando quis credit esse furandum malis diuitibus: vt detur bonis

**Not.** pauperibus. Ex parte etiam conscientie considerandum est, quid ipsa dicat faciendum tanquam ex præcepto: puta, quod non mentiens propter vitam alterius saluandam, reus est homicidij: quando vero dicat aliquid faciendum: vt opus misericordie solum. puta, quod furtum committens  
bene

bene facit, vt det pauperibus: & sic fit misericors. In primo casu sequens conscientiam erroneā peccat solum venialiter: sed faciens contra ipsam, peccat mortaliter. In secundo autem ē contrario. Si autem sit aliquid ex praecepto faciendum, vel omittendum, & conscientia dicat oppositum tanquam cadens sub praecepto, tunc comparandum est praeceptum praecepto; & secundum hoc videndum. Verbi gratia. Si mulier, errante conscientia, credat quod licitum sit mechari: vt saluet sui viri vitam: alioquin rea est homicidij: plus peccat exponendo se vel virum morti, quam mechando: quia maius est non occides. Simili modo est in omnibus aliis indicandum. Cum enim utrobique est praeceptum, tunc comparanda sunt illa adinuicem: vt secundum illa iudicetur de praeponderando. Si enim mulier se credit teneri ex praecepto. Non occides ad mechandum pro vita viri, aliter se putans fore ream homicidij: plus peccat non mechando, quam mechando. E contra: si putat se occidendam, ne violetur: plus peccat seipsam occidendo secundum conscientiam, quam mechando contra ipsam.

Dubitatur secundo. An dictamen conscientiae plus obliget quam praeceptum praelati? Respondetur. secundum Thom. in secundo, quod sic. quia conscientia non obligat virtute propria: sed virtute praecepti diuini. Conscientia enim non dicit aliquid faciendum hac ratione, quia sibi videatur: sed hac ratione, quia à Deo praeceptum est. vnde per accidens ex virtute diuini praecepti, obligat in quantum dicit hoc, vt praeceptum à Deo. Et ideo dictamen conscientiae plus obligat, quam praeceptum praelati. Sicut & praeceptum diuinum in cuius virtute ligat, sicut patet in exemplo. Si praeceptum regis non perueniret ad populum nisi mediante aliquo principe: si princeps diceret hoc est praeceptum à rege: quamuis non esset

verum

verum : dictum tamen suum obligaret, vt præceptum regis : ita quod contemptores poenam incurrerent.

Dubitatur tertio . Quot modis posset quis perplexus esse in conscientia . Respondetur in genere hoc scitur : sed in specie quasi inānitis mortiplex dis fit . vnde secundum Antisiodoreñ. in sumperplema sua . triplex est perplexitas : scilicet perplexitas . xitas intelligentiæ Sacræ scripturæ . Perplexitas intellectiua faciendorum . Perplexitas ineuitabilis peccandi . Prima & secunda reperiuntur in sanctis : ad quod significandum apud Hesaiam ponitur quinto loco onus Aegypti . Postquam enim homo excutit à se onus Babilonis ; idest amorem huius mundi , à quo primum exonerare se habet ; Secundo loco se excutit ab onere Philistijn ; idest dæmonum tentationibus . Et post hoc excutit se tertio loco ab onere Moab ; idest ab onere secularis scientiæ , vt dicere possit cum Apostolo . Non quod sufficientes simus aliquid cogitare à nobis . quasi ex nobis ; sed omnis sufficientia nostra à Deo est . Et post hæc onus carnalis dilectionis siue prudentiam carnis, quæ dicitur onus Damasci à se excutit . Item vltimo restat onus Aegypti , quod quilibet sanctus habere potest . Hæ sunt tenebrę ignorantie , quibus premuntur sancti ; sed non opprimuntur . Et ita patet quod sancti habent perplexitatem primam & secundam .

**Prima.** Prima autem perplexitas soluitur per distinctionem multiplicitatis , siue amphiboloice & æquiuocationis ; vel per distinctionem temporum , vel quod simpliciter dicitur , secundum quid intelligi debeat .

**Secunda.** Secunda perplexitas soluitur vno modo , scilicet per Spiritum sanctum . Vnde prima Ioan. secundo vos vnctionem habetis ex sancto (glosa) spiritu , & noscitis omnia , scilicet ad salutem necessaria . Et iterum ibidem . Hoc scribo vobis de iis , qui seducunt vos . & vos vnctio-

unctionem, quam accepistis à Deo maneat in vobis; & non necesse habetis vt aliquis doceat vos, sed sicut vnctio eius docet vos de omnibus. & verum est, & non est mendacium. vbi secundum, glo. vnctio est charitas, sanctus qui hanc dat est Spiritus sanctus. Et fiet sic, vt docente vos interior Spiritu sancto indigeatis extrinsecus; hominum institutis doceri. Et iterum ibidem dicit glo. Nemo docenti homini tribuat, quod ex ore docentis intelligit; quia nisi intus sit, qui doceat, lingua doctoris exterius in vanum laborat. Nec tamen doctor taceat; sed quod potest agat. Idem Greg. ex intentione tradit Gregorius in Homelia. & Aug. Augustinus lib. de magistro docet. quod nihil intelligitur, nec etiam intellectus agentis lumine illustratur; quia intellectus immediate à Deo illuminatur. Iccirco vnus est magister noster Christus eterna sapientia. Et notandum quod in potestate nostra est habere unctionem præfatam. Vnde Nic. de Ly. super præfato textu. scilicet Ni. de maneat in vobis. dicit; In potestate hominis est Ly. gratiam Baptismi obseruare. De qua præmisit; unctionem habetis à sancto. scilicet Spiritu; & noscitis omnia; scilicet ad salutem necessaria. Si enim natura non deficit in necessariis, multo minus author naturæ. Vnde si hæreticus veniat ad corrumpendum fidem: in simplici fidei, qui se conuertit ad Deum orandum pro unctione: ei non deficit, quin eum dirigat, per se, vel per alium: secundum ea, quæ pertinent ad salutem: secundum suum statutum. Illud autem habere dicimur, quod est in nostra potestate habendi: quod autem dicit. Non necesse habetis vt aliquis doceat vos: scilicet homo non est intelligendum quod simplices fideles contemnere debeant doctrinam superiorum, vel etiam causa negligere cum eam possint habere. Sed quid fieret, si humana doctrina deficeret: tunc enim Deus suppleret.

Vnde

**Pul-** Vnde frequenter repetiuntur aliqui simplices nutri-  
**chra** ti in campis clarius videntes in iis, q̄ sunt ad salu-  
**queſt.** tem necessaria, quam illi, qui quasi quotidie au-  
**Concl.** diunt sermones in ciuitatibus magnis. Concludit  
autem & verum est, & non est mendacium: quia  
ab eo, qui est regula veritatis, non potest proce-  
dere nisi verum, hæc Nico. de Lyra.

Tertia perplexitas soluitur per depositionem  
erroneæ conscientia, de qua videbitur parte ter-  
tia per totum. Ideo non potest esse secundo, vel  
tertio modo perplexus, adeo quod sit simplicitet  
perplexus. alias talis non libere nec voluntarie  
peccaret, quod uunquam fit: quia omne peccatū,  
secundum Augustinum, est adeo voluntarium,  
quod nisi aliquo modo sit voluntarium, non est pec-  
catum. Si autem alicui appareat quod peccet, si-  
ue faciat, siue dimittat, apparentia est, non veritas:  
quia si conscientiam haberet, & non ignorantiam, vi-  
deret viam sine peccato, faciendi vel dimittendi,  
vt patet in exemplo sequenti. Potest tamen ali-  
quis esse perplexus secundum quid, scilicet secun-  
dum erroneam conscientiam, qua deposita erit li-  
beratus. Exemplum de eo: cui dicat conscien-  
tia quod fornicari debeat: alias reus erit mortis  
proprie personæ. Errat talis conscientiat: & in-  
terim quod talem habet conscientiam est perple-  
xus. secundum quid, quia siue fornicetur siue nō  
peccat: quia si facit committit peccatum fornicati-  
onis: si non facit committit ex intentione seu cō-  
scientia, peccatum proprii homicidij: & sic secun-  
dum quid non est perplexus. Igitur deponat con-  
scientiam, & tunc fornicando non peccat, iste ta-  
men cui apparet quod conscientiam non possit de-  
ponere: & secundum quid perplexus est inter duo  
vitia: illud plus eligat vitium: vel potius minus  
timeat incurrere: quod in se minus peccatum ex-  
tat: sicut in exemplo de eo patet: qui in curo ca-  
ptiuus est: & sine corporis periculo nullo modo  
potest,

potest euadere : eligit locum, vbi cadendo deorsum minus lædat. De hoc est etiam regula vniuersalis theologorum. . In nullo casu est aliqui perplexus inter duo peccata, quin ei pateat exitus absq; nouo peccato. Nam si iurauit quispiam se occisurum Petrum innocentem : & non occidat eum : ipse non peccauit nouiter : sed iam peccauit iurando. Si autem conscientia erronea dicat sibi, quod Petrus innocens est statim occidendus ab eo : dimittat hanc conscientiam, & liberatus est. Si autem postremo incidant duo præcepta Exem- incompossibilia ex culpa sua, tunc agat illud, quod plù de de se est magis obligatoriũ, & à nouo peccato im- ieiui. munis exister.

*Tractatus secundi assignat quinq; causas*

*erroneæ conscientie. Cap. VII.*

**V** Iso quid sit erronea conscientia. quæ vulnus magnum est animæ : nunc vt medela adhiberi possit radicitus : videndum est de causis erroneæ conscientie. Vbi sciendum, quod ex quinque oritur : scilicet ex discendi negligentia : ex quærendi erubescencia, ex affectus maleuolentia : & ex aliorum vitiorum grauium foetulentia. Primo igitur oritur ex discendi negligentia, vnde Hesaię tertio. Propterea captiuus ductus est populus meus : quia non habuit scientiam. Tenetur enim quilibet christianus scire, aut adiscere ea, Not. quæ sunt credenda ; vt symbolum Apostolorum, & quæ sunt appetenda & speranda, vt oratione dominicam. In qua continetur quicquid est ordinate petendum, & sperandum : & ea, quæ sunt facienda, & dimittenda : per dilectionem Dei & proximi : contenta in decem præceptis, quæ sunt regulæ omnium : dicente veritate, Matth. xix. Si vis ad vitam ingredi, serua mandata. Ea, quæ sunt ecclesie

ecclesiæ communiter vulgata præcepta, vt de præcipuis festiuitatibus : de necessitate confitendi, & Eucharistiam sumendi : atq; de quibusdam aliis sacramentis ecclesiæ venerabiliter percipiendis, tenentur omnes homines. Tenentur insuper scire singuli homines : vt dicit sanc. Tho. prima secundæ. q. 70. ea, quæ ad eorum statum sunt pertinentia, vel officium: vt religiosus, ea, quæ ad suam religionem pertinent. Episcopus, Iudex, Scabinus, Consiliarius, Artifex : & sic de aliis, quæ ad eorum officium pertinent. Similiter tenentur scire ea, sine quorum scientia non potest aliquis debitum actum exercere. Et sicut turpe est Mechanico primo velle artem discere, quando debet eam exercere : sic turpis est cuilibet in officio licito existenti: si nescit ea, quæ sunt officij sui exercere, vt iunctis matrimonio electis ad officia, & similibus. Nam qui ignorat ignorabitur. 1. Corin. 14. Et fatuis virginibus dicitur Matth. 15. Amen dico vobis nescio vos, & clausa est ianua.

Discre  
tionis  
bonū.

Secundo oritur erronea conscientia ex querendi erubescencia: puta cum quis habere potest quos in dubiis consulat vel in arduis, & erubescit querere. Tales enim veram prudentiam, quæ idem est cum discretione: & ab erronea conscientia sola se it liberare. nunquam attingens immo dæmonis tentationibus interim succumbent, vt diffuse probat Cassianus. Colla. 2. Moyfi Abbatis exemplis, primi Abbatis Serapionis, qui iuuenis existens: seruiendo Abbati Theonæ, per Dæmonis tentationem: tandiu in furti panis conscientia durissima detentus est: quousq; peccatum suum coram senibus agnouit. Deinde exemplis scripturæ idem patet. Primo de Samuele iuvene à Deo electo, primi Regum 3. Quem Deus pater suo colloquio noluit illustrare, nisi semel & iterum ab Hely seniore sacerdote doceretur. Sic vas electionis iam conuersum, Deus per semetipsum statim instruere noluit:



noluit: sed ait ei. Act. 9. Surge & ingredi te ciuitatem, & ibi dicetur tibi quid te oporteat facere. Sic etiam idem Paulus propter hoc solum ascendit Hierosolimam: vt euangelium, quod per plura miracula gentibus prædicauerat, priuata ac domestici examinatione conferret cum Apostolis. Contuli. inquit. Gal. secundo cum illis Euangelium, quod prædico in gentibus, ne forte in vacuum currem, aut cucurrissem. Ideo concludit Cassianus ex verbis Moyfi Abbatis. Quis igitur tam præsumptor & cæcus est, qui se audeat suo iudicio & discretioni committere: cum vas electionis indignum se coapostolorum suorum collatione testetur. Vnde manifestissime comprobatur, nec à Domino viam quidem perfectionis quempiam promereri: quis habens vnde valeat erudiri: doctrinam seniorum vel instituta contempserit: paruipendens illud eloquium, quod oportet diligentissime custodiri. Interroga patrem tuum, & annuntiabit tibi: seniores tuos & dicent tibi. Deute. 32. Et iterum dicit Cassianus ibidem. Non valebit ignorantiam eius, callidus hostis, illudere: qui vniuersas cogitationes in corde nascentes, pernitiōsa verecundia nescit obtegere; sed eas maturo examine seniorum vel reprobatur, vel admittit.

Tertio oritur conscientia erronea ex superbiæ pertinacia: vt quando quis non humiliat intellectum suum: vt melioribus & sapientioribus se, credat. Contra quod apostolus. secunda Corinth. 10. Captiuantes, inquit omnem intellectum in obsequium Christi. hoc est dicere: vt exponit Vlricus de Argentina in Comp. Theol. quod quilibet in credendis, plus debet consentire n̄ dei quam sibi, & in agendis plus debet aliis credere quam sibi vt patebit parte tertia c. 16. Ideo Cassianus vbi supra, dicit. Vera discretio, nō nisi vera humilitate acquiri. Cuius humilitatis nō fīcte hęc erit prima p̄batio. Si vniuersa, nō solū quæ agēda sunt, sed et quæ cogitantur: seniorū referuā-

Nota.

D

tur

tur examini, vt nihil suo quis iudicio credens: illorum per omnia diffinitionibus acquiescat: & quid bonum, vel malum debeat iudicare, eorum traditione cognoscat. Quæ institutio non solum per veram discretionis viam iuuenē tramite recto docere bit incedere: verum etiam à cunctis fraudibus inimici & insidiis: seruabit illæsum.

Nullatenus enim decipi poterit, quisquis nō suo iudicio, sed maiorum viuut exemplo.

Quarto oritur erronea Conscientia: ex affectus maliuolentia: cum scilicet quis aliquam passionem sequitur, quia talis impedit animum ne possit cernere verum: quod non solum verum est de ira, sed de omni alia passione: puta, odio, timore, delectatione, tristitia, sed vel desperatione, ira, fuga, persecutione, dolore, & gaudio, quando tales passionēs non refrenantur ratione: quas Philosophus secundo Ethi. ponit. Vnde Beatus Augustinus in 9. de Ciuit. Dei dicit, Quod passionēs animæ quidam vocant morbos, vel perturbationes animæ. Et de duobus malis iudicib. & Sacerdotib. dicūt Dan. 14. Auerte rūt sensum suū. glo. a recto: scilicet auerterunt oculos suos ne viderent Cælum, glosa, idest cælestia nō cogitarent. Et sequitur neq; recordarentur iudiciorum iustorum. glos. siue Dei, siue honestatis, siue naturæ, quæ omnibus ad bonum insita sunt. Causa subinfertur de passione. Erant enim ambo vulnerati amore eius, scilicet, Susanne. Et postea ait, vni eorum ipsum condemnando Daniel, species decipit te: & concupiscentia peruertit cor tuum.

Quinto oritur ex aliorum vitiorum grauium fæcultentia. Nam habitus & dispositiones vitiorum intellectum cæcant: sic vt lumen veræ intelligentiæ vix habere possit, & si habet, habitus vitiorū adeo debilitant voluntatem hominis & affectum: vt sibi Mundus sapiat, non cælestia: terrena & non diuina. Vnde de malis in inferno positis dicitur: tarde de vita præfenti penitentibus. Sapien. 5. Errauimus

à via veritatis, & iustitiæ lumen non luxit nobis, & sol intelligentiæ non est ortus nobis, lassati sumus in via iniquitatis & perditionis: & ambulauimus vias difficiles: viam autem domini ignorauimus. Idcirco etiam Tobia secundo. Vitia secundum gloriam significantur per stercora calida hirundinis, quæ cecauerunt Tobiam. Nido, inquit, gloriæ hirundinis suppositis dormit: qui leuitati lasciuiæ, ac superbiæ se incautus subiicit.

*Dat remedia ne quis in ignorantia damnetur.*

*Et sunt quatuor per quæ quis facit  
quod in se est. Cap. VIII.*

**D**E meditamine præterea erroneæ conscientiæ necessarium est videre. Habet autem ignorantia vincibilis iuris & facti, quæ est origo erroneæ conscientiæ duo in se mala. Vnum est reatus seu culpa, aliud est defectus scientiæ debitæ: quæ scientia ignorans caret. Primum tollitur per veram contritionem. Secundum tollitur, aut non imputatur per diligentiam debitam faciendo quod in se est. Exiguntur autem ad diligentiam debitam, contra ignorantiam talem, & ad faciendum quod in se est: quatuor, aut quinque, secundum Chryso. videlicet Chry. inquisitio diligens scripturarum: requisitio humilis in scripturis sacris literatorum: operatio bonorum per cautelam grauium vitiorum, & inuocatio per orationes Dei, & sanctorum. Quintum potest addi quod est causa præcedentium videlicet ardens desiderium propriæ beatitudinis, & fuga damnationis perpetuæ. vnde Chryso. super Matth. Homel. 39. Ista tangens dicit. Si velles scripturarum ingredi veritatem: nunc peteres orationibus: nunc quæreres in scripturis: nunc pulsares bonis operibus: nunc interrogares sacerdotes, nunc istos nunc illos. sed ista non sunt, quia verbo

Dei non creditur: nec promisso beatitudinis non desideratur, nec condemnationis iudicium formidatur. Eadem quatuor tangit, & declarat San. Bonauentura super tertio in materia de fide. Primum, inquit, est diligens inquisitio scripturarum salutarium: scilicet hominibus: quæ fieri debet per attentam verbi dei auditionem. Vnde Psalmus. Tempus faciendi domine dissipauerunt legem tuam, &c. Debet enim fieri per librorum Sacra scripturæ si quis nouerit legere, attentam inspectionem: quia Psalmista. Tunc non confundar cum perspexero. Vnde beatus vir prædicatur per Psalmistam, qui in lege eius meditatur die ac nocte, qui erit sicut lignum, quod fructum dabit in tempore suo: & etiam sit per cordialem auditoris de Sacra scriptura meditationem. Talibus enim insistentum est, præsertim diebus festiuis, per quæ Sabbatum multum sanctificatur. Secundum est requisitio humilis in scripturis Sacris literatorum, quod fieri solet per conuersationem cum bonis hominibus, vnde in Psalmis dicitur. Cum Sancto Sanctus. eris, &c. per crebram colloctionem moralium bonorum, quia sicut secundum Apostolum primæ ad Corinth. 5. Corrumunt bonos mores colloquia mala, ita è diuerso, secundum Psalmus declaratio sermonum tuorum illuminat. Et per humilem questionem sapientiorum: exemplo Iesu: qui duodecimo in medio doctorum interrogabat & audiebat illos: & subditus erat parentibus. Lucæ secundo. Quæ quantum valeant dictum est parte ista cap. 6. Tertium est: operatio bonorum per cautelam grauium vitiorum: vt scilicet homo sibi caueat a grauius peccatis. & si in aliquo ceciderit: non diu in eo permaneat: quia secundum beatum Gregorium: Deus sæpe per noua peccata punit priora, & propter vitia grauius finit peccatorem in ignorantiam ruere & in peccata alia. Vnde Psalmus. Appone iniquitatem super iniquitatem eorum. Et sic

secun-

secundum glosa August. super cecidit ignis, & non viderunt solem. Sic etiam secundum Apostolum. Roman. primo propter peccata Phariseorum tradidit eos Deus in passionibus ignominie: & obscuratum est insipiens cor eorum. Quinimmo secundum beatum Gregorium super Ezech. Contemnen-  
ti, qui non vult poenitere, ponit Deus offendiculum, ut grauius impingat.

Quartum est inuocatio per orationes Dei, & Quarta  
Sanctorum: quatenus Deus velit hominem illumina-  
re, ut necessaria ad salutem intelligat, & ut in  
ignorantia sua non permaneat: exemplo Psalmi-  
stae, qui ait. Delicta quis intelligit: & statim ora-  
re incipit pro intellectu eorum dicens. Ab occul-  
tis meis, &c. Vnde glosa super Matth. 8. Christus  
modo rogatus: modo ultra curat: ostendens se con-  
tra vitiorum passionibus semper annuere fidelium  
precibus: & ea nonnunquam quae ipsi non intelli-  
gunt: vel intelligenda dare, vel pie perentibus  
etiam non intellecta dimittere. Quicumque igitur  
in praedictis quatuor diligentiam fecerit: vide-  
tur secundum Chrysost. & Bonauen. facere quod  
in se est: & peccatorum remissionem consequi: Facere  
etiam occultorum; quamuis etiam per multa alia quae in  
peccata dimittantur. Vnde Origenes super Leuit. sc est.  
capit. 2. dicit. Aliquis melius ferè agebatur cum  
antiquis: quibus diuersis sacrificiis venia praesta-  
batur: apud nos vna tantum venia peccatorum per  
baptismi lauachrum. Decet enim districtioris di-  
scipline esse Christianum: pro quo Christus mor-  
tuus est: boues hirci, & oves iugulabantur, &  
aues, & similia oleo conspergebantur: pro re  
Dei filius iugulatus est. Et iterum. Si te pecca-  
re delectat: non tamen desperes. Audisti quan-  
ta in lege sacrificia pro peccatis. Audi quantae  
sunt remissiones in Euangeliiis. Prima est in Bap-  
tismo. Secunda in Martirio. Tertia per Elemo-  
synam. Quarta, quia Fratribus remitti-  
mus,

Nota Chri-  
 stiane. mus. Matthæus sextus. Si remiseritis fratribus ex  
 corde : remittet & vobis pater peccata vestra .  
 Quinta cum conuertimus peccatorem ab errore  
 viæ suæ, secundum illud Iacob:3. Qui conuer-  
 terit peccatorem ab errore viæ suæ, &c. Sexta per  
 abundantiam charitatis. Lucæ. 7. Dimittuntur ei  
 peccata multa ; quoniam dilexit multum. Et prima  
 Pet. 4. Charitas operit multitudinem peccatorum.  
 Septima per poenitentiam duram & laboriosam :  
 cum peccator lauat lachrymis lectum suum, & fi-  
 unt ei panes lachrymæ die ac nocte : nec erubescit  
 sacerdoti domini peccatum suum confiteri, & me-  
 dicinam querere : secundum illum, qui ait : Dixi  
 Confitebor aduersum me iniustitiam meam domi-  
 no, &c. Hinc Iacobi ultimo . Siquis infirmatur in  
 vobis, &c. Tu ergo cum venisti ad gratiam baptis-  
 mi vitulum obtulisti: quia in morte Christibaptiza-  
 ris. Rom. 6. Cum ad martyrium duceris obtulisti :  
 quia auctorem peccati diabolus ingulasti . Cum  
 eleemosynam feceris, & erga indigentes miseri-  
 cordiæ affectum impenderis sacrum altare hoedis  
 pinguibus honorasti . Si fratri tuo ex corde dimi-  
 seris, & iracundiæ tumorem deposueris: mitem &  
 simplicem animum habueris, arietem vel agnum  
 sacrificasti. Si diuinis lectionibus instructus me-  
 ditando vt columba, & in lege domini vigilando  
 conuerteris peccatorem ab errore viæ suæ, & ad  
 simplicitatem columbæ reuocaueris, & sanctis ad-  
 iugendo societatem turturis feceris imitari: par tur-  
 turum, aut duo pullos columbarum obtulisti . Si  
 autem proximum tuum non tantum sicut te ipsum  
 dilexeris : sed sicut Christus, qui ait . Maiorem  
 charitatem nemo habet, vt animam suam ponat  
 quis pro amicis suis : panes azimos simillaceos,  
 charitatis oleo subactos sine fermento malitiæ, &  
 nequitix: sed in azimis sinceritatis, & veritatis  
 Deo obtulisse cognosce . Sed si in amaritudine fle-  
 tus fueris, si carnem tuam maceraueris, & multa  
 ab-

abſtinentia arefeceris, vt dicas, ſicut in frixorio cō-  
frixā ſunt oſſa mea in ſacrificio: ſimilem a ſartagi-  
ne, vel à Craticula obtuliſti. Hoc modo verius  
& perfectius ſacrificia offeres: quæ iam ſecun-  
dum legem non poteſt offerre Iſrael. Hæc Origi-  
nes.

*Oſtendit tres differentias eſſe hominum ma-  
lam conſcientiam habentium: & quo-  
modo facere poſſunt, quod in  
ſe eſt. Cap. IX.*

**V**erum quia perfectā punctio Chryſo. bene vi-  
dere poteſt quis: quid facere debeat quan-  
tum in ſe eſt catholicus, in conſcientia erronea  
manens. Hic modo opus eſt videre etiam, quid  
neceſſarium ſit facere vnicuiq; ſiue ſit fidelis, ſiue  
ſit infidelis, vt erroneam exeat conſcientiam, per  
facere quod in ſe eſt.

Eſt enim generalis theologiæ regula: vt inquit  
Cancellarius tractatu de regulis moralibus, quod  
culpabilis ignorantia iuris diuini non cadit in fa-  
cientem illud, quod in ſe eſt: quoniam Spiritus  
Sanctus talem hominem de neceſſitatis ad ſalutē,  
quæ vires ſuas excedunt, docere immediate para-  
tus eſt. Vt igitur ſciatur, quid ſit facere, quod in ſe  
eſt: quamquam ideo oſtenſum ſit ſupra capitulo ter-  
tio & quarto. Hic tamē aduertendum eſt, quod tria Nota.  
ſunt genera hominū. Quidā ſunt habentes vſum ra-  
tionis, ſed nondum fideles. Alij ſunt, qui ſunt, aut  
fuerunt fideles in peccato mortali exiſtentes tunc,  
vt hæretici. Alij ſunt fideles iam poenitentes: &  
tamen ſuam erroneam conſcientiam non agnoſcen-  
tes: & omnes iſti poſſunt ab erronea conſcientia li-  
berari: dummodo faciant quod in ſe eſt.

Primi igitur vt Alexand. de Ales dicit in ſumma,  
tria debent facere videlicet. Deum, qui nos ge-

nuit agnoscere : & quod nihil boni à se habent, sed adeo principaliter credere, & a Deo sibi bona dari : & mala amoueri petere . Quod sic declarat . Nam in quolibet homine est recta ratio , & hæc certitudo boni est notio indita à creatore : qua qualibet anima potest cognoscere suum principium , scilicet Deum : de qua notitia in Psalmis dicitur . Scitote quoniam ipse est deus , ipse facit nos , &c. Per hoc enim , quod quilibet homo scit se naturaliter semper non fuisse : sed se factum esse : ita scit se habere principium , & scit quod ab illo principio habet quicquid habet : & totum bonum quod habet : habet non à se & scit quod ab illo debet petere bonum , & quod per illum debent repleri omnes defectus sui . Si ergo secundum istam notitiam operetur homo suo arbitrio currendo ad illum , quem scit suum principium esse : ecce primum : & quem scit orandum esse sibi : ut scilicet suppleat defectus suos , & bona tribuat : ecce secundum , & petit ab eo lumen cognitionis fidei & boni , ut detur ei . ecce tertium . Si enim illa non facit quis , tunc iuxta illud , primæ Corin. 14. ignorans ignorabitur . Si autem facit : facit quod in se est : & hoc verum est generaliter de quolibet homine . De secundis autem qui fideles , sed in peccato mortales tales præter præmissas , etiam tria debent bene facere , scilicet auertere voluntatem a peccato : iustitiam Dei ponderare quam infligit pro peccato : & misericordiam Dei , quam impendit poenitentibus . In talibus enim de secundo genere plus est , vel facilius accipere lumen veritatis : quia tales habent fidem informem , scilicet sine charitate . Fides autem radiat ad duo , scilicet ad diuinam iustitiam damnantem reprobos : & ad diuinam misericordiam saluantem electos . Hæc enim bene cognoscit per fidem . Si ergo auertat suum arbitrium peccati , & dirigat ex lumine fidei iniustitiam damnantem reprobos , & in Diuinam misericordiam .



cordiam saluantem iustos : ex primo causabitur timor in eo : & ex secundo spes : & hoc est facere , quod in se est . Cui concordat Sanct. Thom. in 4. distinct. 17. de iustificatione impij questione secunda dicit . In ipsa voluntate est appropinquare Deo per affectum & desiderium , & ordinaria ad gratiam , per remotionem impedimenti . quod quidem impedimentum est peccatum : & ideo per displicentiam peccati , & affectum ad Deum se aliquis preparat ad gratiam . Et quando hæc duo quis efficaciter facit ; dicitur facere quod in se est : & per hoc gratiam recipit . De primo istorum dicitur Iacob. 4. Appropinquate Deo , & appropinquabit vobis . De secundo Apoc. 3. Ecce sto ad ostium & pulso ; si quis audierit vocem meam : & aperuerit ianuam : intrabo ad illum & cenabo cum illo , & ille mecum , hæc Thomas .

Nota.

De tertiis vero , quia laborant in errore , videtur facere quod in se est , vt illuminentur , si seruent ea , quæ ponuntur supra capitulo quarto , & paret tertia cap. 14. Sed fortassis quæreret homo timoræ conscientie . Cum omnes sacræ pagine doctores dicant , quod homini facienti quod in se est , etiam si est infidelis , aut credens peccator , datur lumen gratiæ . Nunquid Deus tali dat gratiam infalibiliter , & necessario ? Responde ibi .

Nota.

dem quod sic . Nam quamuis Deus cogi non possit : tamen ita immutabiliter se habet diuina bonitas ad donum gratiæ omni volenti recipere faciendo : scilicet quod in se est , quod Deus dat ei gratiam , & etiam necessario , idest immutabiliter , sicut Sol immutabiliter dat lumen suum omni volenti suscipere , scilicet disposito ad hoc , & se habenti in recta dispositione ad solem . Ex quo patet laus voluntatis Diuinæ , quod non potest se negare volenti gratiam suam recipere : faciendo quod in se est . Propter quod etiam August. dicit . Sicut vituperium humanæ voluntatis est quod

non

non vult recipere : ita laus diuinæ rationi est : quod non potest seipsam negare . Cauendum tamen vt dicit . Bernard . lib . de gratia , & liber arbitrium . Ne ea , quæ intra nos accidere sentimus , aut voluntati animæ tribuas quæ infirma est , aut diuinæ necessitati sic , scilicet quod Deus cogatur , quia non coacte , sed libere dat ex sua bonitate . Et animaduertat est iterum diuina bonitas .

**Nota.** Nam si per impossibile , Deus non daret ( facienti quod in se est ) gratiam : non faceret tali iniuriam : sicut nec luto fieret iniuria , si de eo faceret figulus vas in contumeliam , non in honorem , quia faceret secundum exigentiam , & naturam suæ materiæ . teste Hieremia cap . 18 . Ecce sicut lutum in manu figuli : sic vos in manu mea . Et Hesa . 67 . Et nunc Domine pater noster es tu : nos vero lutum : & tu factor noster , & opera manuum tuarum omnes nos . Vnde nos sumus materia ipsius : Sed sic est , quod tota massa generis humani , corrupta est per originale peccatum : & propter hoc si Deus faceret ex homine vas in contumeliam , & non in situm honorem : imprimendo formam nobilem , quæ est gratia , faceret secundum exigentiam materiæ : quia ordinata est massa generis humani , per peccatum in contumeliam , & propter hoc si ita faceret , non faceret iniuriam . Sicut videtur facere in pueris ab originali peccato per baptismum non purgatis . Quod ergo Deus in homine facienti quod in se est , imprimat formam nobilem , quæ est gratia : hoc est sola liberalitate sua : & nõ ex aliquo qđ debeat homini facienti quod in se est : quia homo faciens quod in se est , adhuc est indignus ad sumptionem gratiæ , immo nullus peccator potest se sufficienter disponere ad gratiam , nisi Deus ipsum disponat . tum quia , vt dictum est : qui est in peccato mortali : indignus est suscipere gratiam : tunc quia tale peccatum remouet lumen diuinæ gratiæ . Sicut fenestra clausa , ne illuminetur domus : sed si facit homo,

mo, quod in se est, consequitur dispositionem diuini adiutorij. Vnde in priori exemplo fenestra debet comparari actui voluntatis, cuius est cōsentire, vel dissentire, & tenebra cōparatur peccato; Vā sicut in potestate hōis non est, qđ remoueat tenebram à dōmo, nisi aperiat prohibens lucem: scilicet fenestram: & lux illa remouet tenebram. Ita in potestate hominis non est, vt remoueat peccatum a seipso. Sed si remoueat actum suum voluntarium, scilicet dissensum ad bonum & consensum ad malum, tunc remouet illud, quod est prohibens gratiam: sicut fenestra prohibet lucem. & tunc intrat gratia in Christianum: & ita diuino adiutorio remouetur ab eo tenebra: remouet igitur liberum arbitrium dissensum ad bonum, vt consentiat paratæ gratiæ; & hoc est, quod dicit Ber. Gratiæ solum cooperari dicitur libero arbitrio dum consentit.

*Probaturs multis rationibus quod facienti  
quod in se est, datur omnino gra-  
tia.*

*Cap. X.*

**Q**Uod autem Deus facienti quod in se est, infallibiliter dat gratiam: patet multis rationibus. Primo enim dicit Apostolus. 2. Thim. 2. ratio. Deus semetipsum negare non potest. super quo beatus Augustinus. Cum sit iustus non potest negare suam iustitiam: ergo cum sit bonus; & misericors, non potest negare suam bonitatem & misericordiam: quia pronior est ad largiendum de misericordia & pietate; quam ad puniendum de iustitia. Sicut ergo non potest suam iustitiam negare facientibus malum: multo magis non potest suam misericordiam & pietatem ab iis negare, qui requiruntur eam. Sed qui facit quod in se est, requirit bonitatem eius, & misericordiam: ergo  
Deus

Deus non potest ei negare, qui facit quod in se est, suam bonitatem, & misericordiam: dat ergo ei, hoc est, infundit gratiam. Cum Apostolo concordat scriptura Ecclesiastici sexto dicens. Cogitatum habet in præceptis Dei, & in mandatis illius maxime assiduus esto, & ipse dabit tibi cor bonum, & concupiscentia sapientiæ dabitur tibi.

Secundo sic. Nam dicit Augustinus super Roman. cap. 5. Iustificati ex fide pacem habeamus: Deus recipit confugientes ad se: aliter in eo esset iniquitas: sed impossibile est, quod in eo sit iniquitas: igitur impossibile est, quod non suscipiat confugientes ad se, sed faciens quod in se est confugit ad ipsum, ergo necesse est quod ipsum recipiat, sed ipsum recipere fit per susceptionem gratiæ: ideo ut prius.

Tertio Apocal. 3. Christus dicit. Si quis aperuerit mihi intrabo ad illum, & cenabo cum illo: hoc est delectabor. Et Isa. primo. Dominus ait. Conuertimini ad me, & ego conuertar ad vos. Ex quibus sic arguitur. Impossibile est summam veritatem mentiri, sed necesse habet verum dicere, & implere. sed dicit conuertenti ad ipsum, quod conuertet se, & quod ad parientem intrabit. Cum ergo faciens quod in se est, conuertatur ad veritatem primam, & aperiat, ut intret, necessario sequitur, quod talem ad gratiam recipiat.

Quarto quærit Ansel. in libro de Casu diaboli. Quare Lucifer. non habuit perseuerantiam: quia aut hor fuit, quia Deus non dedit aus, quia ipse non accepit. Sed determinat istam quæstionem dicens. quod hoc non fuit, quia deus non dedit, sed quia ille non accepit, cum Deus semper paratus esset dare: ipse vero non erat paratus accipere. Cum igitur faciens quod in se est: paratus esset accipere gratiam Dei: igitur ei datur.

Quin-

Quinto. non minus Deus diligit Christianos, vel aliquos peccatores in nouo testamento: quam dilexit in veteri testamento: immo plus videtur diligere in nouo testamento. quia Christus frequenter ait. Non veni vocare iustos, sed peccatores ad poenitentiam. Matthæi 9. Marci 2. Lucæ 15. tres parabulas ponit, scilicet de oue dragma perditis, diligenter quæsitis, & de filio Prodigio, sed in veteri testamento misericordissime vocauit peccatores Isaïæ 49. dicens. Dixit Sion de reliquit me dominus, & dominus oblitus est mei. Nunquid obliuisci potest mulier infantem suum, vt non misereatur filio vteri sui. Et; si illa oblita fuerit, ego nunquam tamen obliuiscar tui: ecce in manibus meis descripsi te. Hanc etiam indicibilem Dei bonitatem ad humanam genus ostendit beatus Dionysius, in Epistola ad Demophilum, quæ Epistola intitulatur de propria operatione, & bonitate Dei in qua redarguit Demophilum, qui poenitentem a venia exclusit. Probat enim, & commendat ibi beatus Dionysius mansuetudinem, & misericordiam Deo summe placere, & hoc ostendit tripliciter. primo exemplo, patrum veteris testamenti. Secundo exemplo, Angelorum. Tertio exemplo, Christi. Primo exemplo patrum veteris testamenti, scilicet de Moïse, qui fuit vir mitissimus super omnes homines, qui habitabant in terra numeri 14. Ideo etiam ei Deus sicut amicus amico locutus est, ei se ostendens. Secundo de Dauid. dicitur in Psalmis. Memento domine Dauid, & omnis mansuetudinis eius. ideo Christus de eius progenie natus est. Pariformiter Iacob, qui se mansuete ad persecutorem Esau habuit, & iustificatus est. Ioseph similiter non se vindicans de iniuria contra fratres suos. Genesis vltimo, dominus Aegypti factus est. Et Abel, qui ambulauit cum homicida fratre sine suspi-

suspicionē; immo & ipsa lex rigoris vetē. test. mandauit prouidere iumentis inimici. Exodi 23. Si occurreris boni inimici tui, aut asino erranti, reduces eum. Deinde recolligit Dionysius vniuersaliter quod omnis scriptura Sacra laudat bonos, qui non praeintendunt aliis facere mala: neque per malitiā aliorum mutantur à propria bonitate. Vnde dicit glos. Matth. 5. Mitis est, quem nec rancor, nec ira afficit, sed omnia æquanimiter sustinet: & ad similitudinem Dei, malis, & inimicis tales benefaciunt, & extendunt in eos etiam suam bonitatem.

Secundo probat exemplo Angelorum; qui amant homines, & misereantur gētibus. sicut patet Daniel 10. quod Angelus egressus est in auxilium populi Hebræorum: depræcans Deum pro hominibus sicut patet. Zach. primo de Angelo qui clamauit ad Dominum & dixit. Domine vsquequo non ædificabuntur Ciuitates Iudæ. Increpans multitudines populi male operantis: sicut in principi Iudicium. Quando apparuit Angelus & repræhendit filios Israel. Tristantur à malis hominum. Vnde Hesaiæ 34. Angelis pacis amare flebunt, & gaudent in saluatione hominum. Luc. 5. Gaudium est Angelis Dei super vno peccatore poenitentiam agente.

Tertio probat exemplo Christi, qui ex ineffabili bonitate sua omnia ad esse produxit, & omnia in esse conseruat: omniaq; vult assimilare sibi, comunicans eis propria sua secundum eorum capacitatem; recedentes ab ipso amat; & certat reuocare ad se: exemplificans de filio Prodigio misericorditer suscepto, hæc omnia Dionysius ponit in sententia. Et similia probat Damasc. lib. 4. cap. 5. dicens. Bonus & omnibus; & super bonus Deus: totus superueniens bonitas: propter abundantes eius diuitias, non sustinuit solum esse eius bonum sui ipsius secundum naturam à nullo, scilicet participatam. Huius grātia fecit quidem primum intellectuales & coelestes virtutes: deinde, sensibilem,

dilem, & inuisibilem mundum: deinde ex sensibili  
& intelligibili, scilicet hominem: vt omnia quidē,  
quæ ab ipso facta sunt, communicent eius bonita-  
tem: tradidit nobis propriam imaginem & sensum  
proprium: assumpsit ipse pauperem & imbecillem  
naturam nostram, vt & nos purget & incorrupti- Nota.  
biles faciat, & participes rursus constituat eius di-  
uinitatis. Amen.

## TERTIVS TRACTATVS.

*Quid sit scrupulosa Conscientia, quid scrupulus,  
scientia, fides, dubium, & ambiguitas, &  
similia. Et quomodo differunt à con-  
scientia & inter se. Cap. I.*



**P**OST QVAM de conscientia dictum est, quæ rectitudinem habet, vel videtur habere in iudicando: nunc de tertio principali agendum videlicet de Scrupulosa Conscientia, quæ suspicionem vel dubium habet ac timorem, seu vacillationē de re agibili vel credibili. Quia vero talis scrupulus naturam morbi habet spiritualis. Idcirco videndū erit de eius natura, de nocumento, & profectu de eius causa, medico, & medicina curatiua. Est autem Scrupulus quædam vacillatio consurgens cum formidine, ex aliquibus coniecturis debilibus & incertis. Scrup.  
Nam si ex vehementibus argumentis, & probabilioribus tam pro hac parte. quàm pro altera dubitatio consurget, iam non scrupulus solum vel leuis moralis trepidatio dici oporteret, sed moralis de transgressione certitudo, vel saltem opinio, & idem videtur vel op.  
esse

esse scrupulus, quod apud alios dicitur pusillanimitas, quæ est tediosa rerum aduersarum iners, & inconsiderata fracta cū deiectione. Est etiam timor, fuga, por quam angustia mentis fluctuanti ex contrariorum expectatione generatur. Idcirco secundum dominum Albertum, in de quatuor. Cœnis assignatur differentia inter scientiam, fidem, seu credulitatem, opinionem, seu dubitationem, seu Scia: ambiguitatem, & scrupulum. Nam scientia proprie est eorum, quæ cognoscuntur per causam, & ex principiis, quæ impossibile est alter se habere. Fides, seu credulitas est perfecta persuasio vnius partis per multa probabilia, vel per autoritatem dicentis. Opinio est acceptio vnius partis cum formidine alterius, ita tamen quod ad illam, quam formidat, non habetur ratio expressa, formidatur tamen propter debilitatem rationis alterius partis. Vnde Bern. lib. 5. De consideratione ad Eugenium Papā, dicit. Opinio est quasi pro vero habere aliquid, dubita. quod falsum esse inscias. Dubitatio est interminatus motus rationis super vtrāq; partem contradictionis per æqualia media. Scrup. Scrupulus autem est, ut dictum est, & videtur idem esse cum suspitione ex leuibus saltem procedente. Similiter idem videtur aliquando esse, quod timor, & pusillanimitas. Et sic sunt quinque gradus inter præfata quo ad certitudinem. Nam vltimum, videlicet suspicio minimum habet certitudinis de se dubium, fluctuat opinio ad vnam partem plus se quam ad aliam determinat. Fides ad vnam partem simpliciter se firmat. Cām. Scientia causam videt. Vnde etiam S. Tho. & Petr. de Pal. super quarto, distin. 38. Differentia est inter scientiam, conscientiam, seu credulitatem, & scrupulum conscientia, quia scientia est, quæ habet euentiam sine formidine de opposito, & non est nisi verorum. Conscientia est summa credulitas de aliquo, quod sit verum, & est aliquod verorum, aliquando falsorum, & ea stante ligat, ad non faciendum



dum contra causa. Nec refert vtrum quis ad talem credulitatem firmam inducitur argumento leui, vel probabili. quia etiam hæreticus, qui leui argumento deuiat à fide, ligatur conscientia erronea: licet quando ex argumento leui oritur, debeat credulitatem abicere, vel contemnere, aut vincere: vt docebitur infra cap. 16. & 17. Scrupulus vero conscientiae est, qui iam in principio huius capituli diffinitus est. Sunt præterea scrupulorum conscientiae quidam, qui insurgunt ante factum. alij post factum solum inquietant animum, ante factum insurgit scrupulus diuersis agilibus, vel credibilibus: puta de licite Euchar. Sacraménto sumendo. de debito in matrimonio reddendo, qñdubatur de impediménto legitimo. De contractibus rerù temporalium practicando, de clericis concubinariis vitandis, & sic de aliis infinitis. Pari modo ex variis factis de præterito insurgunt diuersi scrupuli. Notando etiam quod scrupulus prædictus, à quibusdam vocatur erronea conscientia, ab aliis pusillanimitas, ab aliis timor conscientiae, quæ omnia pro eodem recipiuntur, vel sibi proxima sunt. Est tamen erronea conscientia duplex. Primo eorum, qui nimis habent latam conscientiam, dicentes illud, quod malum est esse bonum, nimis & bonum vice versa malum, de quibus Isaias. 5. lata. ait. Ve qui dicitis bonum malum, & malum bonum, ponentes tenebras lucem, & lucem tenebras, ponentes amarum dulce, & dulce amarum. Tales sunt similes illi, qui transire volens lignum transuersaliter super ripam positum, vt latius iter appareat: Berillos oculis superponit; sicq; latitudinem fictam In oculis laria ingrossa tiavisu Cōscia nimis arcta.

pede calcate volens in aquam cadit. Alia proinde conscientia erronea est eorū, qui nimis acta sibi formant cōscientiā, aut scrupulos nimios: sicut Macabei putantes se transgredi præceptū de sanctificatione sabbati, committendo bellum in necessitate in die sabbati, & mortui sunt mille homines à gentibus occisi.

occisi. 1. Machab. 2. tales sunt frequenter illi, qui de nouo sunt conuersi ad Deum de peccatis, similes illi qui per pontem satis latum habent ire, iugum. n. domini suauis est, & onus eius leue. Matth. 11. & Psal. Pax multa diligentibus legem tuam domine, & latum mandatum tuum nimis. Quem tamen potest mädatorum Dei magus aliquis strictum ad paritatem similitudinis fili, aut calami apparere facit, qualis magus est diabolus, qui hoc moraliter quibusdam solet facere, presertim quando viam morum per purius medium respiciunt, scilicet stantibus eis in tali proposito & puritate, quod nec pro toto mundo, nec pro vita sua Deum vellent offendere.

*Quam periculosa sit scrupulosa conscientia tentatio: & quomodo deffert ab aliis tentationibus nouem modis. Cap. II.*

**P**ORRò hæc passio, seu tentatio scrupulosa, timorata, seu arcta conscientia, quæ ab aliis dicitur pusillanimitas, differt in nouem ab aliis tentationibus, & passionibus, seu defectibus animæ: propter quæ etiam plurimum est dura tentatio, & mala plura quandoq; ex ea proueniunt. Primo quia quædam sunt passionibus forinsecæ in membris exterioribus, quædam vero intrinsecæ, & in interioribus, & talis est pusillanimitas, seu scrupulosa conscientia. vnde Deutero. 3. Foris vastabit eos gladius, intus paupor. Secundo, quia quædam sunt, quas non incurrit quis nisi ex paucis causis. hæc vero causatur ex multis, secundum illud Iob. 14. Timebas nocte & die, & vndiq; terrebant te formidinis. Tertio, quia quædam sunt sine magno periculo. hæc vero valde periculosa est, quia est, via ad desperationem. dicente B. Bernardo, reprobis tribulatio parit pusillanimitatem, pusillanimitas perturbationem, perturbatione desperationem, desperatio vero interimit.

Expe-

Experimur enim in talibus accidere erroneis, quod euenit ei, qui per modicum lutum transire canet, & ex inde in magnum lutum incidit, sic qui nimis vult vitare, quod pusillanimitas reputat malum, aliquando cadit in maius debitum, & ita ei arctatur via paradisi, sic quod per lutum vadit in infernum. Quarto, quia quædam sunt interpellatæ. hæc vero continua. Iuxta illud Deutero. 28. Timebis nocte & die, & non credes vitæ tuæ, mane dices, quis mihi det vespeream? & vespere, quis mihi det mane? propter cordis tui formidinem. Quinto, quia quædam sunt facile sanabiles: ab ista vero cum violentia aliquem sanari oportet, propter quod Psal. tanquam insignum specialissime gratitudinis ait. Qui saluum me fecit à pusillanimitate spiritus & tempestate. Sexto, quia quædam vitia deprehenduntur manifeste esse vitia, sed hæc passio frequenter vocatur virtus ab habente eam, eo quod scriptura dicit, beatus vir, qui semper est pauidus, & non cogitat hoc, quod alia scriptura dicit Eccl. 7. Noli esse pusillanimis in animo tuo, etc. Vnde quanto false putatur virtuosior, tanto est periculosior. Septimo, quia quædam passionibus aliis non obsunt: sed ista alios multos nimis pusillanimes reddit, & timidos. Quo circa sub typo Deuter. 2. debellare volentibus dicitur. Quis est homo formidolosus, & corde pauidus, reuertantur in domum suam, ne pauere faciat corda fratrum suorum. Octauo, demones quosdam passionatos plerumque non multum infestant, sed per istam magis infestant sicut vrsus, & canis magis infestant bestiolas timidas, vt lepores, & ceruos. Sic etiam timiditas summæ dat audaciam hosti insequenti. Vnde Seneca in Epistola. 72. Quemadmodum perniciosior est hostis fugientibus: sic omne fortuitum incommodum magis infiat timenti ex aduerso. Ideo dicit Apostolus e diuerso. 6. ad Ephesios. Confortamini in domino, & in potentia virtutis eius, & post, vt positis stare aduersus insidias

No 2.

Seneca

E 2 diabo-

diaboli, innuens per hoc, quòd cordis confortatio multum valet contra demonum impugnationem. **Auguf.** Eandem causam beatus Augustinus in regula sua, Prælatiſ dicit. In omnibus ſeipſum bonorum operum præbeat exemplum, corripiat inquietos, conſolatur puſilanimus, ſuſcipiat inſirmos, patiens ſit ad omnes. Homo, paſſiones quædam ad operationem multũ iuuant, vt ſpes, & amor, ſed timor ſaltem inordinatus, & magnus, qui eſt apud ſcrupuloſos multum impendit operationem, vt probat ſanct. Thomas. prima ſecundæ. q. 44. art. 4. Tum quia rationem perturbat, ne poſſit cernere verum: ſicut & ira. tum quia pigritiam inducit, tum etiam, quia caſum corporis facit, & ab opere aliquo cœpto ſtatim deficere, ſicut ſiquis mordat ſuper trabem in alto poſitã, propter timorem de ſacili cãdit, nõ autem cãderet, ſi incederet ſuper eandem trabem in immo poſitam propter defectum timoris.

*Quomodo ſcrupuloſa conſcientia bona conſert plurima. Cap. III.*

**V**Erum licet ex premiſſis appareat, quod ex ſcrupuloſa conſcientia pluriã mala poſſunt euenire: tamen quia tali annexus eſt timor de peccando, & ne offendatur deus. Idcirco etiam multa bona eam habenti poſſunt euenire, nam valet nequis recidiuet in peccata, valet ad refrenationem proprii corporis, ad deteſtationem mundani honoris, ad cognitionem ſuæ fragilitatis, & ad augmentũ gratiæ, & virtutis. Primo inquam valet, nequis recidiuet in peccata. Vnde Hugo. de S. Victore lib. 3. de anima dicit. Si amor Dei te tenere non poteſt: ſaltem **vgo de** terreat & teneat te timore iudicii, metus gehenne, **v. et.** laqueus mortis, dolor inferni: ignis vrens, vermis rodens, ſulſur ſœtens, flamma tartari, & omnia mala. Idco Pſal. dicit. *Seruite dño in timore, & exultate*

eate ei cum tremore. Vnde Cassiodorus. Breuis, & Cassio;  
 plena commotio, qua domino amabili de timore  
 feruitur. Nam sicut remissa securitas culpas admit-  
 rit, ita timor desiderabilis delicta semper excludit.  
 Ideo etiam Iob nono, ait, verebar omnia opera mea  
 sciens, quia non parcis delinquenti: & ecclesia orat.  
 Non intres in iudicium cum seruo, etc. & Psal: de-  
 licta quis intelligit, etc. Si iniquitates obseruaueris.  
 Secundo valet timor conscientiae ad refrenationem  
 proprii corporis, quem petebat Dauid dicens. Con-  
 fige timore tuo, carnes meas, &c. Super quos  
 glos. Ita imple me timore, & perface hanc timorē,  
 quem habeo, vt sufficiat crucifigendis carnibus, id  
 est, vt velim, & valeam patibulum tuae crucis imi-  
 tari, carnes meas pro tuo nomine martyrij clavis fi-  
 gendas tradendo, confige, inquit, carnes meas: id est  
 comprime carnalia desideria, & carnales concupi-  
 scentias, Ideo autem ait carnes, quia inde sciebat  
 prauaricationem provenire, & nota, quod ait con-  
 fige: quasi dicat non solum religa, vt latronem, vel  
 furem, sed confige, qui enim diligit testimonia con-  
 figit carnes. ideo dicit timore tuo, quia timor legis  
 hoc non valeat facere. Nam enim a iudiciis tuis ti-  
 muī, hanc glosa. Tertio valeat ad detestationem,  
 munda in honoris stricta enim conscientia n ultis  
 euenit ex amore, & timore Dei, quam offendere  
 scienter etiam pro toto mundo nollent. Quamobrē  
 Bernardus in quodam sermone ait Cui Christus in Bernar.  
 cipit dulcescere, necesse est amarescere mundum, &  
 Grego. in moralibus. Sancti viri, quia nihil huius Greg.  
 mundi appetunt, multis proculdubio tumultibus in  
 corde premuntur. Sic etiam scriptura dici Eccl.  
 10 Gloria diuitum honoratorum, & pauperum ti-  
 met Dei est. Quarto valet ad cognitionem proprię  
 fragilitatis. experiuntur enim tales scrupulosi,  
 quod sibiipsis non possunt sufficere ad lumen veri-  
 tatis clare intuedum, licet in aliis difficultatibus in-  
 terdum, sint subtilissimi. Noui ego quendam agnā  
 E 3 sancti-

**Exemplum.** sanctitatis, & literature, virum optimæ memoriæ, & in scholasticis argumentis valde clarum, qui tamen in horis dicendis, quàm in aliis, scrupulosissimus fuit: adeo vt quando, quod antequam salutationem angelicam semel finiret, etiam aliis ab hominibus sequestratus illud quinquagesies reinciperet, semper timendo, an verba integre, aut distincte dixisset, licet satis voce alta orâret, hic reuera propriæ fragilitatis euidentis habuit experimentum: qui optimæ memoriæ existens antequam tam breuem orationem finiuiſſet, toties ambigere cœpit, ideo beat. Ber. super Canti. ser. 9. ait. Noueris te, vt Deū timeas, noueris ipsum, vt ipsum diligas. In vno initiaris ad sapientiâ, in alio consumaris: id est quia initiū sapientiæ timor domini, & plenitudo legis est charitas, & quemadmodum ad notitiam tui, venit in te timor Dei: atq; ex Dei noticia incidit amor. Si e contrario de ignorantia tui superbia, & de ignorantia Dei venit desperatio. Alludunt præfatæ utilitati et dicta philosophica dicente Macrobio, in lib. de somno Scipionis. De cœlo descendit, vt ait quidam Gnothosolitos, id est scitote ipsum. Nam & delphici hæc verum fuit oraculi consulenti, cuiusdam ad beatitudinem quo perueniret. Si te, inquit, agnoueris: sed & in ipsius fronte templi hæc scripta sententia est, homini autem vna est cognitio sui, si originis suæ exordia prima respexerit, nec se extra quæsierit. Sic enim anima virtutes ipsas conscientia nobilitatis induitur, quibus post corpus erecta, vnde descenderat reportatur. Quinto valet ad radicationem, & consumationem gratiæ, & virtutis. Nam Psal. ait;

**Macr. Nota.** Initium sapientiæ timor domini. Quod declarat

**Cassia.** Cassianus, de institutis patrum, dicens, principium nostræ salutis, & sapientiæ, secundum scripturas est timor domini. De timore domini nascitur compunctio salutaris. De compunctione cordis procedit abrenuntiatio, id est nuditas, & contemptus omnium facultatum. De nuditate humilitas procreatur

tur

tur. De humilitate mortificatio voluptatum generat. De voluptatū mortificatione extirpans, atq; marcescunt oī vitia. De vitiorū cōpulsione, virtutes fructificant, atq; succrescunt. De virtutū pullulatione, puritas cordis acquiritur. Per cordis puritatē, Apostolicæ charitatis perfectio possidetur. vetus est S. Antonij sententia. Ratio autem dicti in Psal. Initium sapientiæ timor domini est, quia timor conscientie, quando est moderatus, consiliatius est, ut deducit Sanct. Thomas prima secundæ. q. 44. ex mente etiam philosophi. quia, ut idē tradit philosophus in 3. Ethycorum. Consiliamur de magnis, in quib. quasi nobis ipsis discredimus. Ea autem, quæ timorem incutiunt, non sunt simpliciter magna, sed habent quandam magnitudinem. tum ex eo, quia apprehenduntur, ut quæ difficulter repelli possunt. tamen etiam, quia apprehenduntur, ut de propè existentia. unde hominis in timoribus maxime quærunt consiliari. veruntamen quando timor, vel quæcunque passio est fortis & magna: vult quidem homo consiliari, sed adeo perturbatur in suis cogitationibus, quod consilium ad inuenire non potest. Vnde in libro de Tusc. quest. Timor est excutiens cogitata, & mentem à suo loco remouet. Si autem sit paruus timor, qui sollicitudinem consiliandi iudicat: nec multum ratione perturbat: tunc potest etiam conferre ad facultatem bene consiliandi ratione sollicitudinis consequentis. Ideo prima Pe. 3. iubet subditis dicens. Cum omni modestia, & timore conscientiam bona habentes.

*In quo quinque causæ ponuntur scrupulosa conscientie, & duæ declarantur. Cap. IV.*

**V** Iſis nam timorata conscientie, ac eius tam bonis, quàm malis affectibus videndum est de eius causis, quæ possunt esse quinque; videlicet. Cō-

E 4 flexio



Nota

plexio ad timorem idoneam, egritudo maniaca, & malencholica; regiminis corporalis negligentia, tentatio diabolica, & societatis timidorum assistentia. Quamquam, ut supra precedente parte secunda, cap. 7. patuit, sint alię causa posite quedam. Primo igitur aliquando scrupulose conscientię causa est complexio ad timorem idonea. Experimur enim frequenter frigida complexionis homines, ut puta foeminas vitulas, & malencholicos plurimum esse timoratos, sicuti contrario videmus iuvenes, & sanguineos, ac viros esse magnę spei. Cuius rationem reddit S. Thomas ubi supra, quia secundum Damascenum. 3. Timor naturaliter cor confringit, sicut & frigida confringunt, & congelationem faciunt: ad quem motum contractionis imaginatio mouetur ad timoris dispositionem: ita ut concipiat quis aliquod esse futurum malum, & per consequens fugiendum. e contrario autem spes mouet corda dilectionem, & quia iuvenes propter caliditatem naturę habent multos spiritus, ideo in eis cor ampliatur, de amplitudine autem cordis est, quod aliquis ad ardua tendat, & ideo iuvenes sunt animosi, & bonę spei. & quia in foeminis pręsertim malęcholicis, & similib. ad timorem sequitur cordis constrictio: consequenter tremere incipiunt, & patiuntur plus membra cordi colligata, ita ut titubatio fiat in voce propter vocalem arteriam, & tremor in labiis, & in aliis mēbris, in cuius signum dicitur. Mar. 5. de sanata à fluxu sanguinis per secretum tactum fimbrię Christi. Mulier timens, & tremens sciens quod factum esset in se venit & procidit ante eum. Pręfatorum etiā radicem tangit Alber. ut habes infra cap. 8. Secunda causa est aliquando egritudo maniaca, & malencholica. quia quemadmodū complexionis defectus timorem augere potest scrupulose conscientię. sic pariformiter infirmitas aliqua capitis pręsertim mania & melancholia, per quas quandoq; lęditur ima-



imaginatio. quandoq; ratio, & quandoq; memoria, vt tradunt Galenus, & Auicena. Est enim, vt inquit Galē. & Au.  
 unt, mania infectio anterioris cellæ capitis cum diminutione imaginationis. Sed melancholia est infectio mediæ cellæ cum diminutione rationis. Differuntq; isti morbi solum impositione. Vterq; enim fit ex cholera nigra. frenesis autem fit in retribus, quæ sunt in medio ventriculo cerebri, & in cella rationis. Et vt videant quomodo tales infirmitates aliquando imaginationem turbant. aliquando etiâ memoriam. & quandoq; rationis inducunt. Idcirco distinguens Galenus inter maniam, & melancholiâ. refert de quodam melancholico, qui cum deberet custodire vasa vitrea sui Domini, vidit amicum trāseuntem, & dixit ei, vis vasa vitrea? qui respondit volo, proiecit ille vasa vitrea in terram, & fracta sunt, in quo non fuit imaginatio læsa, quia cognouit amicum. ratio vero fuit læsa, quia nesciuit vasa fragilia. Refert iterum de alio maniaco, qui cum fugeret patrem, & pater eum secutus esset conuersus ad patrem percussit eum. Cui pater, fili quare verberas patrē, & ille plorant cecidit ad pedes eius, scilicet patris, & veniam petit, in isto fuit læsa imaginatio, quia non cognouit patrem suum: ratio vero non fuit læsa, quia sciuit, quia non licuit verberare patrē. & quia in maniaco s, vt idem subdit, & melācholico fit immutatio sensus, ideo maniacorum quidam plāgunt alij saltant, alij stultissima quasi verissima opinantur. Vnde timent se tangi ne rumpantur credunt se non habere caput: ranas in venter portare, dæmones videre, aut habere. Melancholicorum autem quidam pigritiam habentes, & grauedinem, amant solitudinem, & obscuritatem, & ab omnib. remotionem, immo communia quædam sunt omnibus melancholicis, & vltima & sempiterna, sicut tristitia, timor de re non timenda, certificatio terribilis rei, & timorosa, & est sensus rei quæ  
 non

non est. Item malencholici plorant, tristantur, timeant, angustiantur, suspitiosi sunt, multum dormiunt, iacent in monumentis, quidam multum comedunt, & si semel retrahuntur omnibus diebus desperant, & quidem omnibus proprium est, quod sunt medicinæ desideratissimi. fiunt autem, & causantur tam mania, quam melancholia proprie ex malencholicis cibus, ex tristitia, & timore, aut ex retentione sanguinis fluere consueti, aut ex nimia cerebri infrigidatione, & desiccatione, aut ex corrupto semine in viris, aut monstruoso sanguine corrupto in foeminis, causantur præterea ex inordinatis vigiliis, ieiunio, studio, sollicitudine, seu solitudine, ac cogitatione profunda. Quidam etiam in præfatis infirmitatibus plus laborant in defectu lunæ, propter quod etiam dicuntur energnimini, vel lunatici, hæc ex medicorum corporalium disciplina dixerim, ut causas timoris, quæ in omni scrupulo sit conscientia locum habere possunt medicus animæ videat, & morbo animæ facilius succurrere valeat. vult idem beat. Grego. in Past. cap. 4. Nonnulli læti vel tristes non rebus supple illatis fiunt: sed conspersionibus, idest complexionibus existunt, quibus profecto intinandum est, quod quædam initia, quibusdam conspersionibus immixta sunt.

*Residue tres alie cause conscientie erroneæ  
declarantur. Cap. V.*

**T**ertio causantur aliquando scrupulosa conscientia ex tentatione dabolica. Est enim cum diuina prouidentia permittit, ut tota cohors tradit theologorum in potestate dæmonis mouere melancholicos humores in homine per quos communiter imaginatio, vel ratio errare potest, aut turbari ad timorem inordinatum, ut antea dictum est.

Auicē. Refert idem Auicenna lib. 3. de melancholico morbo

bo dicens. Quibusdam medicis in finu est, quod melancolia contingat à dæmone, quod si contingat à dæmonio sufficit nobis dicere: scilicet vt conuertat complexionem ad cholera nigram, & sic causa eius propinqua est cholera nigra, siue sit causa illis cholera nigra dæmonium, aut non dæmonium.

Confirmat idem authoritas euangelica quæ tradit Iesum lunaticos curasse. Math. 4. & ibidem. 17. ac Lucæ. 9. Curauit vnicum patris filium, quem secundum glo. tempore lunæ nouæ affligebat dæmon, vt lunam odibilem hominibus faceret, cuius lumine homines affligens ad insaniam perducere videretur. Super quo dominus Albertus, inquit, dici potest & melius, quod licet spiritus immundus huius afflictionis fuerit principium: tamen in affligendo, humidum habuit corporis, & maxime capitis humidum, pro vexationis iultrumento: Et quia in noui lunio corruptum in capite augmentabatur humidum, ideo in noui lunio plus torquebatur dæmonia cus luna, & ideo lunaticus dicebatur: Luna enim hanc virtutem habet in suo lumine, quod mouet humidum, & corrumpit humidum, quod putrefactioni est paratum. Et ideo periculosa sũnt apostemata animalium, quæ de nocte lumini lunæ exponuntur: hæc ille. Constat igitur quod dæmon sæpe timorem inordinatum causat, vt hominem tædiosum, & perplexum faciat, vt tactum fuit supra parte. 2. cap. 6.:

Alber.

Virtus  
Lunæ.

Quarta causa est regiminis corporalis negligentia, quamuis enim longe maior sit habenda cura animæ, quam corporis, tamen non est negligenda cura corporis. Dicit enim Apostolus Rom. 12. Obsecro vos fratres per misericordiam Dei, vt exhibeatis corpora vestra hostiam viuentem sanctam Deo placentem rationabile obsequium vestrum. Et prima Thim 6. Nescitis, quia corpora vestra membra sunt Christi, etc. Cum autem constet ex prima causa timorata conscientia aliquam intrare melancholiam, & errorem in imaginatione, & ratione, quan-

do

do in cibis & aliis, ut in aere se non regit debite. Idcirco, qui sibi in talibus non rationabiliter præcauent: videntur membra sua accomodare iniustitiæ. Quo circa Apostolus ad Rom. 6. ait. Non regnet peccatum in vestro mortali corpore, ut obediat concupiscentiis: sed neq; exhibeatis membra vestra arma iniquitatis peccato: sed exhibete vos Deo tanquam ex mortuis viuentis, & membra vestra arma iustitiæ. Sunt igitur plura quæ stolidi tamen, & amentiam, ac errorum inducunt sensibus, videlicet, crapula, & ebrietas. De quibus Lucæ 21. Attendite autem vobis, ne forte grauentur corda vestra crapula, aut ebrietate. Et Auicenna dicit libro tertio de stoliditate & amentia. Nihil est magis inimicū sensui quàm repletio ex cibis, & humiditatibus. Et Eccl. 37. dicit increata sapientia. Noli auidus esse in omni epulatione, & non te effundas super omnem escam. In multis enim escis erit infirmitas, & auiditas appropinquabit vsq; ad cholera. Propter crapulam multi perierunt, quia autem abstinentes est adiicit vitam. Tradunt insuper philosopho, quod cum melancholicæ passio habeat accidentia periculosa, & timorosa. Idcirco in eis auferendis est studendum, ut contra suspicionem introducatur socialitas: contra corruptam imaginationem fida rationalitas, & memoria suspecta solerti ingenio auferatur. Accidentia similiter corporis, puta vigiliæ, studium, ieiunium, solitudo cogitatio profunda non minus sunt auferenda ab eis, qui talia irrationabiliter exercent. Volunt hæc verba discretissimi, & abstinentissimi Hierony. quibus sic dicit. Non mediocritus errat, qui magno bono præfert mediocre bonum. Nonne rationalis homo perdit dignitatem suam, qui vel ieiunium charitati, aut vigiliis præfert sensus integritati. quando; vel per immoderatam abstinentiam, vel indiscretam Psalmorum, vel officiorum decantationem,

aut

aut amentia, aut tristitia: iste melancholia, quæ tristitiam inducit, incurrit notam. Addiant itaque qui necessaria quoque corpori subtrahunt illud quod per prophetam dominus loquitur. Ego dominus odiens rapinam in holocaustum: de rapina holocaustum offerunt, qui vel temporalium bonorum, siue ciborum nimia egestate, vel somni penuria, corpus suum affligant, videant itaque quod Apostolus dicit. Carnis curam ne feceritis in desideriis.

Quinta causa Timorata, ac scrupulosa conscientia est, aliquando societas timidorum coassistentia: nam unus timidus, & scrupulosus alium facit scrupulosum. In cuius figura, ut supra tactum est. bellaturis Israelitis, sic Deus exercitui præclamare iussit, quis est homo formidolosus, & corde pauidus vadat, & reuertatur in domum suam: ne faciat pauere cor fratrum suorum: sicut ille perterritus est timore. Sic etiam Gedeoni præliaturo dominus ait. Loquere ad populum, & cunctis audientibus prædica: & qui formidolosus est, & timidus, reuertatur, ubi glossa. formidolosus est, qui adolescentis vitio, antequam videat mala: sola cogitatione terretur: gelidam per membra formidinem voluens: ut non tam conspectu malorum, quam audito, & expectatione solvatur. Ideo iuxta literam formidolosus corde dicitur. In corde enim, & in interioribus animi defixum, manet hoc officium. Timidus autem est, qui primo aspectu ad ingressum trepidat non tamen toto corde terretur: sed reparari, & animari denuo potest.

*Docet meditari morbum scrupulosæ conscientiæ  
& causas morbi assignat aliquas . Fit de hoc  
ponitur Regula prima . Cap. VI.*

**A** Signatis causis formidolosæ conscientiæ : restat videre de conditionibus, quas habere debet medicus animæ : puta prudens confessor , aut consiliarius, vt curet erroneum in scrupulis . habeat igitur quinq; videlicet, naturam morbi, & causas consideret : infirmum talem non facili ter dure corripiat: spem, de curando morbo ægroto tribuat: pericula nisi sequatur medicum insinuet, & regulas scrupulum deponendi indicet . Primo inquam naturam morbi, & causas consideret: tactas scilicet in præcedenti capitulo. Aut enim scrupulus verissimiliter a causa vltima, aut à tertia , aut ab aliis tribus originatus est . Si ab vltima scrupulus causatus est . videlicet à societate scrupulosorum, seu ab eorum doctrina incauta , cauendum est pro tanto ab eis , velut ab errantibus in hoc . Dicit enim Chryso. super Psal. Rerum natura sic est, vt quoties bonus, malo coniungitur , non ex bono , malus melioratur : sed ex malo , bonus contaminatur. Diuersitas enim rerum nunquam potest habere concordiam: & multos sollicitat societas nephandorum . Ad idem est beatus Bernar. dicens . Vitiosus conscientiam vitiosorum non refugit: & vbi omnes sordent , vnus minime foetor sentitur . Quo circa Seneca in epistola quadam dicit . Nulla, inquit, res magis animi induit honestatem & in prauum inclinabiles reuocat ad rectum , quam bonorum virorum conuersatio: paulatim enim descendit in pectora, & vim præceptorum obtinet: frequenter aspicere, frequenter audiri. Et iterum cōuictus delicatus paulatim eneruat & emollit, necesse est enim, vt in iteris, aut oderis, vtrumq; autem euitandum est . Ne aut similis ma

lis



lis fias: quia multi sunt, ne vel inimicus multis, quia dissimiles sunt. Igitur cum iis conuersare: qui te meliorem facturi sunt. Illos admitte, quos tu poteris facere meliores. Si autem scrupulositas videatur surgere ex tertia causa. videlicet ex diabolica tentatione: succurrendum est per deuotam orationem, & per sollicitam cautelam, ne complexio, aut naturalis corporis morbis, dæmoni cedet in instrumentum tentandi. Dicit enim Isidorus libro tertio de sum. bono. Diabolus, quando quempiam decipere quærit: prius naturam vniuscuiusq; attendit, & inde applicat: vnde aptum hominem ad peccandum inspexerit. Ideo bea. Grego. lib. 29. mor. sic pandit. Prius complexionem vniuscuiusque antiquus hostis prospicit, & tunc tentationis laqueos apponit. Alius nunquam lætis, alius tristibus, alius timidis, alius elatis moribus existit. Quo igitur aduersarius occulta facile capiat, vicinas complexionibus deceptionis parat: quia enim lætitæ voluptas insita est: lætis moribus luxuriam proponit. Et quia tristitia in iram facile latitur: tristibus poculum discordiæ porrige. Et qua timidi supplicia formidant, pauentibus terrores intentat: & quia elatos extolli laudibus consp. cit: eos ad quæcunq; voluerint blandis fauoribus trahit. Singulis igitur hominibus vitiis conuenientib. insidiantur, neq; n. facile captiuaret: si aut luxuriosis præmia, aut auaris sortita pponeret. si aut voraces de abstinentiæ gloria, aut abstinentes de gulæ lubricitate pulsaret, si mites per studiū certâinis, aut iracundos capere per pauorē formidinis quereretur. Ob hoc ēt philosophus secundum Ethic. inter regulas, quas pro virtutum insertione dedit: conari iubet: vt quisq; contra illud vitium vigorosius pugnet: ad quod se plus, aut complexione, aut consuetudine titilari expetitur. Quod autē dæmonem debilitet oratio, docet Beat. August. Oratio, inquit, est animæ sanctæ præsidium, angelis bono solatium, diabolo supplicium, Deo gratum obsequium

Nota.

Nota.

Isido.

Nota.

Nota.

Orati.  
Nota.

-exponendum est, ut sequenti capitulo declarabitur.

*Quod in exercitijs corporalibus, ut ieiunio abstinentia non semper oportet mortem timere, sed corpus acriter castigari debet.*

**Cap. VII.**

**I**nterea ne quis corpori contra spiritum plus quam decet improuide indulgeat; idcirco pro intellectu præfate Hieronymi auctoritatis animaduertenda est conclusio Cancellarij Parisiensis Magistri Thome de Gersono cum suis declarationibus. Licet, inquit, agere multa siue temporalia, siue spiritualia: per quæ abbreviatur vita corporalis, aut incurritur infirmitas: dum tamen hominis non directe, & immediate feratur super eo intentio, quod est abbreviare vitam, vel infirmitatem incurritur, tanquam super finem vltimum; quodque non fiat præ fine prohibito, quemadmodum desperantes, ut Stoici consuebant. De his enim intelligitur auctoritas Hieronymi dicentis: Non differt vtrum magno, vel paruo tempore te interimas. Quod autem in multis liceat abbreviare vitam, & incurritur infirmitatem modis tactis patet.

Primo quia si non innumera sequerentur absurditates, scilicet quod studendum esse cuilibet medicinam. Item cessare deberent laboratores, cursores, milites præcipue, & alij huiusmodi ab exercitijs licitis. Item diuites deberent providere pauperibus in cibis delicatioribus. Et si pro illis corporalibus licenter morti se quis exponat: ergo a fortiori pro spiritualibus acquirendis, seruandis, & recuperandis, ergo conclusio vera. Ex quo peccatum statutum Carthusien. de carnibus simpliciter nunquam comedendis esse licitum. Seruetur ta-



**Horz.** men illud Oratij. Est modus in rebus, sunt certi de-  
niq; fines. Ultra quos citraq; nequit consistere re-  
ctum. Virtus enim non in medio indiuisibili: sed  
in tanta latitudine consistit, vt signum ad sagittā,  
& illud medium sapiens assignabit secundum phi-  
losophum. Ideo virtus, quam experientia gignit  
certius quam ars operatur, & illud medium inue-  
nit, quamquam ars, & doctrina multam conferant

**Nota.** commoditatem studentibus in exercitio virtutum.  
Sed veniamus ad bona spiritualia virtutum, & enu-  
meremus expeditibiles rationes propinquas: prop-  
pter quas licitum est vitæ, huius, moriēdo detrimen-  
tum pati. Primo ad obediendum Deo. Secundo,  
ad satisfaciendum pro peccato. Tertio, pro iuua-  
mine proximi charitatiuo. Quarto, pro euitando  
gravi scandalo. Quinto ad acquirendum virtutes  
in se, vel in odio ad exercitium pro extirpatione  
vitiōrum, vt carnis habeatur ad spiritum subiectio.  
De primo notum est, quod Deus potest hæc præci-  
pere, vel ad hæc specialiter instigare, vt in marty-  
ribus, & in Sampsonē. Immo vbi quis quereretur ad  
mortem, quia Christianus est, & non obligaretur se  
prodere: potest tamen in casu publicæ se morti of-  
ferre: sicut plures vltro se morti obtulerunt: velut  
legio. 10. millium martyrum, & B. Mauritij socie-  
tas, ac alij. Tamen hic necessaria est discretio, vt  
quando & vbi: quia Christus iussit persecutionem  
fugere de vna ciuitate in aliam, vinctio docet ista.

Secunda ratio, quia satisfactio, & iustitia sæpe in-  
bent multa fieri, per quæ abbreviatur vita: vt pa-  
ret de poenitentis publicis, & occultis. & iustissi-  
mum est ista deuote suscipere. De condemnato qui  
dem ad mortem publice & iuste: dicunt quidam  
quod potest fugere, alij non. Et probabiliter tra-  
quant oppositum, quod remanere tenetur, ne vio-  
let iustitiam, & sententiam: tamen quicquid sit, nō  
dubium est, quin talis meritorie possit remanere  
& expectare mortem meritam; immo, vt videtur,

non impossibile est hominem adiudicare posse, ut se perimat per se, quod alteri facere licet. Cur igitur non poterit quis per peccatis enormibus, quibus meruit mortem eternam, sustinere poenam temporalem? Igitur satisfaciant hi pro peccatis præteritis, & præsentibus suis, & aliorum pro tempore misericordiarum, ut vitetur infernus.

Tertiam rationem assignamus, charitatem erga proximum, imitatricem Christi, qui languores nostros portauit. Sanctus Paulinus Nolanus episcopus pro viduæ filio se Pagano in seruum dedit. Et Sactulus pro diacono morti se exposuit, hac de causa sunt religiones institutæ pro satisfaciendo pro se, & pro aliis. Et talis in corpore mystico causa, tenet locum plangentium. Igitur si merces magna est pro aliis poenam sustinere; licet consequenter vitam abbreviare. Animaduertite igitur de pluribus præsertim de virgine Antiochena, ac milite, de quibus loquitur Ambrosius libro de virginitate. Cur igitur carebunt præmio dicti religiosi, qui sæpe purgati pro aliis dura corporis sustinent, exercitia, & quodammodo animam suam ponunt. Istud est officium ecclesiasticorum. Vnde arma clericorum sunt ieiunia, & lachrymæ.

Relig.  
câz.

Quarta ratione ponitur euitatio scādali: pro quo etiam mors subeunda est. Si esca, inquit, Apostolus, scandalizat fratrem meum, non manducabo carnes in æternum. Vnde ponatur quis coram idolo, offerentibus idolotitha edenda habere, & non alia: quaeritur. Nunquid prius eligeret mortem, quam in scandalum fidei, talia comedere, & pusillos scandalizare: ut Eleazarus scriba constantissimus fecisse legitur. Machab. 6. qui carnes porcinas, nec vere, nec apparenter gustare voluit. Ad hoc præcipue respexit apostolus cum ait. Castigo corpus meum, &c. quantum ad refrenationem, ne forte cum aliis predicauero ipse reprobus efficiar. Iste (heu) modus in per paucis inuenitur: sed pleno ventre, & quæsa re-

fecta Christus predicatur. Idcirco non immerito ei  
 dicitur: Medice cura te ipsum. Ex quibus etiam se-  
 quitur, quod in predicatoribus, & curis magis  
 requiritur vita austeritas, & exemplum. Inferitur præ-  
 terea quod Carthusien. in extrema necessitate po-  
 test abstinere à carnibus sine peccato: tum quia  
 fratres præsentis, vel absentes scandalizaret, tum  
 quia institutum est: vel quia non sufficienter firmi  
 tentabuntur etiam extra necessitatem ita facere.  
 Plures autem, quod non solum non possunt sine pec-  
 cato: immo tenentur abstinere propter scandalum.  
 Plus enim est anima proximi quam corpus, & esca:  
 quanto magis anima, immo tota religio, ut quid  
 pro membro pereun- e, totum corpus mysticum de-  
 trimentum patiatur: quomodo daret totum vitæ flo-  
 rem pro fratribus, qui tanta cupidine partem mar-  
 citam cum aliorum detrimento derelinere conatur?  
 Non est miles strenuus, qui statim post plagas à præ-  
 lio recedit. Sanctus etiam Martinus moriturus in-  
 cinere, & cilicio recumbens pro seculo: cum petere-  
 tur ab eo, ut sibi sineret vilia stramenta supponi. Re-  
 spondit. Non decet, inquit, fili Christianum nisi in-  
 cinere, & cilicio mori. Ego si vobis aliud exem-  
 plum relinquo, ipse peccavi. Vbi autem nullum esset  
 statutum etiam perpetuo astrictus voto: quod à car-  
 nibus abstinere in tali necessitate solvere teneretur.  
 Quia nulla lex, aut constitutio pure humana  
 potest absolovere, vel excipere, vel instituire quod  
 non observetur lex divina, quæ dicit: Non occi-  
 des, nasce fame morientes: si no paucis occidisti. Nec  
 ad se minus, quàm ad alios præceptum illud extēditur:  
 tamen quia raro, vel quasi nunquam istæ necessitates  
 debite concurrunt. Ideo rationabile est statutum Car-  
 thusien. Constitutio etiam generalis Ecclesiæ est:  
 de non esu carnum in die veneris sine exceptione  
 generaliter obligat: tamen in extrema necessitate,  
 immo nec excusaretur ab homicidio si se, vel alium  
 mori permetteret, ubi vivere posset: nisi propter gra-

ue

ne scandalum, vt dictum est: & de votis simile est argumentum.

Quinto propter acquisitionem virtutum & exterminium vitiorum debilitare possumus corpus, immo vitam abbreviare fas est. Salomon enim proposuit à vino abstrahere suam carnem, vt transferret animam ad sapientiam: Daniel & cæteri idē facere prophetarum, vt habiles essent diuinis reuelationibus. Proinde tradunt illud in contemplationibus experti, non posse animam ex Aegypto tenebrarum ad lumen terræ promissionis peruenire nisi per desertum fortis contritionis corporalis, quæ etiam à licitis abstineat. Et secundum beatum Gregorium. Nemo nouit apprehendere quod ultra ipsum est, nisi se eleuet à carnalibus, & corporalibus, propter idem ipse Gregorius in maxima ægritudine fuit. Inde est tanta charitas contemplatiuorum: Charitativa omnes contritiones corporis refugiunt. Exiguitas cōtur quippe talis sobrietas, non solum quæ peccatū tēplā exterminet, & seruet mandatum, sed multo aspectionis, quia per talia dilatatur cor ad superiora contemplananda.

*Declaratur secunda & tertia doctrina medico necessaria, & multipliciter ostenditur quod in Deum sine inordinato timore sperare debemur. Cap. VIII.*

**S**ecunda doctrina morali medico necessaria est: vt timidum & scrupulosum non facilius dure corripiat. Nam ut dicit. Io. de Camba. libro suo de consolatione the. In multorum talium timoratis cōscientijs nihil quasi mali culpæ esse videtur, sed solū error in intellectu, seu apprehensiva virtute, & multum de perfectione, scilicet de timore & amore Dei. Vnde non sunt deridendi talem infirmitatē habētes, sed magis laudandi, vt potē quos adeo urget charitas & filialis timor Dei, quod pro eo o. mundo

nollent Deum scienter offendere peccato mortali: licet timor vehemens Deum offendendi: & dubitatio de agendis, nonnullos huiusmodi in tantum perturbet, quod lepram, vel morbum grauissimum alii eligerent: vt à tali essent infirmitate supportati: quibus ob hoc multum compatiendum est; per duram enim inuasionem terrentur amplius: & morbus, aut non medetur; aut inualefcit amplius. Vnde beatus Petrus 1. Pe. 3. tales benignissime consolans ait. Filix benefacientes, & non timentes vllam perturbationem: viri similiter cohabitantes secundum scientiam quasi infirmiori vasculo muliebri impartientes honorem tanquam cohæredibus gratiæ vitæ. Taliū piissimus fuit medicus Dei filius. de quo Matt. 12. allegatur vaticinium Hesaiæ. 43. Ecce puer meus quem elegi, dilectus meus, in quo bene complacuit animæ meæ, & sequitur. Non contendet neq; clamabit, neq; audiet aliquis in plateis vocem eius. Arundinem quassatam non conteret, & lignum fumigans non exstinguet, donec eiciat ad victoriam iudiciū. Super quo beatus Hieronymus ait. Qui

**Hiero.**

peccatori non porrigit manum, nec portat onus fratris sui. Iste quassatum calamus confringit: & qui modicam scintillam cōtemnit fidei in parvulis. hic lignum fumigans exstinguit. Dat similem doctrinam B. Gregorius lib. 2. Past. cap. 4. dicens. Al-

**Greg.**

ter ammonendo Past. cap. 4. dicens. Aliter ammonendi sunt leti: atq; aliter tristes. Letis inferrēda sunt inquit, tristitia, quæ sequuntur ex supplicio, tristibus vero inferenda sunt læta, quæ promittuntur ex regno. Discant læti ex minorum asperitate quod timeant: audiant tristes præmiorum gaudia de quibus præsumant. Illis quippe dicitur. Væ vobis, qui ridetis: quia flebitis. Isti vero eodem magistro dicente audiant. Iterum videbo vos, & gaudebit cor vestrum, & gaudium vestrum nemo tollet à vobis.

Tertio, moralis medicus scrupuloso ægroto de cura

cura spem tribuat. Consolari enim debet, vt dicit vbi supra Io. de Cambaco. quod maximi viri hac infirmitate scrupulosa conscientie laborasse visi sunt: qui tandem curati fuerunt in toto, vel in parte, quorum complures magni doctores in sacra pagina effecti: in suis didicerunt vulneribus, quomodo alienis mederi possent, laborent vt bonam spem habeant, & audaciam laudabilem. Cōsiderando id quod docet sanc. Thom. prima secundæ. q. 45. per philo-  
S. Tho.  
 sophum secundo reth. qui dicit. Quod causa audacie est cum in phantasia fuerit spes salutariū, vt prope existentium: timendorum autem, vt non existentium, aut longe existentium. Vnde quęcunq; sunt nata causare spem, vel excludere timorem, sunt causa audacię, eo quod audacia timori opponitur. Est econuerso, spes appetitus excellentis boni cum fiducia obtinendi, & hæc naturalis animositas constantia, seu audacia non æqualiter omnibus inest hominibus, sicut nec timiditas. Vnde dicit Alber. super quarto di. 30. quod huiusmodi animositas non sequitur spem, sed potius complexionem: sicut timor melancholiam, & huiusmodi. Est enim melancholia sicca terra, & frigida habens euaporationes nigras ad cerebrum liquidum, quibus imprimuntur terribilia phantasmata, & est in eis calor non sufficiens ad calefactionem cordis, & sanguinis: & cordis motum secundum Dyastolon, & ex sufflatione sanguinis, & spiritum in membra exteriora & corpus: & ideo manent destituta, & frigida & timida re fugiente sanguine ad cor, & stante ibi. Et cum hæc complexio non sit in omnibus non oportet, quod omnes equaliter sint constantes, vel timidi. In mulieribus autem est multum timida complexio propter debile calidum, & vincens humidum: in quo cito profundantur terribilia, & calidum debile non sufficit calefacere cor, & sanguinem, vt prius dictū est. Vnde omnis mulier naturaliter est timida nisi sit per accidens, vt virgines quę non timent. Hæc  
Melā  
cholia

**Alber.** Alber. Si quidem nimia tristitia deiecit à bonis animum, teste Salomone proverb. xv. dicente. In timore animi deiecit spiritus: & è conuerso. Eccl. xliij. Felix qui non habuit animi tristitiam & non excidit à spe sua, ideo etiam nō est continue habenda memoria peccatorum, nec continue cogitanda Dei iusticia: immo saepe præsertim timidis affumenda est spes in Deum, & fiducia, vt spes, quæ potior est virtus quam timor, in misericordia Dei respiceret. Sunt autem quinque per quæ spes adiuuatur plurimum, videlicet diuinæ pietatis consideratio, mediatoris Christi incarnatio, mediatricis nostræ inuocatio, scripturæ sacræ attestatio, & sanctorum pia aduocatio. Primo valet diuinæ pietatis consideratio. Est enim creator noster, & opifex. Artifex autem naturaliter adeo opus suum diligit, vt illud vituperari vix audire valeat. De quo enim dicitur Sap. secundo. Diligis omnia quæ sunt: & nihil odisti eorum quæ fecisti. Quanto magis ergo diligit eum, quem ad similitudinē & imaginem suam creauit: & cui esse, gratis contulit. Cur bene esse per orationē quis ab eo non speraret? Est Deus noster etiam verissimus, & naturalis dominus. Diligunt autem naturaliter homines ea, quæ sua sunt, & conseruant ea, & si perdididerint, gaudent cum recuperant. Longe amplius similia Deus facere credendus est de homine, vt docet in parabola ouis perditæ & dragmæ. Lucæ xv. vbi dicitur. Ita dico vobis gaudium erit in cælo, &c. Eandem præterea fidem seruare tenetur dominus seruo, quam vice versa seruus domino. Sicut igitur infidelis esset seruus, qui domino suo in necessitate non subueniret, cū posset, ita & Deus quod à diuina absit fidelitate. Certissime igitur credat se isti. prima Corint. x. Fidelis Deus, qui non patietur vos tentari supra id, quod potestis, sed faciet cum temptatione prouentū, vt possitis sustinere. Merito proinde B. Martinus percutiendus à latrone, & quæsitus si timuisset. Respondit se nunquam



magis fuisse fecurum: quia sciebat misericordiam  
 Dei maxime in necessitate affuturam. Et insuper  
 Deus in tantum bonus essentialiter & misericordis-  
 simus: adeo ut petentes non minus velim a miseria  
 liberari, quam ipsi liberari velint. Afferit hæc bea-  
 tus Augustinus loquens de illo Christi verbo. Peti- Augu.  
 re, & accipietis. Non tantum, inquit, hortaretur, ut  
 peteremus nisi dare vellet. Erubescat humana pi-  
 gritia: plus vult ille dare, quam nos accipere: plus  
 vult ille misereri, quam nos a miseria liberari. Ad  
 hoc pertinens est illa parabola de filio prodigo, Lu-  
 cæ 15. Et illud. Si vos cum sitis mali, nostis bona  
 dare filiis vestris: quanto magis pater vester de cœ-  
 lo dabit spiritum bonum petentibus se. Lucæ 11.  
 Secundo valet ad argumentum spei mediatoris  
 Christi incarnatio, præbet enim, ut ait beatus Gre-  
 gorius, apud Deum homini magnam fiduciam, De-  
 us homo, Est nobis spes magna poenitentibus: quia  
 aduocatus noster factus est iudex noster: prima Io.  
 secundo. Si quis peccauerit aduocatum habemus  
 apud patrem Iesum Christum iustum: & ipse est  
 propitiatio pro peccatis nostris. Et Roma 8. Chri-  
 stus Iesus est a dextram dei, qui etiam interpellat  
 pro nobis. Dicit etiam gloss. super illud psalm.  
 Saluum fac populum tuum domine, &c. Ecce quan-  
 ta spes credentium, cum pro eis orat, passus pro eis,  
 & iudex eorum, factus est aduocatus. Clementiam  
 hanc summam Christus noster aduocatus misericor-  
 dissimus gratiose ostendit, cum sancto Carpo oran- S. Car.  
 te, ut duo infideles de hac vita tollerentur, sic Chri-  
 stus de cœlo veniens dixit. Percute contra me de  
 coetero. Paratus enim sum rursus pro hominibus  
 saluandis pati: & hoc amicum mihi, non quod alij  
 peccent homines: sed vide si bene habent mansio-  
 nem in hiatu, & cum serpentibus commutare pro  
 mansionem cum Deo & bonis amatoribus hominum  
 angelis; ut in exemplo refert beatus Dionysius in Dio-  
 nysii epistola ad Demophilum monachum.

Tertio



**Berna.** Tertio valet ad spei augmentum mediatrix nostræ inuocatio, quia ipsa est ut ecclesia canit Vita, dulcedo, spes, aduocata nostra, Mater gratiæ, & misericordiarum. Et iterum tu pietatis viscera nulli claudis homini. Credo B. Bernard. dicenti. Securus habes accessus ò homo ad Deum, ubi habes filium ante patrem, & ante filium matrem: filius ostendit patri cicatrices, & vulnera: mater ostendit filio pectus, & vbera. Nec ibi vlla potest esse repulsa, ubi tot charitatis occurrunt insignia. Et iterum, Cum tu dignus non eras, cui filius Dei daretur, datus est Mariæ, vt per eam acciperes quicquid peteres. Sileat, inquit, idem Bernard. misericordiam tuam, ò Virgo beata si quis inuocatam eam in necessitatibus, meminerit sibi defuisse, reuolue totam seriem euangelij, & si quid asperum, si quid durum inuenias in Mariâ, deinceps eam suspectam habeas, & ad eam accedere verearis. Prudentissimus enim artifex Deus, humanum genus quassatum non confregit: sed vtilius omnino refecit, vt nobis videlicet nouum Adam ex veteri formaret: & Euam in Mariam transfunderet. Et quidem vt omnis sufficientia ex Deo sit, poterat Christus sufficere: sed nobis bonum non erat hominem esse solum. Congruum, inquit, magis fuit, vt vterq; sexus adesset, quorum corruptioni neuter defuisset, & præpotens, & fidelis est mediator Dei & hominum homo Christus Iesus. Sed diuinum verentur in eo homines maiestatem. Etenim Deus noster ignis cõsumens est: ad quem veretur homo peccator accedere, ne sicut cera fluit à facie ignis, sic ipse pereat à facie Dei. Opus igitur erat mediatrix ad mediatorem illum habere: nec nobis alter vtilior quàm Maria. Quid humana fragilitas ad Mariam trepidet: nihil aulterum in ea, nihil terribile, tota suavis est, lac & lanam omnibus offert, & omnibus omnia facta est. hæc. B. Bernard.

**Nota.**

Quarto valet scripturæ sacræ attestatio: quæ toties mouet ad spem, & sperantes beatos asserit, & nul-

nullibi, vel raro ad scrupulum: immo nunquam ad erroneam conscientiam. Nam Isaia. 20. Quis ambulabit in tenebris, scilicet ignorantia, & non est lumen ei: speret in nomine domini, & innitatur super Deum suum. Psal. Speram in domino, & fac bonitatem, & pascere in diuitiis eius. Spera, & ipse faciet. Et sperate in eo omnis congregatio populi: quia Deus adiutor noster in æternum. Et sperantem in Domino misericordia circundabit. Et iterum in Deo speravi non timebo, quid faciet mihi homo. Ex quo patet multiplex hominum sperantium in Dei utilitas, videlicet diuitiarum diuinarum datio: orationum exaudicio: Dei auxilio: misericordiae circumspectio, & demonis, vel inimici mei detestatio. Sic Hierem. 17. Beatus vir qui confidit in domino, erit quasi lignum, quod plantatur super aquas. Nec mirum: quia arbor spei in optimo loco, scilicet in summo bono, ponitur. Hæc spes est baculus non arundineus Aegypti: sed Serhinus, quo deo innitimur, de qua Sap. secundo dicitur. Qui confidunt in illo, scilicet Deo, intelligunt veritatem.

Quinto ad eam valet sanctorum pia inuocatio. Iuxta illud Iob. quarto. Ad aliquem sanctorum conuertere. Et illud Psalms. Leuaui oculos meos in montes, unde veniet auxilium mihi. Montes sunt viri spirituales. Ideo de eis B. Bernard. dicit. Triasunt, quæ in festiuitatibus sanctorum vigilanter considerare debemus. videlicet auxilium sancti, exemplum sancti, & confusionem nostram. Auxilium, quia potens in terra potentior est in coelis ante faciem Dei. Si hic dum adhuc viueret misertus est peccatoribus, & orauit pro eis: nunc tanto amplius, quanto verius cognoscit miseria nostras, orat pro nobis Patrem: quia beata illa patria charitate eius non immutauit, sed augmentauit, & nunc sibi potius induit viscera misericordiae: cum ante fontem misericordiae adsistat. Verisimile igitur est, & credibile valde, quod ij, de quorum pietate in viz multum

in legimus, in patria iuxta necessitates diuersas intercessores piissimos habeamus. Tales præsertim fuerunt B. Nicolaus super afflictos, piægestans viscera. Marti. Martinus, qui chlamydē diuisit pauperi. Catherina Cathe. & Hodofridus, ac alij, qui petiuerunt clementiam, & Hono. & gratiam supra eorum memoriam agentibus, vt de eis publice canit Ecclesia.

*Declarat doctrinam, & quantum obsint singularitas inobedientia & imper-suabilitas. Cap. I X.*

**Q**uarta doctrina morali medico necessaria est, vt pericula nisi medicū talē sequatur infinuēt. quæ pericula qualia sint & qui sunt fructus bonæ cōscientiæ & quiete, dictū est supra parte prima capitulo primo & secūdo. Sicut enim qui corporis medicū non sequitur se mortis periculo cōmittit: sic qui scrupulosus est, si discretos, & sapientes, vel prælatos nō sequitur, se discrimini multorum peccatorū tradere non ambigitur. Ibi siquidē singularitatis vitiū, immo superbix & sæpe inobediētiæ incurritur. Quam singularitatem vituperabilem tria ostendunt, scilicet scriptura sacra, sactorū dicta, & naturalis industria. Scriptura quidē sacra Nā prouerb iij dicitur. Habe fiduciā in domino ex toto corde tuo & ne innitaris prudentiæ tuæ. In omnibus vijs tuis cogita illum, & ipse diriget gressus tuos. Ne sis sapiēs, apud remetipsum, sed interroga patrem tuū, & annuntiabit tibi maiores tuos, & dicēt tibi. Dentero. xxxi. Et ecclesi. vi. In multitudine præbyterorū prudentiū sta: & sapientiæ illorū ex corde coniungere, vt omnem narrationem Dei possis audire, & prouerbia laudis nō effugiant te. Et si videris sensatū, euigila ad illū, & gradus ostiorū illius exterat pes tuus. Et iterum ibidē cap. viij. Ne despicias narrationē præbyterorū sapientiū, & in prouerbijs eorū cōuersarū. Ab ipso enim disces sapientiā, & doctrinā intellectus, & feruire magnatis sine quærela. Et non te prætereant narratio seniorū. ipsi enim didiceret à patribus suis quoniā ab ipsis disces intellectū, & in tempore ne-

cessi-

cessitates dabis responsū. Ratio autē, quare oportet  
 inferiores & simplices sequi sapiētiōres assignatur  
 Sap. ix. quia cogitationes mortaliū timida & incer-  
 ta prudentiā nostrā. Corpus enim quod corrūpitur  
 aggrauat animā, & terrenā inhabitatio deprimit sē  
 sum multa cogitantiē Et difficile est manus, quæ in  
 terra sunt, & quæ in prospectu sunt inuenimus cum  
 labore, quæ in cœlis autē sunt quis inuestigabit, quā  
 si dicat paucorū, hoc est, qui, scilicet sciūt scripturas  
 pōderare. Nō eorū, qui timore, amore, vel odio tur-  
 bati: verū à falso nesciūt discernere. Vult hoc dictū.  
 Sapiēs prouerb. iij. dicēs Qui fortiter premit vbera  
 ad eliciendū lac, reprimat butirū, & qui vehemēter  
 emūgit elicit sanguinē Vbi glos. Vbera fortiter pre-  
 mis, dū sacri eloquiū verba, subtili pēsas intellectu.  
 Quā pressione dū lac quæritur butirū inuenitur, quā  
 dū tenui intellectu quærimus, liberalitate æternæ  
 pinguedinis inungimur. Quod nec sēp nec vnq̄ fa-  
 ciendū est: ne dū lac quæritur sanguis sequatur, quā  
 dū verba diuina vltima modū discutiuntur, in carnalē  
 intellectu cadūt. Sanguinē enim elicit, quæ vehemen-  
 ter emūgit, quia carnale efficiuntur hoc, quod nimia  
 discussione sentitur. Idcirco et prouerb. xij. dicitur.  
 Qui confidit in cogitationibus suis impie agit. Ostē-  
 dūt idē secundo sanctorū dicti singularitas, scilicet  
 vitii detestantia, quo quis proximorū etiā sapiētiō-  
 rū dictis nō acquiescit. Dicit enim B. Bernar lib. xij.  
 de gradibus superbiæ. Cū singularis ex ijs, quæ sin-  
 gulariter & inaniter apud simplices eius opinio  
 excreuerit, dū miserū beatificat, ipsum in errorē in-  
 ducūt. Credit namq; quod audit, & quod intēdit, nō  
 attēdit, obliuiscitur intentionē, dū amplectitur opi-  
 nionē. Cūq; de omni alia re plus credit sibi quā alijs  
 de se solo plus alijs quam sibi, & quidquid de se lau-  
 datū nouerit, non ignorantia aut beneuolētiā lauda-  
 torū, sed suis meritis arrogāter ascribit. Vnde post  
 singularitatem sex sibi gradus superbiæ arrogantia  
 vendicauit. Post hanc præsumptio inuenitur, in-  
 qua

qua septimus gradus constituitur. Ad idem est Cassianus ex verbis Abbatis Moyfi. Humilitatis non ficta prima, nquit, probatio hæc erit. Si vniuersa non solum quæ agenda sunt, &c. vt positum est supra parte secunda icapitulo. 7. Prædictorum ratio tertia redditur ex primo libro cap. 3 Summa contra gentiles sancti Doct. Thomæ. Per gradus intellectum videmus, inquit, quod duorum hominum, quorum vnus alio rem aliquam intellectu subtilius inuenitur: ille, cuius intellectus est eleuatio, multa intelligit, quæ alius omnino capere non potest. sicut patet in rustico, qui nullo modo philosophiæ subtiles rationes capere potest. Sic pariformiter cum iuuenes, scientia, & moribus inexperti, in maxima distantia sint ab expertis, capere nequeunt necessaria consilia, nisi ab expertis manu ducantur. Miratur propterea B. Hieronymus in prologo Bibliæ. Cur imperiti, & noui, in sacris scripturis legem putent in eis omnibus, quæ dixerint: cum tamen in nulla alia arte, aut scientia quis docere audeat, quod diu prius non didicerit tempore, & experientia diutinis.

*Vltimam doctrinam exponit, & annumerat septem regulas, quas obseruare debent illi, qui non sunt scrupulosas conscientias deponere rationabiliter: quarum hinc tres declarantur. Cap. X.*

**Q**uinta doctrina morali medico necessaria est; vt scilicet regulas scrupulos deponendi indicet infirmo. In his enim eiusdem scrupulosa conscientia medicina curatiua latet. Sunt enim generales regulæ septem: quarum adminiculo erronea conscientia deponi potest, & debet, videlicet debita ad gratiam Dei præparatio: sollicita scripturæ sacre indagatio orationis deuotæ continuatio: opinionis

nionis alicuius doctoris tuta electio: humilis obedientiæ imitatio: scrupulorum animosa abiectio: & præceptorum discreta epykeisatio, quæ septem iubet habere æterna sapientia. Prouerb. secundo dicens. Si susceperis sermones meos, & mandata mea custodieris penes te. Si sapientiam inuocaueris, & inclinaueris cor tuum prudentiæ. Si quæsieris eam, quasi pecuniam, & sicut thesaurum effoderis illam: tunc intelliges timorem domini, & scientiam Dei inuenies. Prima regula innuitur ibi. Si mandata mea. Secunda ibi. Si quæsieris eam quasi pecuniam. Tertia ibi. Si sapientiam inuocaueris. Quarta ibi. Si prudentiæ. Quinta ibi. Inclinaueris cor tuum. Sexta ibi. Sicut thesaurum effoderis illam. Septima ibi. Si susceperis sermones meos: subaudi debito modo. Prima igitur regula est: ut se quis ad gratiam quantum potest præparet. Dei mandata seruando: de peccatis omnibus, & singulis corde dolendo, & eadem pure confitendo. Nam quicumque facit, quod in se est: Deus infallibiliter ei gratiam infundit, & lumē doni sapientiæ, scientiæ, intellectus, & consilij ei tribuit: quibus iuuari potest ad depositionem erroneæ conscientiæ: pro ut supra late patuit parte secunda cap. 9. & 10. Volunt hæc verba prophetarum. Nam Ezechie 18. dicitur. Conuertimini & agite poenitentiam ab omnibus iniquitatibus vestris, & non erit vobis in ruinam iniquitas. Et iterum de grauissimis peccatoribus Israeliticis in Syon & Hierusalem habitantibus, dominus Isa. 49. dicit. Dixit Syon dereliquit me dominus, & dominus oblitus est mei. Nunquid obliuisci potest mulier infantem suum, ut nō misereatur filio uteri sui. Et si illa oblita fuerit, ego tamen nunquam obliuiscar tui: ecce in manibus mei descripsi te. Secunda regula est. Sollicita sacræ scripturæ indagatio. Si, inquit, quæsieris eam tanquam pecuniam, & sicut thesaurum effoderis illam. Scimus autem quod mercatores filij huius seculi, qui prudentiores sunt filiis

Prima  
regula

Secunda  
reg.



lijs lucis in generatione sua; summum studium ha-  
 bent acquirendi pecunias. Nam præceptorem pri-  
 mo tritum in arte sua; docentem audiunt. Secun-  
 do, in libris debitorum, & receptorum sollicitè  
 student. Tercio, debita sua; & aliorum auxilia  
 postulant assidue. Ad quorum ceterè similitudinem  
 eadem fidere tenemur. primo enim præceptorem,  
 seu magistrum discretum oportet, vt quis habeat,  
 docet enim hæc Salomo prouerb. primo, vt detur,  
 inquit, paruulis astutia; & adolescentulis scientia, &  
 intellectus. Idcirco audiens sapiens sapientior erit,  
 & intelligens gubernacula possidebit. Animaduër-  
 tet parabolam & interpretationem, verba sapien-  
 tum & ænigmata eorum. Idem asserit Beatus Hier-  
 onymus in epistola ad Paulum dicens. Intellige  
 te in sacris scripturis, sine præmio & monstrante  
 semitam, non posse ingredi. Taceo de Grammaticis,  
 Rhetoricis, Philosophis, Geometricis, Diale-  
 cticis, Musicis, Astronomicis, Medicis: quorum  
 scientia mortalibus satis vtilissima est, & in tres par-  
 tes scinditur. In doctrinam, explorationem, & vltimam.  
 Ad minores artes veniam, & quæ non tam lingua  
 quam manu administrantur, vt sunt Agricola, Ce-  
 mentarij, Fabri Metallorum, Lignorumq; cesores.  
 Lanarij quoque, & Pullones, & ceteri, qui variam  
 suppellectilem, & vilia opuscula fabricant, absque  
 doctore esse non possunt quod cupiunt. Sic etiam  
 vas electionis Paulus post Damascum, Arabiamq;  
 lustratam ascendit Ierosolimam, vt videret Petrum,  
 & apud eum. xv. diebus fuit. Rursusque post annos  
 xiiij. assumpto Barnaba & Tito, exposuit eam Apo-  
 stolis Euangelium, ne forte in vacuum curreret, aut  
 curuisset. Insuper ad pedes Gamalielis legem Moy-  
 sis & prophetas didicisse se gloriatur, vt armatus  
 spiritualibus telis postea doceret confidenter. Duo  
 decim etiam annos Saluator impleuerat, & in tem-  
 plo sedens, de questionibus legis interrogans, ma-  
 gis docet, dum prudenter interrogat.

Secundo.

Secundo exigitur, vt in lege Dei assidue pro posse studear, quod tanta assiduitas fieri debeat, ostendit beatus Hieronymus tam viris, quam feminis, tã religiosis, quam secularibus, immo adultis, & iuuenibus, ita d. in epistola ad Paulinũ cuius epistolę initium est, bonus homo. Semper ait, in manu sit sacra lectio. Et ad Rusticum. Nunquam de manu tua, & oculis tuis recedat liber. Ama scientiã scripturarũ, & carnis vitia non amabis. Similiter ad Nepotianum dicit. Diuinas scripturas sæpe lege, & sæpius relege, immo nunquam de manu tua sacra lectio deponatur, discere quod doceas, optime, eum qui secundum doctrinam Apostoli est, fidelem sermonem vt possis exhortari in doctrina sana & contradicētes reuincere. Et ad Furiam de virginitate seruanda. Cum, inquit, comedis, statim tibi orandum illico, & legendum sic de scripturis sacris habeto fixum versuum numerũ. Istud pensum domino tuo redde. Nec ante quieti membra concedas, quã Calathum pectoris tui, hoc sub tegmine compleueris. Post scripturas sacras Doctorum hominum tractatus lege, eorum dumtaxat, quorum fides nota est. Non necesse habes aurũ in luto querere, multis de margaritis vnã redime margaritam. Et iterum. O si videres sororem tuam, & illud sacrioris eloquium coram audire contingeret, cerneres in paruo corpusculo ingentes animas, audires totam veteris & noui testamenti suppellectilẽ ex illius corde feruere. Præterea ad Dometriadem virginem ait. Illud tibi nata Deo, ideoq; præ omnibus prædico & repetens iterũ, atq; iterũ moneo, vt animum tuũ sacrę lectionis amore occupes, nec in bona terra pectoris tui, sementem lolij, auenarumq; suscipias, ne dormiente patrefamilias innocuus homo zizania superseminet, & in fine eiusdem epistolę. Finem, inquit, iungo principio, nec semel meminisse contentus sum, Ama scripturas sanctas, & amabit te sapientia. Dilige eam, & seruabit te. Honora illam, &

G

ample-



amplexabitur te. Hæc monilia in pectore, & in auribus tuis hæreant, nihil aliud nouerit lingua, nisi Christum; nihil possit seruare, nisi quod sanctum est. Cui concordat illud prouerb. iij. posside sapientiam, posside prudentiam, ne obliuiscaris, neque declines à verbis oris mei. Ne dimittas eam, & custodiet te. Dilige eam, & seruabit te.

Tertio exigitur, vt auxilia ab alienis postulet, per orationem seu deprecationem. Nou enim lectionis sacrę studium sufficit, sed exigitur vna cum deuota oratione studium, pro intellectu agendorum, & credendorum, vt ostendit Beatus Hieronymus in epistola ad Paulinum. d. Quicquid alijs, scilicet, ab Apostolis & primitiue Ecclesię doctoribus exercitatio, & quotidiana in lege Dei meditatio tribuere solet, hoc illis videlicet Apostolis & similibus spiritus sanctus suggererat, & erant, iuxta quod scriptum est, omnes docibiles Deo. Nou enim semper sufficit studium, sed oratio coexigitur deo, & pro intellectu sacrę paginæ, cuius rationem assignat beatus Augustinus ad Volusianum de incarnatione verbi. Tanta est, inquit, Christianorum profunditas literarum, vt in eis quotidie proficerem, si eas solas ab ineunte pueritia vsque ad decrepitam ætatem maximo ocio, summo studio, meliori ingenio conarer addiscere. Quid igitur in hac attinget conscientia, qui fere totum vigorem ætatis suæ alijs impendit scientijs, sola scilicet feces senectutis, huic profunde ministrat sapientiæ. Ad hanc tamen sapientiam a multis orando citius quam studendo peruenitur Optauit, inquit, sapiens, & datus est mihi sensus, inuocaui, & venit in me spiritus sapientiæ. Eundem aperit sensum beatus Augustinus in libro de videndo Deum capitulo primo, dicens. Qui didicerunt a domino Iesu Christo mites esse, & humiles corde, plus cogitando, & orando profecerunt, quam legendo, & audiendo. Patet hoc in barbaro illo Christiano, de quo

reci-

recitat Augustinus libro de doctrina Christiana: qui literas ipsas, nullo docente homine in plenam notitiam; orando, ut sibi reuelarentur accepit, pre-  
uijs triduanis precibus impetrauit idem, ut codi-  
cem oblatum, stupentibus qui aderant, legendo per-  
curreret. Tradunt & patrum historiae de sancto An-  
tonio simile, qui sine vlla scientia literarum, diui-  
nas scripturas memoriter tenuit, fultus orationum  
suarum presidio. ut ibidem dicit beatus Augusti-  
nus. Ad idem Vgo de sancto Victore libro suo de Vgode  
anima dicit. Ad scripturę sacrę cognitionem, plus f. Vict.  
opus est interna compunctione, quam profunda in-  
uestigatione; suspirijs, quam argumentis; crebris  
gemitibus, quam copiosis argumentationibus; la-  
chrymis quam sententijs; oratione, quam lectione,  
& gratia lachrymarum, quam scientia philosopho-  
rum.

Tertia igitur regula pro euasione erroneę con-  
scientię quę est orationis deuotę continuatio, patet  
ex premissis, & ex parte secunda cap. viij propter  
quod sapiens ait. Inuocaui & venit in me spiritus  
sapientię. vij.

*Deducit quatuor regulas & probat auctoritati-  
bus antiquorum quod Doctoribus contraria  
sapientibus, licet bona conscientia  
vnam partem tenere.*

*Cap. X I.*

**Q**uarta proinde regula, est principalis opinio-  
nis alicuius doctoris approbati tuta electio.  
Sunt enim aliquando de aliquibus materijs morali-  
bus doctores opinionum contrariarum, & tunc scru-  
pulosi dubitant, quam partem possint cum bona  
conscientia eligere. Pro enodatione huius difficul-  
tatis notandum in primis, quod cum bona conscien-  
tia potest quis tenere vnam partem alicuius opi-

G 2

nionis

nionis & secundum eam operari, saltē excluso scandalo, quæ pars habet pro se notabiles, seu notabiliores doctores, dummodo talis opinio non sit contra expressam auctoritatem sacræ scripturæ, nec cōtra determinationem sacræ Ecclesiæ catholicæ, dummodoq; ex cōtrarietate taliū opinionū non inducatur quis ad dubitandum, sed bonam conscientiam seu fidem sibi formet de probabiliori parte, præcipue in tali casu quando quis adhibet diligentiam inquirendo an liceat, nec inuenit aliquid, quod eum sufficienter moueat ad hoc, quod sit illicitum. Patet illud per Doctorem sanctum in quæstionibus de quodlibet. quodlibet. iij. q. x. ubi dicit, quod quando diuersæ opiniones doctorum sacræ scripturæ non pertinet expresse ad fidē, & bonos mores, tūc absq; periculo auditores vnā sequi possunt. Ibi enim locum habet illud Apostoli ad Romanos. xiiij. Vnusquisque in sensu suo abundet. Et iterum ibidem de illo, qui assentis opinioni magistrali, quæ non est manifeste cōtra scripturæ testimonium, nec contra illud, quod publice tenetur in ecclesia, nequaquam hunc condemnat. Vnde idem doctor in pluribus locis etiam in materia morali ad salutem necessariā tenet opinionem vnā, & alij Doctores notabiles tenet contrariam, vt quod post lapsū in peccatū mortale non oportet aliquem statim confiteri sub præcepto habita copia confessoris. Hæc opinio determinatur in quarto d. xviij. & tamen contrariæ opinionis est Vgo de sancto Victore, & s. Bonauentura. Similiter dicit sanctus Doctor ibidem, qui si parrochianus confiteretur fratri habenti auctoritatem episcopi, monenti parrochianum, vt p[re]bano suo confiteatur, tunc etiā si talis confessus nolit fratri acquiescere, adhuc debet eum absoluerē, & tamen contrarium eius, tenent plures doctores. Nec obant ea, quæ dicit. quodlibet. xiiij. q. xij. Vbi dicit sic. Quando duæ sunt opiniones contrariæ de eodem oportet alteram esse veram, & alteram falsam.

Exempl.

fam. Aut ergo ille, qui facit contra opinionem magistrorum, utpote habendo plures præbendas, facit contra veram opinionem, & sic, cum faciat contra legem Dei, non excusatur à peccato, quamvis non faciat contra conscientiam, sic enim contra legem Dei faceret. Hæc verba sancti Tho. non possunt intelligi nisi de illis, ubi manifeste patet ex scriptura, vel ecclesie determinatione, quod sit contra legem Dei, & non de illis intelligit, ubi illud non apparet. Sicut seipsum declarare videtur supra tacto allegato tertio quodlib. q. x. Alias enim sibi contradiceret in eodem libro, quod non est credendum. Ex quibus sequi videtur expresse, quod non oportet semper tutiorem opinionem eligere de necessitate salutis, sed sufficit tutam eligere. Nam tutior est gradus comparativius præsupponens positivum, scilicet aliam tutam esse opinionem. patet illud, quia tutiores videntur esse opiniones præfatæ aliorum, quam quas sanctus Thomas ibi tenet. Item patet ex argumento suo ubi supra quodlibeto. iij. q. xix. ut tactum est, quando aliquis propter contrarietatem doctorum, adhibet diligentiam, inquirendo de veritate, nec reperit quod sufficienter eum moveant argumenta contraria, licet talem moveant quædam levia, quæ in quarto dist. xvij. in questione literaliter docet abijcienda esse, & conscientias in contrarium informandas. Nec mirum, quia per talem diligentiam videtur homo facere, quod in se est, ut patet ex parte secunda. c. ix. & x. Ad idem videtur esse quodlib. iij. xiiij. Vbi querit. Vtrum vitari debeant illi excommunicati, circa quarum excommunicationem sapientes contraria opinantur. Respondetur quod excommunicationis aliquorum dubitatio autem præcedit, sententiam iudicum, aut sequitur si præcedit puta si non dicitur esse declaratum per iudicium. censuras illos esse excommunicatos. tunc non sunt vitandi, quousque certo indicio terminetur. In hoc enim casu verum est, quod dicitur, quod in maiorem partem

interpretari debet animus boni viri dubia. Vnde Deutero. xviij. Si difficile & ambiguum apud te iudicium esse perpexeris, & iudicium intra portas videris verba variari. venies ad sacerdotes, & iudicem, quęrosq; ab eis, & quęcunque dixerint, sed & ambiguum oriatur possi concordem iudicium de terminationem, magis standum est sententię iudicem, vt probat ibi. Ecce quomodo doctoribus contrariantibus, licet istum pro non excommunicato habere, & non vitare.

Secundo patet principale per Altfiod. quem allegat Cancell. de Gersono. Tractatum de pollutione. Dico, inquit, cum domino Vuilhelmus Altfiodorensi, quoddam regula magistralis, videlicet dubitans de aliquo an sit illicitum, & itante dubio, illud agens, peccat, quia discrimini se committit. Istam regulam intelligendam, esse de dubio tali, quod est vehemens, aut magis, aut eque inducit mentem credere, quod est mortale illicitum, sicut quod est licitum. Secus enim est vbi mens plus inclinatur, & indicat quod est licitum quam illicitum, quamuis non habeat viquequę certitudinem euidentem, aut fixam, quia nec hoc ipsum requiritur. Videbitur de hoc infra latius cap. xxiiij. xxliij. & xliij.

Tertio patet illud per plures antiquos Theologos, & Canonicos de notatione & literatura multum famulos. Dicit quim Vlricus super secundo sent. distin. xxij. & concordat in summa, quem Vlricioan. in summa valde commendat. Dicit inquam, vt supra dictum est, quod si quis de aliquo dubio, magis peritos consuluerit, de quo nulla habet auctoritatem expressam, vtrum ita sit vel non, dummodo formet sibi bonam conscientiam, postquam magis peritos consuluerit &c. etiam si res aliter se habuerit quam ipse sentit, excusatur. Fecit enim quod potuit. Deus autem nihil impossibile requirit ab homine. Hęc ille. Nam ibidem equiparat istum modum  
casum



casum ignorantie inuincibili: & omnino inuoluntarie, quia scire non potest. Ad idem est Monaldus in prologo summæ suæ dicens. Non generatur aliquod præiudicium erga veritatis sententiam, cum inter diuersas opiniones à magistris, & approbatis doctoribus scriptis autenticis annotatas illam opinionem quis amplectitur, quæ sibi videtur magis consona rationi. Vnde etiam Humbertus in expositione constitutionum ordinis prædicatorum dicit. Quia fructus animarum impediri solet per nimiam austeritatem in consilijs & opinionibus, terrentur enim ex hoc homines in tantum, ut salutem negligant; idcirco relaxanda est quantum fieri potest, austeritas, & agendum est benigne cum hominibus, quia sic melius trahuntur ad salutem, cum sententiæ mitiores tenentur. Hæc Humbertus. Et concordat Hostien. qui dicit, extra de cogn. spirituali in glos. super capitulum. Sed vir, quod ubi sunt diuersæ opiniones & diuersa iura, semper humanior est præferenda, id est rationabilior, immo & æquior, extra de transact. capitulo finali. Vbi vero vtraque humana est, parti minori, standum est & saniori. Ad idem est Vuilhel. Glos. Ray. de sententia præcepti, diffinitionis, & excommunicationis capit. xxiii. di. In apicibus iuris, ubi dubitant etiam sapientes, excusabilis est ignorantia. Vbi si aliquis bona fide partem illam, vel illam elegerit, non debet super hoc conscientiam habere nimis scrupulosam. Idem item Vuilhel. Vbi supra in materia de decimis, recitans duas opiniones dicit, quod illa prima opinio, scilicet quod antiquas decimas sine peccato in feudis retinere possunt laici, & quod ad hæredes transeant, benignior est, & ideo magis amplectenda. Item repertum in libris veteribus ordinis nostri Prædicatorum responsa, plura quæ data esse videntur à domino Alber. eo adhuc viuentem, quæ sic sonant. Item dicit idem, quod frater simplex, vel quilibet homo cum salu-

te potest sequi in consilijs quamcunque opinionem voluerit, dummodo alicuius magni Doctoris opinionem sequatur. Idem in sententia alibi reperi ab eo dictum fore in scriptura silere. Pater igitur propositum ex antiquis factis, tam theologis, quam iure peritis.

*Probat idem auctoritatibus magis modernorum doctorum. Cap. XII.*

**P**robatur idem auctoritatibus modernorum theologorum famosorum. Nam ad idem Goffri. de fon. quodlibet. ix. quæst. xvj. Vbi querit an confessor teneatur facere conscientiam de peccato, de quo confitens non videtur habere conscientiam. Et dicit, quod si quis confitens non habet conscientiam de aliquo actu, quem confessor opinatur esse peccatum, puta de vitalitijs, de multitudine beneficiorum, & similibus, quando confitentis talis opinio non procedit ex protervia, sed ex probabili ratione, debet eum confessor generaliter in forma ecclesiæ absolvere, maxime confessor ordinarius, nisi esset peccatum tale, quod certum, & manifestum esset communiter illud peccatum esse, nec de hoc sint opiniones contrariæ, quæ ab ecclesiâ tolerantur. Sed si non sit manifestum, & quando circa hoc sunt sapientum opiniones contrariæ, tunc proponere debet confitenti, quod bene studeat de hoc seipsum per prudentes informare, quia talia contra hoc dicuntur. Maxime tamen hoc debet facere, si ipse confessor sit illius opinionis, quod hoc sit peccatum.

**Bern.** Concordat etiam in principali Bernar. Claromontensis in replica contra Goffri. eadem questione dicens. Si sunt opiniones inter magnos Doct. dicentes, quod sit peccatum. Alij vero dicunt quod non, tunc debet in tali casu consulere aliquos de quorum iudicio confidit, & secundum consilium discretorum facere, & peccatum reputare, vel non reputare.

Ex

Ex quo enim opiniones sunt inter magnos Doctores & ecclesia non determinauit alteram partem, teneat quam voluerit, dummodo iudicium in hoc resideat propter dicta eorum, saltem quos reputat peritos. Ibidem tamen addit contra Goffri. quod non refert, an confessor sit ordinarius vel non; dummodo habeat auctoritatem audiendi talem. Pari modo respondet Petrus de palu. super quarto. distin. xvij. ad similem questionem dicens. Si confessor dubitaret. vtrum illud de quo alius non poeniteret, esset mortale, & iste sibi diceret, quod de consilio peritorum illud faceret, de quibus ex vita & conscientia probabile esset, quod non consulerent nisi bene, potest se illo iudicio conformare. Secus autem esset, si esset certus de opposito. Cum premissis omnibus satis concordare videtur Henric. de Gan. quodlib. primo questio xxiiij. dicens. Quædam sunt peccata mortalia, non diuina lege expressa, sed iuxta ea, quæ expressa sunt, ex industria rationis inuestigari possunt, & talia tenetur magis distincte scire vnus quam alius secundum personarum distinctionem & gradum, & aliqua magis quam alia, secundum quod ad expressa magis appropinquant. sicut est in articulorum notitia, quamuis non sit omnium scire, quæ horum sunt mortalia, & quæ non. Quia delicta quis intelligit. Tamen ad hoc tenetur quilibet, quod cum in dubium venerit, an aliquod quod faciendum est, sit mortale, vt requirat peritiores, aut de ipso, vt de mortali poeniteat. Vt de ipso locum habeat illud Gregorij. Piarum seu bonarum mentium est ibi culpam timere, vbi culpa non est. hæc Henricus. Nec contradicit sibi ibi Bern. Claromon. qui contra eiusdem magistri Henric. dicta replicauit. Igitur consentire videtur. Concordat Ioannes de Cambaco tam in de consolatione Theologię libro quarto capit. viij. Quàm in questionibus de culpa & gratia: d. in de consolatione. In dubijs bonorum virorum vita, alijs viuendi debet esse regula.



regula. Est igitur respiciendum ad facta bonorum virorum & discretorum, & si plures tales, vel in pluribus, casu tali eis occurrente, sic vel sic se habere inuenires aut estimatione tua iudicares, tunc

**Oppo.** & tu similiter agere non formides. Dicis forte in contrarium, tales viri & si bonam habent conscientiam, non tamen scientiam, vel si scirent, quod

**Rñ.** vtrunque haberent, forte non sic facerent. Sed respondendo quando non est omnia notum, probabile tamen est, & modicum dubium, quod simul scientiam habent, & bonam conscientiam, & quod ita se haberent, si casus tales eis occurrerent, tamen pro excusatione noueris satis esse si similiter feceris. Nempe in moralibus & circa humanos actus non est demonstratio requirenda. Si quis enim certam notitiam in huiusmodi requireretur, non minus erraret, quam si in demonstratiuis scientijs, de apologijs, aut argumentis topicis, siue persuasionibus rhetoricis contentus esset. Hec ibi. Ad idem est Adam super quarto distinx. Pro enodatione etiam scrupulo sanum conscientiarum clarius

**Erdenberch.** adhuc cum predictis concordando dicit Ioannes de Erdenberch nostri ordinis Doctor satis antiquus exemplificando de materia communicandi super quarto distinx. tam in prima lectione quam in secunda super sententias. Qui, inquit, non haberet peccatum mortalem, tamen crederet se habere, aut credit hoc firmiter, ita quod est quiescens in illa opinione, accedendo ad Eucharistiam peccat mortaliter.

**Exempl.** Si autem probabiliter credit se esse in peccato mortali, sed non firmiter, nec acquiescit ut si alicui dure locutus esset, & cogitat, tu peccasti mortaliter, sed tunc statim retrahit se, & dicit intra se non esse peccatum mortale, non est verum, & tamen non sufficienter potest se retrahere, quin sibi occurrat. Dico quod in tali casu, bene potest accedere tamen semper retrahendo opinionem suam, quia enim Deus non exigit ab homine impossibile,

ibile; & non potest se retrahere: ergo potest bene accedere; tamen semper retrahendo opinionem suam. Similiter idem dicit in lectura sua prima: in exemplificando de fractione silentij in religioso. Iste, inquit, qui non acquiescit incredulitate sua, sed quasi in quadam timiditate, timet se habere aliquid peccatum, quo efficiatur indignus ad receptionem Eucharistiae. Sicut si non credat simpliciter esse mortale loqui in claustro, sed timet, quod frequentia aliquo modo potest esse mortalis, & ipse frequenter in claustro locutus est, & tamen non simpliciter credit hoc esse mortale, sed timet talis non peccat. Immo etiam quilibet cum quodam timore debet accedere ad hoc sacramentum, reputans semper se indignum esse, facta tamen diligenti discussione conscientiae suae. hzc ibi.

*Ostendit idem rationibus. Cap. XIII.*

**V**Sque modo probatum est auctoritatibus doctorum, quod non quodlibet dubium facti, sufficit ad causandum peccatum mortale, quando quid agitur illo dubio stante nec quodlibet dubium iuris. Nunc quid probatur rationibus partim Cancellarij tractatu de contractibus. Nam in casu De-  
 cretalis extra de sentent. excommunicationibus capitulo inquisitione. Si vxor incipiat per nouam informationem dubitare an attineat viro suo in gradu prohibito: quo dubio stante, petat vir debitum, quid tunc aget vxor. Si enim negat, est in periculo transgressionis iniustae, spoliando viram corpore, in quod ius habet. Si vero attineat viro suo, & concedat est in periculo mortalis luxuriae. Respondet  
 ubi supra Innocentius Papa tertius, quod si scit impedimentum, nec reddere debet, nec exigere, etiam si excommunicaretur. Si autem non scit pro certo, sed credit esse impedimentum, tunc aut conscientiam habet ex credulitate probabili, & di-  
 secreta

secreta, quamuis non euidenti & manifesta, tunc debitum potest reddere, sed non debet exigere, ne in adulterio, vel contra legem coniugij, vel contra iudicium conscientię committat offensam. Aut conscientiam habet ex credulitate leui vel temeraria, tunc ad sui pastoris consilium, conscientia tali expulsa, vel deposita. licite potest exigere, & reddere. Et glosa super verbo probabili. querit. Sed

**Præsumptio probabilis**

quid dices probabile? Respondet. puta quia vidit virum super cōsanguineam suā in locis suspectis, in hora suspecta, solum cū sola, ante matrimoniū, huiusmodi præsumptiones probabilem inducunt credulitatem, vel quia publice dicitur ab omnibus. Ad hoc facit, de præsumptionibus trito. & capitulo lite

**Alius casus.**

Similem casum rangit magister in quarto dist. xvij. & sanctus Tho. in quæstionibus ibidem liberalibus, vbi sic dicit. Quid mulier faciet, quæ virum in aliena terra defunctum putat, & alium ducit? quid inquam faciet de reddendo debitum secundo viro. Respondet Magister in textu, quod excusatur, si caret opprobrio malæ voluntatis. Tho. ibi & Pet. de Taran. & Pe. de palu. & Albertus, distinguunt præcise sicut in præcedenti casu Innocētij. Ex quo oportet, quod non omne dubium vel scrupulus liget sic,

**Casus.**

quod non possit facere in contrarium. Secundo probatur propositum principale. ponatur enim casus, qui est creberrimus, quod dubium sit apud doctores aliquos ex vna parte quod aliquid debeat agi, dicentibus alijs in numero pari contrarium, quod oppositum fieri debeat. Nā hoc in facto scismatis cōtendentium de Papatu sæpe fuit. Nunquid tunc scrupulus quilibet aut dubium habentem ligat ad causandum mortale peccatum. Nemo hoc asserit, sed obediendum est, vt in dubio superiori dictum est, & probabitur cap xvij. & probatum est supra capitulo ix.

Tertio ad idem. Non plus nocet homini errare in articulo fidei, qui non est declaratus adhuc ab ecclesia,



clesia, quod sit articulus de necessitate credendus, quam nocere possit actus moralis contra aliquod agibile perpetratus, qui actus non dicitur esse certus ex scriptura, aut determinatione ecclesiæ quod sit illicitus. patet hoc. quia fides est tā necessaria sicut morales virtutes, si non amplius, sed constat cōmuniter apud theologos, quod in materia fidei, dum doctores sentiunt contraria, licitum est ante determinationem ecclesiæ sæpe tenere vnam partē vel alteram, sine periculo peccati, vel fidei, vt patet in abbate Ioachim, qui tenebat contrariū magistro senten. pro quo ecclesia postmodum determinauit, extra de sancta Trinitate capitulo damnamus. Nec tamen dictus Ioachim in hæresim incidit aut perfidiam. propter hoc, vt ibidem tangitur, quia dicta sua omnia subiecit correctioni ecclesiæ, cui obedire paratus erat, si aliter determinaret, sicut & de terminauit. Igitur à simili licet vnam opinionē etiā in alijs moralibus tenere iuxta limitata superius, & limiranda inferius, vbi saltem magis sapientes sentiunt contraria, & vbi quis paratus est obedire ecclesiæ & scripturæ, si ei errorem explanauerit.

Quarto patet idem in materia insolubilium, vt si Titius iuret si accepturum Bertam in vxorem, si pri-  
 mum verbum, quod dixerit, fuerit verum, & nullo modo accipiat, si dicat falsum. Tunc dicat Berta hanc solā propositionē: tu non accipies me in vxorē. Quæritur quid agat Titius? Si enim non accipiat periurus est, quia Berta dicit verum. Hęc tamen relinquenda sunt logicorum exercitijs. Et cōcludē dū est ex prædictis omnibus, quod probabilis certitudo sufficit in moralibus, vt non exponat se quis periculo, vt sicut dicunt doctores de celebrante missam & similibus, vbi requiritur status gratiæ, quod sufficit probabilis coniectura, quia certitudo alia sine reuelatione non habetur, prout in moralibus dicit Aristot. sumendum esse certitudinem figuraliter & grosse, quæ certitudo non remouet omnem

Quarto insolubili.

Certitudo probabilis

omnem improbabilitatem, vel opinionem alterius partis: licet magis declinet ad istam quam ad aliam, quod sufficit. Verba sunt pene per totum Cancellarij, in tractatu de contractibus,

Quinto. Nam secundum philosophum, falsum sæpe est apparenter probabilius quam verum. Quid est ergo, quod aliqui ita statim auditis argumentis credere volunt, quod audiunt dubitare ubi prius non dubitant. Non itaque oportet semper terri, quando aliquis sentit vel aliqui tenent contrarium vnius opinionis: quæ à sapientibus tuta indicare etiam si non tutior appareat. Ex præmissis præterea duobus sequitur capitulis, quod inter contrarietatem opinionum eligens vnam partem, tunc securus esse videtur in conscientia; Primo, si opinio, quam sequitur, non est eidenter contra sacram scripturam, vel determinatione Ecclesiæ. Secundo si sciat per se, vel per alium, cui credit probabiliter rationes contrarias solvere, quas videt, aut si sciat, eas alios prudentes contemnere, aut abijcere, aut latius docebitur infra cap. xviij. Tercio, si contentatur in certitudine civili, vel morali, vt infra tangetur. Quarto, si mentem habet quod determinationi Ecclesiæ in casu, quo declaratur per eam, velit acquiescere, & in materia quæ est præiudicialis, tunc restituere, vel satisfacere. Quinto, si ibi pro tali opinione format pro posse bonam conscientiam.

*Per quinque conclusiones & per alia manifestat  
quæ certitudo sufficit in morali materia  
non se committendo periculo.*

Cap. XIII.

**R**estat pro declaratione huius materiæ, quæ certitudinem moralem tangere dignoscitur, quasdam conclusiones ponere Cancellarij. Quarum prima

prima sit ista: Dubitans de aliquo an sit mortale, Prima.  
& stante illo dubio agens, tunc peccat mortaliter, conc.  
& discrimini se committit, quando dubium illud  
est vehemens, aut magis, aut æque saltem indu-  
cit mentem credere, quod est mortale illicitum,  
sicut quod est licitum. De illo enim potest intelli-  
gi illud eccles. iij. Cor durum male habebit in no-  
uissimo, & qui amat periculum, in illo peribit.  
Secus autem est, ubi plus inclinatur quis, & iudi-  
cat quod est licitum quam illicitum, quamvis non  
habeat usquequaque certitudinem evidentem, aut  
fixam, quia nec hoc requiritur, vt patebit infra.

Secunda conclusio. Non omnis deliberans agit Secun.  
ex deliberatione, sicut non omnis ignorans, aut conc.  
contemnens agit ex ignorantia, vel ex contemptu.  
Potest enim aliquis progredi in actum primorum  
motuum antequam deliberat quid agendum, non  
tamen ex deliberatione aget, sed effreni appetitu  
& motu passionis. Dicitur autem aliquis agere  
ex aliqua causa, quando si non esset illa causa,  
ipse ab agendo cessaret accipiendo agere large,  
prout ab omittere extenditur. hanc conclusio-  
nem posui, propter quosdam timoratos conscien-  
tiæ, qui quando agunt ad extra, vel loquuntur ali-  
quid contra quod murmurat interior imagina-  
tio, vel cogitatio, putat, quod tunc semper ex-  
terior actus procedat ex deliberatione, quod non  
est verum.

Tertia conclusio. qui inter diuersorum opinio-  
nes doctorum fluctuat, si vult aliquid in eadem ma-  
teria secute agere, debet certus esse illud esse bo-  
num, nec virtuti contrarium, sed multum refert,  
quæ certitudine. Sufficit nempe certitudo moralis,  
qualem notauimus, & sequenti capitulo plus de-  
clarabitur, vt scilicet vel non sit quis in peccato,  
dum facit quod in eo est, aut saltem peccatum non  
incurrit nouum per temeritatem, exemplum imme-  
diate patebit de celebrando, cuius ratio est, quia  
tota

tota est ex diligentia præparationis excusatio:

Quarta conclusio. ponitur pro exemplo in materia communicandi, vel celebrandi. ubi requiritur status gratiæ, & carentia peccati mortalis. Conclusio igitur est ista. Non omnis scrupulus, aut dubitatio de peccato mortali, neque omnis indeuotio, aut deordinatio, aut non attentio, impediunt de necessitate celebrantis dignitatem. patet, quia certitudo moralis, de qua diceretur, quæ sufficit, comparitur secum vacillationem quandam animi, aut hæitationem, aut suspicionem, seu scrupulos, quod homo non sit sufficienter dispositus, aut quod impedimento ligatus sit.

Nota

Quinta conclusio. Ad digne celebrandū & absq; temeraria præsumptione, & imputabilitate ad novum peccatum mortale non requiritur certitudo evidentiæ super dignitate celebrantis: sed sufficit certitudo moralis, patet, quia tunc nullus quantumcunque purus, & iustus deberet celebrare, ne hoc posset absque discrimine, si ei non fieret revelatio specialis. Vbi dicit. Quod certitudo triplex est in genere. Vna supernaturalis. Altera naturalis. Tertia moralis seu civilis. Certitudo supernaturalis, ita se habet quod non stat aliquem, sit assentire, & falli. Et hæc certitudo diuiditur. Quia quedam est evidentiæ claræ, & intuitæ in patria beatorum. Alia evidentiæ revelatæ in prophetarum illustratione. & alia est solius adhærentiæ in speculo & enigmate, quæ non innititur evidentiæ rationis, sed auctoritati diuinæ, qualem certitudinem fides habet, & præstat in cordibus fidelium. Hæc certitudo omnibus fidelibus, dum in via peregrinantur, convenit, quos tanta certitudine, ne dum duodecim articulis fidei, sed totius sacre scripturæ necesse est credere actu vel habitu explicite, vel implicite:

Alioquin dubius in fide infidelis est, quam certitudinem martyres adeo habuerunt, ut prius relin-

linquerent vitam , quàm fidem , est enim quælibet  
trium supernaturalium certitudinū tanta, quod per  
nullam potentiam etiam diuinam & absolutam, fal-  
lax esse poterit , alioquin Deus negaret seipsum .  
Porro naturalis certitudo se habet ita , quod non Certi-  
stat per naturam aliquem taliter assentire, & falli as- tudo  
fentiendo, quam philosophi posuerunt nobis possi- natura  
bilem in primis principijs, & per se notis: cognitis, lis.  
scilicet ex sola apprehensione terminorum: vt quod  
quodlibet est, vel non est &c. posuerunt etiam in-  
conclusionibus demonstratiuis , & in consequentia  
euidenti deductis per talia principia , quemadmo-  
dum dixerunt Mathematicam scientiam esse certissi-  
mam . Certitudo vero moralis, seu ciuilis tangitur Certi-  
vna cum præcedenti certitudine à philosopho in- tudo  
Ethi. suo principio, cuius sententia hæc est . Disci- mora-  
plinati est in vna quaque re certitudinem querere , lis, seu  
iuxta exigētiam materiæ. Aequè enim vitiosum est, ciuilis.  
inquit, persuadentem querere Mathematicum, & mo-  
ralem demōstrātem Non enim consurgit certitudo  
moralis ex euidentiā demonstrationis : sed ex pro-  
babilibus cōiecturis grossis & figuralibus, magis ad  
vnam partem quam ad alteram. Dicitur autem pro- Proba-  
babile, quod pluribus & maxime sapientibus appa- bile  
ret veram. Ex ante habitis sequitur quod in huma- quid.  
nis agibilibus quæ tantam habent varietatem , di-  
cente Aristo. & teste experientia , quod visu magis  
quàm arte consistere videtur. Sufficit tertia certitu-  
do, qualis non semper omnes scrupulos abiicit, sed  
sufficit vt contemnat eos vel superet eos sic operan-  
do, quasi non sint . vt clarius ostendetur infra capi-  
tul. 18. Sufficit igitur cer- itudo talis qualem in ma-  
teria morali consueuimus expetere & capere , quæ  
certitudo appellatur moralis , seu ciuilis . Ad hanc  
itaque certitudinem moralem sufficit vt plurimum,  
quod homo, exempligratia, accedens ad missam dis-  
cusserit conscientiam suam, sicut fecisset pro magna  
relucranda , aut incommodo graui de vitando : &



quod non sit sibi cōsciū post hanc discussionem de peccato mortali, cum proposito non peccandi mortaliter : quod insuper non noscat se aliquod impedimētum legitimū per excommunicationem, aut credulitatem habere. Consensio itaque in hoc cum Durādo in quarto Senten. distinct. 4. Quod talis & si esset in peccato mortali nescienter, nec de eo expressam ageret confessionem, reportaret vnum ex duobus, aut remitteretur sibi tale peccatum virtute sacramenti : quia videtur facere quod in se est ad eius deletionem. Non enim Deus requirit ultra posse : aut fieret sibi diuinitus illustratio, & recognitio sui peccati : quatenus per penitentiam illud dilueret : quemadmodum multis contigisse probatissimum est : qui in initio sui sacerdoti in rememorationem redeunt plurimorum, & occultissimorum peccatorum. Similem inueniunt gratiam illi, qui nouiter ad frugem melioris vitæ se toto corde præparant.

*Quibus vijs quis ad talem certitudinem venire possit ostendit. Cap. XV.*

**S**ed quæritur, ex quibus doctrinis colligitur talis certitudo moralis? Respondetur ibidē. quod principaliter ex vno trium modorum, quorum vnus prouenit ex alterius auctoritate : alter ex propria eruditione : tertius ex experimentalī consuetudine. Sub primo viuunt insipientes & animales. Sub secundo, proficientes, & rationales. Sub tertio, perfecti & spirituales. Consonat philosophus tradens tres huiusmodi maneries ad doctrinam inueniri. Quartus modus addi potest, videlicet ex gratia gratis data: qua quidam facilius agenda concipiūt, & scripturas, vt Augustinus, intelligunt. Quintum autem genus desperatum est ad doctrinam, qui neque doceri possunt, neque docentibus assentire volunt : tales sunt discoli plulquam multa ex brutis quæ

quæ per humanam domantur industriam: vt canes, equi, simiæ, & aues aliquæ.

Quo ad primum modum, multi sunt, qui per alios erudiuntur, recipientes ab eis intelligentiam scripturarum: aut si nequeunt credunt saltem dicentibus: puta, quod religionum instituendarum, principalis causa fuit auctoritas regiminis, cui magis obedientia præstaretur quam propriæ rationi: quæ in pluribus dubia valde est, debilis & incerta. Similiter habet hæc auctoritas respectu iuniorum quorumlibet ad parentes seu magistros, quoniam iudicium propriæ rationis vel nullum vel imperfectum habent. Hæc Pythagoræ scholæ seruabant. Sic iubet Dominus dicens. Interroga patrem tuum, & dicet tibi, maiores tuos & annuntiabunt tibi. Maiores intellige, qui multis experientijs eruditi sunt in agibilibus humanis: quorum iudicia Aristot tradit esse recipienda tamquam principia propter multa vidisse. Extenditur hoc ad eos, qui respectu diuinorum propter consuetudinem exercitatos habent sensus: quales iam in solitudine sibi vivere sufficiunt.

Quo ad secundum doctrinæ modum, per quem sumitur in agendis sufficiens & moralis certitudo: quæ oritur ex prima eruditione, talis nutritur ex sacre Scripturæ studio, ex vita debita theologorum, ex ingenio eleuato, intuitu iuridico, & ex consideratione circumstantiarum particularium. Ex sacre Scripturæ inquam studio: quale suadet sapiens Eccles. iij. dicens. Quæ tibi præcepit Deus hæc cogita semper: & in pluribus operibus eius, ne fueris curiosus. Semel enim in scripturis suis locutus est Deus, & id ipsum non repetet: quoniam sufficienter erudiunt, & consulunt: tantum modo legantur puro, fideli, & integro corde, non obstante quod maleuolis, & incredulis tenebrosior inde nascitur erroris caligo: vt in hereticis liquet, & vita sua per scripturam defendentibus Nutritur dixi ex vita debita theologorum. Est autem Theologus vir bonus in sacris

Theo- litteris eruditus. Sicut etiam secundum Ciceronem  
 logus Orator describitur, vir bonus dicendi arte peritus.  
 qd sit. Non quidē de theologi dico eruditione, solius intel-  
 lectus; sed multo magis affectus: vt ea, quæ per theo-  
 logiam intelligit: traducat per iugem ruminatiōē  
 in affectum cordis & operis executionē, quatenus,  
 sapientia secundum nomen suum sapida, sit in bonis  
 suauiter & iucunde; & in malis tristabiliter, & acer-  
 be; alioquin tales insar Vriæ, ferunt litteras damna-  
 tionis sug; dant aduersus semetipsos ex ore proprio  
 iudicium; plusquam inficiunt exemplo vitæ, quàm  
 instruunt verbo doctrinæ. Ex ingenio etiā nutriatur  
 eleuato, studio iuridico. Si enim de qbus loquimur,  
 non ita in solis constitutionibus & decretis memo-  
 riam suam debēt figere, vt quorumdā mos est, quin  
 exerceant intellectū, rationemq. consulant, ex qui-  
 bus principijs vel moralibus, vel theologicis origi-  
 nantur huiusmodi constitutiones: quia sic collustra-  
 buntur lumine primorum principiorum. quod si vel  
 nolunt, vel nequeunt; credant vel illustratis. Reco-  
 gitent insuper præstatiā humanæ conditionis, quæ  
 ad hoc condita est; vt totum sensibilem mundū, qui  
 à Deo progrediens continuo fit vilior in suis parti-  
 bus, quo à Deo longinquior, prout in elementis pa-  
 tet; & Solis & Lunæ lumine, &c. Rursus per sensuū  
 portas ingrediens imprimēdo species suas, & simu-  
 lacra per intellectū agentem à corporalibus fantas-  
 matib. spiritualiter factis, reducātur in primū prin-  
 cipium. Sed sunt non cōmendandi quidam morales  
 quærentes certitudinem quos ex doctrinā nullū lu-  
 men rationis mouet ad assensum cuiuscūq; agibilib;  
 tātūmodo eis satis videtur, si potuerint dicere: hoc  
 scriptū est; hoc talis doctor in scriptura sua sentit;  
 hoc alius ita posuit. Tales similes sunt aspiciētibus  
 solum splēdorem solis in montibus, verso ad solem  
 dorso, quos nullus sufficit digitus ostendentis attol-  
 lere; quia deorsum oculum mergere soliti sunt; vbi  
 non aspicitur sol, nisi circumuolutus caligine. Est  
 enim

enim natura lucis; ne dum sensibilis, sed etiam intelligibilis; ut quanto longius ab origine protenditur, eo fiat debilior, crassior, & obscurior. Lumen igitur veritatis præfati recipiunt circumuolutum, veluti quædam humanæ traditionis caligine. Et intuitum insuper nutritur iuridico; quia quando veniendum est ad agibiliū tractationem, oportet rursus in inferiora respicienda descendere; alioquin fallerentur isti ad præcedentes per cōtrarium si principiorum lumen haberent; adeo quod conclusionum visiones omitterent. exemplo Astronomi cadentis iu fœuēā, dum ambulas respicit astra. Perfectus igitur esset, qui cum Iurista foret Theologus; quales fuerunt primi Doctores, ex quorum sententijs Decretalis, decretaq. compacta sunt. Postremo nutritur ex circumspeditione circumstantiarum particularium. Infinitatu enim difficultatem habet negotium, Diffi-  
cultas.  
morale: dum prosequi quæritur; quia non sufficit intelligere quid verum sit; & quid rectum, sicut cadit sub arte tradere; sed particularas circumstantias, quæ variabiles sunt; neque sub arte, neque sub doctrina veniunt circumspicere necesse est. Igitur videant etiam in primis statum reipublicæ cum moribus eam regentium; ut scilicet iuxta soceri Moy- si consilium sint viri potentes timētes Deum, in quibus sit veritas, & qui oderint auaritiam, neque sit apud eos personarum acceptio, nec inconstantia, neque consilium deprauatum. Alioquin non exhibet ex eis iudicium rectum, quantumcumque fuerit postulatum, nisi prouideret ex alto Deus, qui per pueros, per iniquos, per bruta, per demones exercuit sæpe iudicia iusta. Verum quia infinita vni accidunt, eo quod circumstantiæ infinitæ infinitis modis variari possunt, nec per consequens sub arte cadunt, aut eruditione doctrinali. Idcirco de eis omittimus loqui. Nam propterea moralis certitudo sub certa regula tradi non potest; quæ sufficiat in omni casu conscientiam agentis



reddere securam, se non deliquisse. quod ex enen-  
tu rerum solet perpendi sapius. Ideo etiam consti-  
tuti sūt tres ciuitates refugij. Fides, Spes, Charitas:  
continentes poenitenti lanacrum & immunitatis  
asylum: quatenus pax conturbata per ea, quæ se-  
fecisse formidat, homo consoletur, & reformatur.  
Verba sunt per totum Cancellarij.

*Soluit argumenta terrentia timidas conscientias:  
& declarat quomodo spes cum humilitate  
haberi debeat, tam quo ad conscientiam de  
præteritis, quàm de futuris. Cap. XV I.*

**R**elucet ex præactis quomodo argumenta scru-  
pulosos terrētia facilius sunt solubilia. Nam  
que quidam eorum terrentur ex regula magistrali,  
quæ dicit. quod faciens contra dubium incidit in  
peccatum, secundum illud Eccles. 3. Qui amat peri-  
culum peribit in illo. Quibus responsum est per ca-  
pit. 11. Alij obijciunt dicentes. Tutior via est eli-  
genda; quibus respōsum est cap. 14. Non enim opor-  
tet semper tutiorā viam eligere: qui stat aliam esse  
rutam, quæ eligi potest. Tutiorē enim viam elige-  
re est consilij, non præcepti. Alias enim oporteret  
multos ingredi religiones sacras, in quibus tutius  
viuitur quàm in sæculo. Non sic est: sed sicut diuer-  
sæ viæ tendunt in vnam patriam terrenam, quarum  
quælibet tuta est, & tamen vna tutior alia, sic etiam  
ad ciuitatem cælestis patriæ multis vijs: peruenitur  
tutis: quarum vna tutior est alia: secundum illud  
psalmus. Vniuersę viæ Domini misericordia & ve-  
ritas, sed requirentibus testamentum eius & testi-  
monia eius. Alios terret verbum Augustini dicen-  
tis: Tene certum, & dimitte incertum. Quod qui-  
dem verum est: Sed quæ certitudo sufficiat, habitū  
est præcedenti cap. Nec auctoritas Augustini præ-  
sata, dicta est de quolibet dubio, sed solum de illo,

Aug.

in

in quomodo quis se ponit, qui sanus male vixit : & iam iam moriturus, in infirmitate poenitentiam primo postulat : an talis habeat veram contritionem, vel non, quem peccata dimiserunt, nec ipse peccata dimisisse videtur, & qui ultra peccare non potest hoc est dubiū de tarde poenitente. Et nil aliud vult Augustinus, vt patet, tam per Magistrum in quarto dist. 20. Vbi dictam auctoritatem allegat. Et sumitur ex quodam sermone Augustini de poenitentia cuius initium est. Poenitentes. vbi sic de morituro dicit. Duæ res sunt, aut ignoscitur tibi, aut non ignoscitur : quid horum tibi futurum sit nescio : igitur tene certum & dimitte incertum. Alij pro se allegant sanct. Thom. Qui quomodo intelligendus sit satis dictum est capitulo vndecimo. Alij beatum Gregorium adducunt dicentem in epistola ad Augustinum episcopum Anglorum. Bonarum mentium est, ibi agnoscere culpam, vbi non est. Sed ad illud respondet B. Tho. secunda secundæ, quæst. 13. artic. Dicendum, inquit, quod ad bonitatem mentis pertinet, vt homo ad iustitiæ perfectionem tendat, & ideo in culpam reputat non solum si deficiat communi iustitia, quod vera culpa est : sed etiam si deficiat à iustitiæ perfectione : quod quādoque culpa non est. Non autem culpa dicit quod per culpa recognoscit : quod ad yroniæ mendacium pertinet. Hæc ille. Considerent allegantes præfaram auctoritatem, quid glossa, super verbo agnoscere dicat. Ad declarationem eius verbi, vt nouimus, dicit, quod quilibet potest se dicere peccatorem, dum tamen non credat contrarium. Et si obijcitur illud Augustini de verbis Apostoli, & ponitur. 2. 2. q. 2. cap. Cum humilitatis causa mentiris, si nō eras peccator antequam mentireris, mentiendo efficeris : quod euitares. Respondet glossa ibidem quod non contrariatur August. Gregor. quia in genere potest quis se dicere esse peccatorem, quia nemo sine crimine viuit. Item aduertāt quid glossa aliorum theo-

**Cācel-  
larius.**

logorū dicat super verbo, agnoscere, scilicet agnoscere; idest formidare exemplo Iob . Qui verebatur omnia opera sua . Vnde Cancellarius super eadem auctoritate dicit . Agnoscens inquam, non per assensum firmum . hoc enim stultum periculosumque fieret . Sed sic doleat, & poeniteat homo postmodum quasi veraciter in culpa teneretur . Vnde Eccles. 5. De propitiatu peccatorum noli esse sine metu : Cum igitur allegatur illud beati Gregorij. Bonarum mentium, &c. Videndum quatenus sic agnoscatur culpa, vt non indiscrete impediatur operatio iusta . Et quia quidā multū scrupulosi sunt de rebus agendis aut dimittendis de futuro; de quibus iam principaliter plura dicta sunt. Alij vero scrupulosi sunt de actibus præteritis . Idcirco, de eisdem notat Cancellarius. quod quilibet debet, & potest se veraciter peccatorem æstimare . Quia in homine duo sunt, quædam, quæ habet homo à se ; videlicet esse de nihilo : ignorare de pluribus, habere infectiones omnium potentiarū, quæ ad peccatum sunt pronę nimis, vulnera in super animę, habitus vitiorū, & peccata forte actualia, quia nullus scit an sufficienter contritus sit super eis, & an in agendis aut dimittendis plurimum errauerit ; similia multa defectuosa in nobis sunt. Alia sunt, quę habet homo à Deo solum vt puta, essentiam animæ nobilissimam cum suis potentijs: virtutes infusas ad minus fide, & spei, & sacramentorū characteres: immo immediate à Deo plus quam alia creatura habet corpus & bona fortunæ. Propter priora bona potest & debet se homo in iudicio conscientię peccatorem timere, & veraciter accusare, non tamen firmiter credere, & sententiare, & si fecit quod in se est. Exemplo Apostoli qui dicit. i. Thi. i. venit Deus peccatores saluos facere, quorum primus ego sum. Iustus enim in principio accusator est sui . Quis gloriabitur mundum se cor habere? Quis dixerit innocens & mundus ego sum? Quis constitutus sub iudicio Dei terribilis

ribilis in consilijs super filios hominū non trepidauerit? Propter quod afflictus Iob ait. Verebar omnia opera mea, sciens quia non parcis delinquenti. Et iterum. Si voluerit mecum contendere, non potero respondere vnum pro mille. Cui conformis est illa oratio ecclesiæ. Non intres in iudicio cum seruo tuo &c. Iterum: Si iniquitates obseruaueris &c. Humilis etiam Hesaias ait. Omnes iustitiæ quasi pannus menstruatus. Quis igitur iustitias suas velut gloriabundus ostentauerit Deo: plusquam pannum confusionis suæ mulier viro? Quem denique non exterruerit Apostoli verbum dicentis. Nihil mihi conscius sum, sed in hoc iustificatus non sum. Causam reddidisse sapiens videtur cum ait Sapien. 9. Cogitationes mortalium timidæ, & incertæ prouidentia nostræ. Et Hierem. 17. Prauum est cor hominis & inscrutabile quis cognoscet illud? Ego, inquit, dominus, scrutans corda & probans renes. Scio etiam, inquit, Apostolus Romæn. 4. quod non habitat in me, hoc est in carne mea bonum. Preterea constituat se homo in conspectu tremendi iudicii Dei sapientissimi, qui omnia videt: potentissimi qui cuncta iuste plectenda nouit. In via tamen propter bonitatem naturalem patris misericordissimi, ibi conscientia se quantum potest ream accuset: ita ut testis fiat & actor de peccatis singulis clamet præcordiorum vocibus. Iste est æquissime iudex homo, qui iusto tuo iudicio damnaudus est. sic etiam ex rationabilibus scrupulus velut granum ad palea teritur ventus, & motibus aqua purificatur maritima: & tenebra lucis fugatur præsentia, cum timoris scrupulis incipit mundari conscientia. Unde fit, quod anima, quæ diu agitata est scrupulorum impulsibus, velut acus tacta virtute magnetiæ fortitudinis per spem diuinæ misericordiæ quiescere studeat circa polum diuini auxilij. Spes igitur de infinita Dei bonitate talem reum terrorem diuini iudicii deiectum erigat, ne nimis deiiciatur timorum



morum scrupulus: sed de remissione confidat credendo verbis Dei certissimis, quibus dicitur per Apostolum. Si nos ipsos iudicemus non utique iudicemur. In presenti enim peregrinationis exilio teste psalmo. Apud Dominum misericordia: & composita apud eum redemptio. Ignoscat præterea inimico suo reus, de quo loquimur, & cum observatione decalogi de peccatis conteratur præteritis. & certitudinaliter credat: certitudine, quam expressimus se habere Bullas, non Summi in terra Pontificis, sed eius, qui de cælo venit, nosq. ad patrem cælestem dicere docuit. Dimitte nobis debita nostra sicut, & nos dimittimus debitoribus nostris Matth. 6. Vbi post Dominicam orationē etiam statim subiunxit. Si enim dimiseritis hominibus peccata eorum: dimittet & vobis pater vester cælestis delicta vestra. Si autem non dimiseritis hominibus: nec pater vester cælestis dimittet vobis peccata vestra. Certissima denique non scrupulosa ratione tenere debet omnis homo viuens: quod sine gratia Dei damnatus esset: quapropter humiliet se homo quantum poterit, & sibi vile sciat ac conculcet in cogitatione sua: qui non haberet quid de Deo damnati respondere posset, & quid obijcere dicenti. Amice non facio iniuriam, accipe quod tuum est, & vade. Quid est autem tuum, nisi peccatum defectus: & mendacium, quia omnis homo mendax, ait psalmus. Talem timorem laudabilis scrupuli habuisse legitur sanctus pater Agathon, qui moriens à fratribus interrogatus, an timeret: & an in operibus suis confideret. Respondit in veritate neque timeo, neque confido in operibus meis, quousque venero ante Deum: quoniam alia sunt iudicia Dei, alia hominum. Et tamen, quia misericordia superexaltat iudicium Dei: spem in se omnino quantum potest actuet. Sunt autem quatuor meditationes, velut tetragonus firmissimus, per quas spes in te erigitur. Prima, scripturæ sacræ iussio, ut spe-

res.

res. Alia; diuinæ promissionis, si speres. Tertia, immensæ Dei bonitatis, ne unquam desperes in tuis miserationibus. Quarta, propriæ fragilitatis ne speres in te, vel proprijs viribus. Vt speres in eo, Deus iubet in mille & ultra sacre scripturæ locis. Si speres, deus eris merces tua magnanimus Teste apostolo, qui dicit: fidelis Deus semetipsum negare non potest. Ne desperes, quia infinita est Dei misericordia, qui dicit Petro, Matth. 18. Non dico tibi dimittere septies, sed septuagies septies, idest secundum omnes catholicos doct. toties quoties peccare quis poterit in hac vita. Ne etiam in te speres, quia Hierem. 17. Maledictus homo, qui confidit in homine: & ponit carnem brachium suum, & à Domino recedit cor eius. & idem Benedictus vir, qui sperat in Domino. Audi quid de se confitetur Augustinus libro soliloquiorum. Sperabam aliquando, inquit, in virtute mea, quæ non erat virtus: & cum sic volui currere: ubi magis credebam me stare: ibi magis cecidi, factusq. sum magis retro quàm ante. Dicebam enim. hoc faciam: illud perficiam, fiebatq. nec hoc, nec illud, quoniã de meis viribus confidebam. Nunc autem cõfiteor Domine pater rex celi & terræ, quoniam nõ in fortitudine sua roborabitur vir: vt non gloriatur ante te stulta præsumptio omnis carnis.

*Quintam regulam declarat: scilicet, vt quis credat sapientibus & expertis, ac obedire debeat superioribus in dubijs. Cap. XVII,*

**Q**uinta præterea regula principalis valens ad deponendo scrupulosam conscientiam est obedientiæ humilis imitatio, modis tactis in præcedenti capitulo & de hoc etiam paruit supra 9. cap. parte secunda cap. 7. Hæc regula necessaria est præcipue simplicioribus, qui propria adiuuentione, aut studio

studio vel gratia speciali se quietare nequeunt. Deducit hoc tā auctoritate, quā ratio: in nemo exemplo notabili antefatus Cancellarius lectione, iij. libri sui de vita animę. Hoc, inquit, generale damus documentum: credere videlicet specialiter sapientiorum & bonorum iudicio: & contra communes eorum sententias non leuiter sibi met formare scrupulos anxios & timidos. Fallor si non iubet Sapiens. Prouer. iij. Habe fiduciam in domino ex toto corde tuo: & ne innitaris prudētiz tuę & rursus ibidem. 22. Noli transgredi terminos antiquos quos posuerunt patres tui. Hoc præcipe necessarium est apud religiosos: respectu superiorum suorum: hoc est, apud ignaros diuinarum legum. Quin etiam minores, quanquam theologicis literis imbuti: talem debent reuerentiā senioribus, in quibus vita cum scientia concordauerit: vt vix propter alias nouas persuationes quācumque apparentes, pertinax vniquam feratur cito contra determinaciones eorundē assertio. Virtus quippe qualem habent genitam ex multis experiētijs, longe certior arte iudicatur & operatur. Porro iudiciū rationis sicut obtenebratur & luminosa eius radiatio diuersis vitiatur apparentijs: per interpositionem nubilosarum passionum & prauorum affectuum etiam in literatis. Iuxta similitudinem Solis visi per nubes, Sic per paucam instructionem intellectus in sciētijs, præsertim diuinis, causantur nonnunquam errores in eis, qui se totos deuotioni tradere crediderunt, dum volunt plus sapere quam sibi satis erat. Ad præsens etiam inducāmus exemplum de medico: cuius consilijs aliquando parere debemus, sub pena peccati mortalis, dum ex transgressione sui consilij, vel scimus vel probabiliter & vehementer formidamus nos inebriandos, & consequenter transgressuros legem Die. Narrat præterea autentica Prædicatorum historia, quæ vitas fratrum dicitur. Ibidemque refert venerabilis episcopus Vlixionensis præfati ordinis

Exemplum.

Exemplum.

fra.

frater quomodo quidam frater prædicti ordinis defunctus post mortem visus est à quodam viuente eiusdem ordinis fratre admodum scrupulos : Cūque scrupulosus viuis inter cetera de sua à defuncto quereretur conscientia, respondit mortuus. Consule discretos & acquiesce eis. Simile reperimus fere in beati Bernardi legenda vbi dicitur. Quod iter beati Bernardi discipulos erat quidam tantis inquietatus scrupulis: vt ad celebrādū nullo pacto auderet accedere. Dixit ei beatus Bernardus : postquam ista percepit : vade frater, & in fide mea celebres. Obediuit discipulus : & scrupulus ille omnis perpetuo discessit. Sed dicit aliquis scrupulosus : vtinam mihi talis esset prælatus, qualis erat B. Bern. Crederem faciliter imperanti. Nunc vero, dum superioris mei paruam sapientiam conspicio, non audeo meam conscientiam & salutem suæ fidei cōfidere. Respondet Cancellarius. Quisquis qui ita dicis, & sapis : erras, & desipis, non enim commisisti te, & salutem tuam in manus hominis : quia prudens aut litteratus plurimū, & deuotus : sed quia tibi secundum regularem institutionē prepositus est, & prælatus. Quam obrem obediis sibi non vt homini, sed vt Deo iubenti : si tamen non contra Deum præcipiat. Et sepe tanta erit obedientia tua Deo placentior, tibi que fructuosior, quāto est ille indignior : & cui propter Deum non refugijs subijci. Caueas ad extremum ne dum queris securitatem : nec illam adimiscaris : & in grauem ruas dijudicationis, & præsumptionis foueam. Item expresse ponit beatus Bernardus in libro de præcep. & dispē. Vbi dicit. Si tantopere cauenda sunt scandala paruulorum, quanto magis prælatorum : quos sibi Deus æquare quodammodo in vtroque dignatur : & sibi met impurat, & illorum reuerentiam, & contemptum : specialiter contestans eis. Qui vos audit me audit : & qui vos spernit, me spernit. An non denique hoc ipsum regula nostra prohibet, vbi ait. Obedien-

Exemplum.

Exemplum.

dientia, quæ maioribus debetur, Deo exhibetur. Quamobrem quicquid vice Dei præceperit homo, quod non est certum displicere Deo: haud secus accipiendum est omnino, quàm si præciperet Deus. Quid enim interest, vtrum per se, vel per suos ministros, siue homines, siue angelos hominibus innotescat suum beneplacitum Deus? Sed homines iniquis facile falli in Dei volutate de rebus dubijs percipienda, & præcipienda fallere possunt. Sed quid hoc refert tua, qui conscius non es: præsertim cum teneas de scripturis: quia labia sacerdotis custodiunt scientiam, & legem eius ex ore requirunt: quia Angelus Domini exercituum est. Requirunt dixerim legem; non qualem auctentica illa scriptura tradiderit, vel manifesta ratio probauerit. De huiusmodi quippe nec præceptor expectandus, nec prohibitor auscultandus est. Sed quid ita latere, aut obscurum esse cognoscitur, vt in dubium venire possit Vtrum nam Deus sit, an aliter forte velit, si non de labijs custodientibus scientiam, & ex ore Angeli Domini exercituum certum reddatur. A quo denique potius diuina consilia requirentur, quàm ab illo, cui credita est dispensatio mysteriorum Dei? Ipsum proinde, quem pro Deo habemus tamquam Deum in ijs, quæ aperte non sunt contra Deum, audire debemus. Vnde Raimundus, quæ inter iuristas stricte valde videtur fuisse conscientie: in sua Summa libro tercio de sententia præcepti & diffinit. & excommunicationis, sic dicit. Virtus sine efficacia præcepti est, quia subditus tenetur de necessitate obedire præcepto Prælati sui; alias peccat mortaliter: quia ariolus & idolatra dicitur. Vbi tamen si præcipiatur aliquid contra Deum; nullo modo est obediendum: quia tunc obedire debet quis magis Deo quàm hominibus. Si tamen dubitat subditus, vtrum sit contra Deum, vel nō, illud quod præcipitur, debet obedire: nisi esset tale quid, in quo nullo modo esset excusabilis talis ignorantia: puta articulus fidei;



fidē; præcepta vel prohibitiones, vel generale statutum Ecclesiæ: Ad idem est Goff. in summa. Et ad idem est Henric. de Gandauo, quodli. 8. q. 16. dicens. Si esset certum, quod præceptum superioris esset contra Deum, esset contemnendum: sed in dubio an sit contra Deum, præcepto prælati standum est; quod si est contra Deum, propter bonum obedientiæ non peccat subditus. Peccat tamen prælatus. 23. q. 1. cap. quid culpatur: quod subditus excusatur, si obedit domino, quando dubitat subditus, an sit bellum iustum, vel iniustum.

*Deducit sextam regulam, & docet, animose pugnare contra scrupulos, & quid sit liberum arbitrium, quid argumentum, voluntas, ratio, & similia. Cap. XV. III.*

**S**exta proinde regula ad euadendum in ordinatos scrupulos conscientie est scrupulorum animosa abiectio; cum scilicet sunt leues, aut friuoli contra efficaciores aliorum rationes, vel auctoritatem prælati, ubi non est quicquam determinatum ab Ecclesia, vel in scriptura manifeste contentum: ut supra cap. 11. satis dictum est. valent ad horum inordinatorum scrupulorum abiectiōe, ea quæ dicta sunt præcedenti capitulo. Vnde Cancellarius tractatu de pollutione. Mille surgunt apud aliquos tales scrupuli, more canum oblatrantes, & lacera-  
Exemplum.  
 re minantes ipsos, qui volunt, ire per viam Dei: quos conuincere & compescere, melius quam per contemptum nequit tantummodo sit contemptus iste timoratus & regulatus, non absque præiudicio alterius: præterrim superioris consilio, alioquin timor inordinatus facit casum, aut præcipitat inconsulta præsumptio. sunt itaque nonnulli & plures, qui foris sunt phantasie, præterea sæpe trepidant timore, iudicant non esse timendum; tales debent inniti consilio

filio superiorum, & prudentum, & contra talem ip-  
 forum vacillationem audacter operari, sic enim ple-  
 rumque vincetur, abibitque. Qui vero rennuunt  
 credere superiorum, prudentumq. consilio: ad ta-  
 les scrupulos deponendos & ad agendum contra  
 eos. errant multipliciter. Primo per arrogantiam  
 & superbiam: præponendo iudicium & prudentiam  
 suam, aliorum iudicio & consilio. Rursus tales vix  
 aut numquam deuotionem habebūt solidam, nec  
 pacem conscientiae suae à talibus scrupulis. Ac pro-  
 inde carebit locus animae suae hospite illo, de quo  
 propheta dicit. In pace factus est locus eius. Et in  
 tractatu de regulis moralibus dicit. Consilium sa-  
 lubre est frequenter agere contra scrupulos leues,  
 & trepidos vitando eos ad aliorum iudicium: qua-  
 tenus ex consuetudine fiat homo robustus, solidus,  
 & tranquillus in exercitio spiritali. Exemplum in  
 domicatoribus, & funibularijs. Ad idem in tracta-  
 tu suo de contractibus sic dicit. Probabilis certitudo  
 sufficit in moralibus: vt non exponat se quis peri-  
 culo: sicut dicunt doctores de celebrante missam &  
 similibus. Vbi requiritur status gratiae: quod suffi-  
 cit ad hoc probabilis coniectura: quia certitudo al-  
 ia, sine reuelatione non habetur: prout in morali-  
 bus dicit Aristo. sumendam esse certitudinem gros-  
 se, & figuraliter: quae certitudo non remouet in vna  
 parte omnem probabilitatem, vel opinionem alte-  
 rius partis: licet magis declinet ad istam quàm ad  
 aliam quod sufficit: immo formidolosis & scrupu-  
 losis conscientijs saepe consilium est in oppositum  
 assidue agere: praesertim ex imperio & consilio do-  
 ctorum. Hæc ille. Ad idem est liber de Eruditione  
 religiosorum, cuius auctor fuisse videtur Humbertus:  
 qui vocat scrupulosos pusillanimes, in hæc ver-  
 ba. Sepe causa pusillanimitatis est complexio quam  
 etiam augent tibi, ex quibus humores melancholi-  
 ci generantur, vel augetur etiam ex frequenti actu  
 timendi: auget etiam eam nimium ieiunium vel ni-

miz

mix vigiliæ, vel nimia sollicitudo studij, vel alterius modi. Habenti autem hanc tentationem, utile est, ut visionem, quam timor ille introducit, non reputet conscientiam: & eo ipso visionem suspectam habeat, quod introducta est à timore, & sufficiens deliberatione eam examinet, cum timor cessauerit. Sicut enim ira impedit animum, ne possit cernere verum, ita & timor. Et in ijs, quæ introducit pusillanimitas, magis credat iudicio alieno quam suo: Cum vero visionem per se vel per alium errorem esse deprehenderit audacter contra talem timorem postea pugnet. Sicut enim timendo timidi, ita audendo audaces efficiuntur. Valet etiam ut ab his se custodiat, quæ pusillanimitatem augent. Hæc enim instrumenta sunt demonum, ideo utilis est oratio. Hæc ibi. Docet etiam scrupulos dubiosos deponere & consilia fixa tenere sacra scriptura Eccle. 22. Vbi dicit sapiens. Sint loramentum ligneum colligatum in fundamento ædificij, non dissoluentur: sic & cor confirmatum in cogitatione consilij, cogitatus sensati in omni tempore, vel metu non deprauabitur. Sicut paleæ in excelsis, & sementa sine impensa, posita contra faciam venti non permanebunt, sic & cor timidi in cogitatione stulti, contra impedimentum timoris non resistit. Sed quia multis scrupulosis videtur difficile, aut impossibile, quod scrupulos deponant respectu quorundam contemptum. Idcirco opus est videre quomodo hoc est possibile habenti usum rationis & voluntatis, perfectum saltem, pro cuius intellectu notanda sunt definitiones liberi arbitrij imperij eius dictaminis, rationis, & voluntatis. Est enim ut dicit cancellarius de regulis moralibus: liberum arbitrium facultas rationis, atque voluntatis. potens imperare cæteris viribus cognitiuis & affectiuis, immo rationi, & quandoque voluntati: cum cæteris respectibus: Imperium liberi arbitrij, est dominum rationis dictantis aliquid motus & voluntatis exequentium.



**Dictamen.** in hoc obedientes. Dictamen autem rationis exprimitur per verbum indicativum, vel modum indicativum: vt hoc est faciendum: executio per verbum imperativum: vt fac hoc. Ratio est potentia animæ cognitiua, respectu conclusionum deducibilium ex principijs libera, libera secundū aliquos essentialiter secundum alios solū participatiue. sed voluntas est potentia animæ effectiua rationalis: hæc ex cognitione rationis, potest ceteris omnibus æqualiter se habentibus, elicere actus suos immanentes. Actus autem immanentes sunt velle & nolle deliberatum & actus quidem medius, suspensiuus vel experimentatiuus. Nota præterea regulam supra capitul. 14. videlicet. Non omnis deliberans agit ex deliberatione, &c. Rememorandæ sunt etiam diffinitiones scientiæ, opinionis, credulitatis, & similium positæ supra primo capitulo.

*Latius docet idem rationibus quomodo scrupuli sunt abijciendi. Cap. XIX.*

**P**Ræintellectis igitur nominum significationibus facile erit videre quomodo quis potest, & debet scrupulos aut contemnere non curando, aut deponere ratiocinando. Pro quo aduertendum est id, quod dicit Vuilhiel. Parisien. in de fide & legi. in principio: quod scilicet de operationibus intellectus solum credere bellum habet. Comprehendimus autem dicit opinari in eo, quod est credere. **Crede** Credere est enim vehementer opinari. Scire autem **re est** non habet bellum: propter firmitatem suam nisi **opari.** sophisticum: quod tamen luminositate sua non tam **Scire.** vincitur, quam velut nebula dissoluitur. Cogitare **Cogi-** autem bellum habere videtur propter cogitationes, quæ improbissime se ingerunt, quod euidentissimum, & durissimum est in cogitationibus blasphemiarum, sicut & cogitationes mundæ vix obrinentur.

Vnde

Vnde secunda Corinth: 3. Non quod sufficientes simus cogitare aliquid ex nobis quasi ex nobis, sed sufficientia nostra à Deo est. Nec mirū. Ipsum enim cogitare voluntarium est: ideo bellum habet. Scire autem nō est voluntariū: quia est in eis, quæ per se nota sunt: & maxime in primis impressionibus, non est in potestate arbitrij scire, vel non scire: propter proximitatem illorum ad intellectum, & vehementem, impressionem eorum, quamvis aliquo modo scientia voluntaria videtur, vt studere, inspicere libros & querere: & ideo laudabilia vel non. **Obie.** Sed obijceres, sicut prima principia ingerūt sui sciētiā, & certitudinem, sic prima probabilia credulitatem: ergo credere non est voluntarium in ipsis, sicut nec scire in istis. Respondetur probabilitas **Rñ.** quātatūq; sit non ingerit credulitatem, seu fidem ex necessitate hominibus intelligentibus & exercitatis: cum ipsi certi sint, non omne, quod videtur esse verum, verum esse, vel etiam simile vero, esse verum. Idem autem est probabile quod verisimile, & idem quod videtur verum. Sapientum autem est tam à veri similitudine, & probabilitate quā à ficto & falso colore timere semper, & cauere. Illud tamen verum est, quod ille qui credit principijs syllogistice ordinatis necesse habet & credere conclusioni: posita credulitate principiorum, necessitate non absoluta, sed conditionata. Voluntarium tamen simpliciter est, & liberum de omni probabili. vt ei quis credat: vel non credat: quoniam nihil adeo probabile est, quod non habeat aut dissuasivam, qua possit videri falsum, aut saltem qua possit videri non credendum esse propter periculum erroris. Sufficit enim sapienti, cum veritatem apprehendere non potest: non illud à falsitate, & non errare atq; non falli. Quemadmodum & bellatori cum hostem superare non potest, fatis est ei non superari ab ipso. Et negociatori: cum lucrū capere non potest, si damnum euitet. Et ne putes phi-

Iosophantibus leue damnum credulitatis & opinio-  
 nis errorem; hoc enim totis studijs fugere conten-  
 dunt: ne scilicet superentur ab erroribus: & ne pro  
 veritate, quam quærunt, accipiant fallentem pro-  
 babilitatem, aut pro verisimilitudine mendacium.  
 Notandum tamen quod cogitare si nudum est, &  
 solum cogitare, informe est valde & materiale: si  
 non habet assensionem, aut certitudinem, aut dissen-  
 sionem. Vnde nec ab ipsa materia supra quam cadit,  
 quantumcumque bona sit aut mala. Vnquam for-  
 matur aut denominatur; nec vnquam habet ex ea  
 laudem vel vituperium. Cogitare enim quantum-  
 cumque horribile & quantumcumq; detestandum ma-  
 lum, si nudum est, vt diximus, non est malum, sicut  
 nec videre malū malum est, quantumcumque visum  
 malum sit, dummodo videre nudū sit à delectione,  
 & assensione. Alioquin Deus malus esset, qui om-  
 nia scit & videt. Hec ille. Ex quibus patet quod quis  
 potest per liberum arbitrium opinionem aliquam,  
 vel rationem vel argumentum, vel auctoritatem  
 paruum abijcere, contemnere, nolle sentire, aut suū  
 actum de credendo suspendere: & secundum hoc  
 conscientiam suam informare. Ad idē est Matthæus  
 de Cracouia libro de rationali diuinorum operum:  
 vbi sic dicit. Hoc argumentum non est bonū, nescio  
 soluere dubiū, quod circa hāc conclusionē occurrit:  
 igitur debeo de ea dubitare, ratio est, quia magna  
 dubia occurrunt circa conclusiones Geometricas, &  
 infallibiliter demonstratas. Item similiter circa fidei  
 conclusiones. Item non est materia tam facilis quin  
 subtiliter inuestigantibus occurrant in ea quæ vix  
 aliquando, aut numquam forte plene possunt ab-  
 solui. Vnde conclusionibus fidei, vel rationi, seu ar-  
 gumēto, quæ fidei consona sunt, aut rationi, quæ eui-  
 dens est, & generaliter approbata, vel alijs cōsimili-  
 bus, mēs indubitātē adhareat: quousque æque, vel  
 magis euidens, aut fortis ratio occurrat, quæ etiam  
 ante assensum plene diu probatur. Et si hoc quidem  
 face-

facefent, non tã multi vacillarent: fed quia multi volũt statim vacillare quam cito occurrit dubium, vel argumẽtum quod nesciunt foluere: ideo multi erroribus implicantur, & dubijs, ac infirmãtur in fide: & fe ſciolos putant, quod peius eſt, vel alijs oſtẽdunt. Hæc ille. Vnde intuemur quaſi in luce quales ſint, de quibus dicitur. Eccleſ. xix. Qui facile credit, levis eſt corde, & minorabitur. Sed quid de illis, Quæ qui propter defectum naturalem, aut accidentalem ſtior melancholiæ vel mania, ſcrupulos deponere non poſſunt, de qua infirmitate naturali dictum fuit ſupra tractatu iſto capitulo quarto & quinto. Reſpondetur quod Deus neminem obligat ab impoſſibile, ſecundum beatum Hieronymum. Et in ijs, quæ non ſubſunt libro arbitrio ſecundum philoſophum, nemo laudandus eſt nec vituperandus: & perconſequens talibus, nec meremur nec demeremur. Nam Cancellarius tractatu de pollutione, de ſimilibus ſic dicit: Dicunt doctores aliqui, quibus aſſentio, quod aliquando non tam meritorium eſt credere, ſicut velle credere, nec dolere ſenſualiter de peccatis, ſicut velle dolere, & non poſſe: probat per pſalmum, qui dicit. Deſiderium pauperum exaudivit dominus præparationem cordis eorum audivit auris tua. Deus, inquit, iudicat nos ſecundum ſuperioris rationis arbitrium, voluntatem, & iudicium, & non ſecundum ea, quæ nobis inuitis, atque contra nitentibus, portio ſenſualitatis inferior aduehit, & producit: qualia ſunt volubilitas imaginationum & phantaſiarum. Stimulus inſuper carnis illecebroſus, aut vincentes vacillationes. Præterea timidæ & incertæ ſunt cogitationes noſtræ ſuper agendis, & ſuper eis credendis: quæ noſtris nequaquam ſenſibus attingimus, & conſimilia. Deſciuntur ex hoc multi ex ſimplicibus diſtinguere: nescientes inter ea, quæ portio animæ ſuperior agit per ſenſum & ea, quæ portio inferior patitur abſque ſuperioris aſſenſu. Darent idcirco tales ſepe alijs ſalvare

bre consilium, qui nesciunt illud præstare sibi. Quare sic est? Ob turbam certo passionum simul irruentium tumultuantem & rixantem.

*septimam regulam declarat valentem ad depositionem scrupulorum per epichian, cuius proprietates ponuntur, & octuplex doctrina secundum eam datur, quarum tres declarantur. Cap. XX.*

**S**eptima ex eodem postremo regula per scrupulorum depositione. Necessaria est præceptorum discreta Epikeyfatio, seu interpretatio vel declaratio. Equitas, n. dicit Cācellarius vbi supra, quam nominat principalis epichian præponderat iuris rigori, vt inquit iuris periti. Est autem æquitas iustitia pensati omnibus circūstantijs particularibus dulcore misericordiæ temperata. Hoc intellexit qui dixit, ipsæ etenim leges cupiūt, vt iure regātur. Et sapiēs. Noli esse iustus nimis, alioquin, sūma iustitia, sūma iniustitia fit. Ambulandū enim est in virtutū doctrina via regia, vt nec strictius fiat Dei mandatum, nec latius quam ipse mandauerit: quāuis inde possint sumere aliqui, aut malitiæ velamen libertatis, aut ecōtra in desperationem corruere, non tamen omnibus pro omni tempore & loco prædicandum asserimus omnem veritatem. Est igitur Epikey virtutis considerare non nudum præceptum, sed circūstantias omnes particulariter ipsum vestientes. Vnde philosophus. v. Ethy. epichian existens interpretatiua legum, melior est quam iustitia legalis. Item secundum hanc virtutem præcepta Dei, & Ecclesiæ, ac prælatorum, seu iudicum benigniter interpretari possumus. Nec valet, si contrarium dicatur: quod eius est legem interpretari, cuius est condere. Esto enim vt dicit Ioan. de Cambaco lib. 14. de consolatione theologiæ. quod in foro causarum interpretatio

ratio non sufficiat, nisi quæ fieret à principe, vel à  
 legiflatore: bene tamen sufficit virtus Epikeyæ in  
 foro conscientix, non solum circa præcepta hu-  
 mana, sed etiam circa præcepta diuina: & tanto Nota:  
 magis circa diuina, quanto Deus, rationabilior est  
 magisque benignus, quàm quicumque alius legis-  
 lator. Vnde secundum eundem per virtutem Epi- Octu-  
 keyæ, octuplicem doctrinam conscientix scrupulo- pl. do-  
 sæ, proficuum colligere possumus. Prima est, quod tri. pri-  
 inter duram, & benignam circa præcepta senten- ma.  
 tiam: pro benigna est potius ceteris paribus in-  
 terpretatio facienda: vt per Vuilhelmum cap. 11. &  
 alios supra patuit: Cuius ratio est: quia præcepta  
 Dei non sunt ad tollendum omnem spirituales dul-  
 cedinem, qualis certe tollitur, quando quis nimis  
 scrupulose præcepta interpretatur, & timide ni-  
 mus. Nam sicut tinea vestimento, & vermis ligno,  
 ita tristitia veri nocet cordi. Prouerb. 25. Quod  
 Cassianus lib. 9. institutio. de vitio tristitiæ lo-  
 quens, sic exponit. Satis, inquit, euidenter ac pro-  
 prie vim noxij huius ac perniciosi vitij spiritus diui-  
 nus expressit. Vestimentum enim esu tinearum atta-  
 ctum nullius pretij vel honesti vsus poterit vltius  
 habere commercium. Idemque lignum vermibus  
 exaratum, non adornatum vel mediocris ædificij,  
 sed ad combustionem ignis merebitur deputari. Ita  
 igitur & anima, quæ edacissimis tristitiæ moribus  
 deuoratur: inutilis erit vel vestimento illo Pontifi-  
 cali: quod vnguentum Spiritus sancti de cœlo de-  
 scendens, prius in barbam Aaron deinde in oram  
 vestimenti eius. Sed nec ad structuram templi illius  
 spiritualis atq. ornatu poterit pertinere, cuius Pau-  
 lus architectus sapiens posuit fundamenta dicens.  
 Vos estis templum Dei, & spiritus Dei habitat in  
 vobis. Quo circa Christus Matth. 11. dicit, conso-  
 lando. Venite ad me omnes, qui onerati estis: & ego  
 recipiam vos. Vbi dicit beatus Hylarius, legis dif-  
 ficultatibus laborantes, & peccatis seculi inuolutos.

ad se aduocat, & postmodum de iugo euangelij subdit. Iugum enim meum suauis est, & onus meum leue.

Secunda doctrina secundum virtutem Epikey est: quod nec Deus, nec ecclesie intēdit per sua pręcepta obligare ad vix possibile alicui. Vnde S. Th. super. 4. di. 17. dicit. Pręcepta iuris positiui, non se extendūt vltra intentionē pręcipientis, quę est finis pręcepti: hæc autem est charitas. Et prima secundæ. q. 15. dicit: Nullus obligatur ad impossibile. Illud autem impossibile ad quod nullus boligatur; videtur secundum virtutem Epikey in lege noua, quę est, perfectę libertatis, interpretandum non solum de absolute impossibili, nec de eo etiam, pro vt dicti doctoris sonant verba, quod vix est possibile: vt pote nimiam habens difficultatem: alias non appareret quomodo intelligi possit illud Christi consolatorium. Onus meum leue. Quomodo enim leue dicitur? quod multum, aut nimis difficile dicitur.

Exemplum.

Tertia doctrina est. Nec Deus, nec ecclesia intēdit mediantibus suis pręceptis aliquem obligare ad hoc, quod sit fatuus. idest talia pręcepta loco & tempore non obligant quemlibet, vbi eorum obseruantia foret ridiculosa, saltem apud discretos, & bonos viros. Pater illud à simili de votis ex diuino pręcepto Deo reddendis: ad quę Deo reddenda si sint stulta, vt dicunt doctores, communiter nullus obligatur. Auctoritas est ad hoc late Innocentij in iure in glo. super cap. Noniter. de sen. excom. & eodem titulo cap. cum medicinalis lib. 7. Ratio potest etiam assignari quia pręcepta ecclesię dantur ex charitate, quod saltem pręsupponendum est, & pręsumendum. Sed quod ex caritate statutum est non debet contra charitatem militare, vt ait beatus Bern. lib. de pręc. & dispe. Militarent autem pręcepta ecclesię contra charitatem si obligarēt ad sui obseruationem in casibus ea obseruando, fatuum aliquem iudicaret obseruantem viri boni & discreti, ac deriderent.

Res.



*Residuas quinque doctrinas. Cap. XXI.*

**Q**uarta doctrina . Qui vult absolui à debito alicuius præcepti , in materia eiusdem notabiliter ultra debitum : Hoc enim faciendo quis sperare debet firmiter se absolutum fore à debito . Exempli gratia . Teneris ex præceptis diebus dominicis & festiuis à seruilibus operibus abstinere . Si autem pluribus diebus in hebdomada , aut etiam regulariter à seruilibus vacare operibus consueuisti . præsertim vacando Deo , & orationibus intendendo : & casu quo te contingat in die festiuo , quamdam , aut ob necessitatem aliquid operari : dummodo hoc sine scandalo notabili fiat , te propter hæc grauari in conscientia non oportet . Patet hoc in simili . Nam si quis alicui teneretur in quinque solidis , & per modum muneris , viginti , centum , vel mille marcas liberaliter ei daret . Numquid talis deberet bene supponere , quod de quinque solidis , alias soluendis quietatus esset ? est enim Deus in infinitum liberalior , & clementior hominibus . Ad idem satis expresse est Cassi . Collatione patrum . Collatione abbatis Theonis cap. 13. & in multis locis probando , quod ieiunia & alia huiusmodi pro loco & tempore seruanda sunt , & moderanda . Quadragesimæ inquit , lege qui iustus est , ac perfectus non tenetur : nec exigui huius canonis subiectione contentus est : quem profecto illis , qui per totum anni spatium delitijs , vel negocijs secularibus implicantur , ecclesiarum principes statuerunt : vt hac legali quadragesimali necessitate contricti : his saltem diebus Domino vacare cogerentur : ac dierum vitæ suæ , quos totos quasi fructus quosdam fuerant voraturi , vel dicimus Domino dedicarent . Ceteri si iusti , quibus lex non est posita , qui spiritualibus officijs , non exiguā illam igitur decimā par-



partem, sed totum vitæ suæ tempus impediunt; quia liberi sunt à decimarum legalium functione. Idcirco si eos superueniens honesta, & sancta necessitas coarctauerit: audent stationem ieiunij absq. vlla disceptatione laxare: nō enim decimarū ab eis exiguitas mutatur: quia omnia sua domino suo secū pariter obtulerunt. quod profecto absq. summo fraudis reata facere ille non poterit, qui nihil voluntarie offerens Deo, inexcusabiliter soluere decimas suas legis necessitate compellitur. Illud amen verbum Cassiani, videlicet, quadragesimæ lege, qui iustus ac perfectus est, non tenetur. Sanè intelligendum est sic. videlicet, quia non tenetur eam secundum literam à Deo rigide & onerosè obseruare, quominus ipsa secundum virtutem Epikeyæ interpretari valeat: pro loco scilicet, & tempore, dummodo non contra intentionem legislatoris seruare possit, & etiam moderari. Per quod quidem non remouetur, quin quātumcumque iustus de lege cōmuni seruare teneatur præcepta ecclesiæ, sane intellecta secundum intentionem præcipientis. Ex præmissis igitur patet, quod quis absolui potest pro tempore à paruo debito. Per hoc quidem, quod in eadem genere notabiliter facit vltra debitū, maxime in casu, quo an illud paruum sit, an non sit debitum dubitatur.

Quinta regula doctrinalis, quod in dubijs bonorum vita debet alijs esse viuendi regula: pro vt tactum est supra cap. 16. Ratio est: quia tales secundum virtutem Epikeyæ præsumi debent habere rectum iudiciū.

Sexta doctrina. In ijs, quæ solum sunt mala, quia prohibita: multum excusat vel in toto vel in tanto, consuetudo: immo in casibus ex vi rationalis consuetudinis, præsertim si præscripta est, contra ius scriptum multoties faciendum. Ratio dicti: quia sicut Epikeya est moderatiua vel interpretatiua legū sic & consuetudo est optatiua legum interpretis: si de positiuis legib. sermo fiat. Et inde vita animæ dicit

Can.

**C**âcellarius. Omnis lex humana vel positua potest abrogari in eo, quod non necessario participat cum naturali, & diuina. Hęc autem abrogatio sit per consuetudinem oppositam. Iuxta quod dicunt Iuristę: & verum est: quod consuetudo est optatiua legum interpres: nec vmquam dicenda est corruptela, nisi vbi legem diuinam, aut naturalem lædere conuincitur. Nam sicut consuetudo dicitur altera natura, sic lex cōsuetudinalis, quasi lex naturalis habenda est. Fit tamen abrogatio eius, sicut aliarum constitutionum pro expressam, aut interpretariam reuocationem, factam ab illo, qui condendi habuit potestatem. Fit deniq. abrogatio causa manifestę damnositatis, si lex ista seruetur. Patent hæc omnia ex descriptione & conditionibus legis bonę: quoniam honesta esse debet iusta & possibilis iuxta naturam & consuetudinem patrię, loco, temporique conueniens: necessaria, vtilis & manifesta, vt habetur ex dictis Isidori. Ex his liquide constat, quā temerarium est & iniquum, velle omnia decreta siue Ecclesiastica, siue ciuilia ad omne tempus, ad omnem gentem & patriam extendere. Quoniam lex, quę pro vno tempore, aut loco, aut personis esset vtilis: esset in alijs loco, & tempore, & personis impossibilis, aut damnosa: immo velle sit omnia statuta stabilire, hominum est delirantium, & quasi cōtendentium, vt oppositę leges simul obseruentur. Pręterea positum est in decretis. distinctione quarta: quod leges instituuntur, cum promulgantur: firmantur, cum moribus vtentium approbantur. Igitur per argumentum à contrario sensu, si moribus vtentium nequaquam approbantur: illę nullum habent firmitatem: & ita populus habet multum in sua potestate dare robur, aut tollere, pręsertim ab initio. Quantum autem de tempore sit necessarium, vt cōsuetudo vim legis habeat, vel abrogare habeat legē. Dicimus, inquit, vbi non est taxatum tempus à legibus alijs, debet fieri abrogatio pro vt sapiens indicabit.

Eucharistię ſumptionem, dicit ſic. Si, inquit, eſſe de hoc conſuetudo etiam generalis, & vim legis habens: tamen illa, vim legis, non exce dit in obligando, vel in arctando. Et ideo in quocumq. caſu prætermittens facere hoc, quod lex imponit, poſſet excuſari à peccato: puta ſi hoc faceret ſine cõtempnu, & per virtutem Epikeyę: qua ratione periculi æli cuius conſiderari poteſt quandoq. fieri contri verba legis, ſecundũ quod pulchre declarat. S. Tho. prima ſecun. q. 96. artic. 6. & ſecunda ſecun. q. 19 artic. 1. In eodem caſu, vel cõſimili poſſet prætermitti talis cõſuetudo abſq. peccatio: puta ſi etiã prætermittetur abſq. contemptu & per virtutem Epikeyę, attendẽdo periculum anime, ratione nimix inuolutionis erroneę cõſcientię. Vnde & de conſuetudine Hoſt. cap. primo circa finem dicit. Generaliter tibi trado vbicũq. conſuetudine ſeruata animo periclitaretur, non valet hæc Hoſt quod poteſt intelligi ſimpliciter: vel in caſu, quare hæc Ioannes de Cábaco.

*Ad ſciendum quomodo præcepta diuina & humana ligent diffiniuntur leges diuinæ: & per nouem concluſiones fit præceptorum aliquorum interpretatio. Cap. XXII.*

**V**erum vt ſcrupuloſi per præcepta non vltra quã neceſſe ſit ſe arcturi putent: de eiſdẽ quomodo ligent, quantum, quando, vbi, & qualiter: notandæ ſunt patrię, dñtiones legum, & præceptorũ. Cancellarij deinde nouem concluſiones eiũdem.

Lex.

Eſt igitur Lex multiplex. Quidã æterna ſiue prima: alia naturalis hominum: alia diuina hominũ: alia priuata: alia poſitiua, alia ciuilis, & temporalis, alia ciuili, & ſpiritualis, alia charitatis. Lex enim in genere, eſt recta ratio practica ſecundũ quã motus, & operationes rerũ in ſuos fines ordinate regulantur. Vel eſt ipſa talis regulatio in quocũque. Lex æterna ſeu prima, eſt beneplacitũ, ſeu voluntas ſuprema domini prima.

Domini Dei, præstituentis rebus à se cognitis fines  
**Lex naturalis** suos, & motus, & operationes ad illas. Lex naturalis hominum est dictamen legis practicum, quod natns est habere quilibet homo non impeditus in vsu rationis, nec dispositione corporis, nec ex dispositione vitiorum. Lex diuina proprie est in hominibus: & est lex per diuinam clementiam accepta ac regimen plurimorum, pro fine beatitudinis principaliter ordinata. Primum ponitur ad differentiam legis priuatæ. Aliud ponitur ad differentiam legis iudicialis in antiqua lege. Lex priuata est per diuinam reuelationem accepta ad regimen personæ singularis, vel paucorum. Est autem diuina reuelatio illuminatio humanæ naturæ rationalis, ad quam habendam vel modum habendi, ipsa de communi cursu sibi inclyto non attingit. Lex humana, siue positiua est lex per rationem, ex lege naturali deducta, in consequentijs probabilibus ad finem debitum humanæ creaturæ. Dicitur autem probabile quod pluribus & maxime sapiētibus apparet verum. Lex ciuilis & temporalis est lex humana ad finem naturalem socialis vitæ bene regendæ, immediate vel principaliter ordinata per illum, qui curam communitatis gerit, sufficiēter promulgata. Sed lex ciuilis, & spiritualis, est lex humana, ex principijs creditis vel ratione notis: probabiliter deducta ad finem supernaturalem immediate, & principaliter ordinata: per illum, vel illos, qui curam habent communitatis sufficienter promulgata. In his omnibus pro regula tenendum est, quod omnis obligatio finaliter reducitur ad dictamen liberi arbitrij diuini; sic volentis obligare creaturam, quod dictamen nobis innotescit, vel in lumine fidei & gratiæ infusarum, vel in lumine naturali signato super nos. Vnde practica iudicia rationis habemus, aut per lumina scientiarum, tam diuinarum quàm humanarum ex duplici lumine priori amantium: aut postremo per experientiæ multiplicis luminosum

sum documentum, per quod fit, vt tam virtus quàm ars tertius operentur. Est etiã hic aduertendum quod in principijs moralibus fit processus quandoq̃ à notioribus, vt quasi à posterioribus: vt ex ijs, quæ videmus in humana politia assurgendo ad diuinam legem, quandoq̃ fit e contra à priori considerãdo eas leges, quæ natura sunt notiores; qualis est lex æterna. His præmissis est hæc cõclusio prima. Solus Deus & nullus alius absq. commissione eius potest directe & per se, obligare aliquẽ hominem etiã sibi subditum absq. eius consensu libero, ad actus interiores, & latentes habendos. Solus quippe Deus potest de talibus iudicare: alij autem non nisi ex eius mandato & reuelatione, sed tantum de exterioribus. Notanter dicitur directe, & per se, & absque consensu libero: quia indirecte & per accidens vel ex cõsensu subditi potest fieri, nisi ab interiori procedat. Secunda conclusio. Quoniam rationale est: vt nullus homo aliquid præcipiat, nisi illud, de quo potest cognoscere iudicialiter secundum modum suum in foro. Idcirco finis, & intentio legislatorum non cadunt sub obligatione subditorum: sed tantummodo operationes exteriores præceptorum. Et ita dicens horas aut ieiunans in peccato mortali, aut sinistra intentione vel absque intentione: absoluit se à præcepto ecclesiæ, sed non apud Deum. De negligentia autem, & peruersa intentione sapius excusatur. Tertia conclusio. Dispensatio prælatorum, quæ est iuris communis: quædam relaxatio seu mitigatio locum habet præcipue circa particulares casus, & personas singulares: quoniam aliqua statuta sunt pro communitate, quæ huic perionẽ vel illi: & in isto casu, vel illo, non ita congrue dignoscuntur. Quarta conclusio. Consentire censendi sunt superiores saltem interpretatiue in abolitionem legum suarum positivarum quandopasim eas diu non obseruari sciunt aut scire possunt, & nec verbo, nec facto reclamant. Quinta conclusio.

2. conclusio.

3. conclusio.

4. conclusio.

5. conclusio.

6. **Conclusio.** Lex nō constituitur nisi dū promulgatur, neque vigorem habet, nisi cum moribus vtentium approbatur: & hoc si sit lex pure positiva ad populi regimen. Secus de diuina, atq. naturali diceretur, contra quas non est præscriptio, vel ad oppositum consuetudo, sed tantum corruptela. Sexta conclusio. In omni lege quantumcumq. positiva bene instituta, aliquid est de iure naturali & diuino, vt quod expedit homines legibus regulari, quod qui potestati resistit Dei, ordinationi resistit & similes. Septima conclusio. Discernere ius diuinum & naturale à posituius sicut est difficile: ita maxime necessarium est & vtile in omni doctrina morali & politica: & hoc fieri perfecte nequit absq. sacra sapientia: quæ legibus æternis innititur, atq. fundatur. Octaua conclusio. Ecclesiastici prælati respectu præceptorum diuinorum & regulæ euangelicæ, nullo modo conditores sunt, sed dumtaxat quidam interpretores, expositores, præcones, doctoresque. Nonā conclusio. Interpretatio & limitatio, vel expositio prælatorum in lege diuina, quamdiu prælati non cognoscuntur abuti sua potestate: suscipienda est reuerenter tamquam lex Dei. Abuterentur autem, si manifeste imponerent onera nimis graua ceruicibus populi Christiani, vt si ad festiuandum quotidie, vel ad statuta qualia habent religiosi, omnes passim restringere quærerent.

*Declarat peccatorum mortalium & venialium differentiam, et diffinitionem, et proprietatem.*

*Cap. XXIII.*

**P**erinde quia timorata conscientia scire vellēt in quolibet casu, vbi esset peccatū mortale, & vbi veniale, vel nullum. Idcirco quid de hoc sentiendum sit, restat declarandum, Vbi notandum secundum S. Tho. & alias. circa distinctionem, 24 secundi. quod omne peccatum est denotatio ab aliqua



qua lege naturali, vel diuina, vel quacumq. alia lege recte posita. Et quia omnis lex habet vim coactionis per poenam: alioquin frustra ferrentur leges, si eas liceret impune transgredi: ideo secundum vnamquamq. legem, illud peccatum dicitur mortale quod poena mortis damnatur. Veniale vero, quod leuiori poena punitur. Vnde Aug. home. 7. super Ioan. dicit. quod crimen est, quod damnationem meretur. licet autem proprie mors sit priuatio vitæ corporalis: tamen ad quādam similitudinem priuari finaliter diuina visione, & incurrere poenam gehennæ mors dicitur. sicut & ipsa visio vita dicitur per Christum. Ioannis. 17. Hæc est, inquit, vita æterna, vt cognoscant te: vnusquisq. enim dicit vitam suam consistere in eo, in quo delectatur: ideo propter summam delectationē, quæ est in visione beata: in ipsa dicitur uita nostra consistere: & in eius priuatione cum afflictione gehennæ mors. Sic igitur quo ad theologos, quorum est considerare humana opera, quatenus regulentur legem diuina, peccatū mortale dicitur, quo quis meretur hanc poenam. Sūt autem quædam peccata mortalia ex genere actus: quædam venialia ex genere actus, vocando genus actus rationem, quam sortitur actus ex materia, vel obiecto. Et sic veniale distinguitur contra mortale, iuxta distinctionem materiæ, in qua peccatur, hoc modo: quia peccatum est quædam infirmitas animæ. Et ideo sicut in morbis, morbus ille dicitur mortalis, qui infallibiliter inducit priuationem principij spiritalis vitæ. Veniale autem dicitur illud, quod talem priuationem non inducit. Principium autem, quo viuimus spiritaliter, est charitas, per quam homo ordinatur bene ad Deum, & ad Proximum, & ad seipsum: & ideo illud est peccatum mortale ex genere suo, quod repugnat dilectioni Dei, proximi, & sui: Dei vt facere contra Spem, Fidem, & Charitatem, periurium committere & similia quo ad tempus: & alia sacra, quæ præcipiuntur in primis tribus



mandatis decalogi. Proximi sicut de honore parentum, homicidio, mechia, furto, & falso testimonio & similibus, quæ sunt contra proximum. Sui vero, in actibus interioribus, qui comprehenduntur in ultimis duobus mandatis scilicet, non concupisces rem proximi tui, aut uxorem. Hæc enim & similia peruertunt debitum ordinem subiectionis ad Deum, & fœdus humanæ societatis ad proximum, propter quod ex genere suo sunt mortalia peccata. Quando vero voluntas peccantis fertur in illud, quod in se quidem continet quandam inordinationem; & tamen non contrariatur dilectioni Dei, aut proximi, nec tollit ordinem debite subiectionis ad Deum, nec fœdus humanæ societatis ad proximum, sicut verbum ociosum, risus superfluus & similia, talia dicuntur venialia ex genere. Ad hoc videtur accede

**Ricar.** re dictum Ricardi de sancto Victore lib. de Differentiis peccati mortalis, & venialis. ubi dicit peccatum mortale est, quod à quouis non potest committi sine grandi corruptione sui: sine graui læsione proximi, & sine magno contèptu Dei. Cætera vero omnia videntur mihi venialia. super quod dicit Aureolus quodlibet. 2. q. 15. Ex isto videtur posse accipi quod mortale est inordinatio grâdis valde, ac p hoc quod opposita ordinationi non parua sed magnæ & necessariz ad finem consequendum Veniale autem est deordinatio levis, aut parua: & per hoc opposita ordinationi utili, sine congrua, vel accommodata, nō autem ad attingendum finem necessariz. Ad idē videtur esse. S.

**S-Tho.** Tho. summa cōtra Gentiles lib 3. cap 14. sic dicens. Peccatur mortaliter quando totaliter intentio mentis abrūpitur ab ordine ad Deum, qui est ultimis finis bonorum. In eo enim qui peccat mortaliter. omnino auertitur intentio voluntatis à fine ultimo. In illo autem, qui peccat venialiter, manet intentio conuersa ad finem: sed aliquantulum impeditur, ex hoc, quod plus debito inhæret, ijs, quæ sunt ad finem. hæc Tho. Et ibi ex intentione tenetur trahere  
dis-

differentiam peccati mortalis à veniali. Differunt igitur mortalia à venialibus, similitudine multorū actuum aliorum defectuosorum, videlicet: sicut commestio tibi mortiferi à non mortifero. sicut vulnus mortale, & incurabile per naturam, à curabili per naturam: sicut infirmitas certitudinaliter mortem inducens ab infirmitate vitam non priuante: sed sanitatem pro parte adimentis; sicut offensa, pro qua quis ab aliqua ciuitate perpetuo exilio & carceri damnatur, aut morte plectitur, ab offensa, quæ téporalē pœnā meretur, sicut actus, quo omne lumen oculis subtrahitur, ab actu quo oculi per medium subtile lumen intuentur: sicut infectio radicis arboris alicuius à læsione ramusculi alicuius in eadem arbore: & sicut cursor in via vadens in contrarium à termino ad quem: ad eum, qui versus terminum ad quem vadit claudus stans vel paulisper à via deuians.

*Quod per peccatum mortale charitas perditur, & quod scire non possumus semper ubi sit peccatum mortale, immo, quam periculosum sit illud diffinire* Cap. XXIIII.

**E**X præmissis, & pro eorum latiori manifestatione ponantur conclusiones.

Prima conclusio. Habitus castitatis est vita animæ. patet per Aug. 4 de Trinitate. cap. 9. di. Mors spiritus est à Deo deferri: mors autem corporis à spiritu deferri. Nec intelligas Deum separari absolute. Est enim aliqualis presentia Dei animæ ipsi etiam peccatrici: sed non secundum illum effectum Dei spirituale, per quem Deus animam viuificat. Talis autem effectus est charitas, quia nullus effectus sine charitate valet. vt dicitur prima Corin. 13. Separatur autem Deus, cum effectum talem sui subtrahit.

Secunda conclusio. Nullus actus de genere mor-

ris in habente vsum rationis est simpliciter indifferens : neque quo ad bonitatem moris , nec quo ad meritum , vel demeritum : saltem boni temporalis . Satis patet per. sanctus Tho. prima secundæ. quæst. 10. Ideo qui minima negligit , paulatim decidit : in maiora prolabitur . Nam veniale peccatum , & si non perimit de per se vitam gratiæ , quæ est vita prima : infirmat tamen operationem eius , quæ est vita animæ secunda : & ad mortem , si multiplicetur , disponit . retardatq. à profectu meriti : & ab acceleratione visionis Dei . In via enim Dei non progredi , regredi est .

Tertia conclusio . Deus vitam ab anima non subtrahit : nisi prius anima vitam deserat . Probat per Aug. de vera & falsa penitentia : dicentem ante finem . Deus cum incipit semel benefacere , nisi derelinqueremus eum , eiusdem beneficium , quod omnino nostrum est , cum prior sit inspiraatio : cogitur ex necessitate iustæ misericordiæ neminem posse prius relinquere . Non enim sui est relinquere : nisi relinquentem se . Item in de natura & gratia : Deus deserit , nisi deseratur , vt pie iusteq. viuatur . Et. 13. de ci. Dei. cap. 12. Aliquando anima deseritur à vita sua quæ illi Deus est : non deserta est , vt desereret : sed vt deseretur deseruit . Ad malum enim prior est voluntas eius , ad bonum vero prior est voluntas Creatoris .

Quarta conclusio . Licet in multis scire teneatur quis vbi committitur peccatum mortale : nullis tamen , tenetur scire , nec scire potest specialiter in omnibus difficultatibus , an ibi sit peccatum tale . prima pars patet ex prima par. cap. 4. & 5 : alias enim ignorans ignorabitur . secunda pars patet in multis materijs : vbi doctores contraria opinantur . Illud etiã sentire videtur Aug. 2. 1. de ciu. Dei cap. vltimo dicens . Quis iste sit modus , & quæ sint ipsa peccata , quæ ita impediunt perueniendæ ad regnũ : Dei vt tamen sanctorũ amicorum meritis impetrèt indulgentiam

tiam difficillimum est inuenire, periculosissimum est diffinire. Ego certe vsque ad hoc tempus, cum inde satagerem, ad eorum insataginem peruenire non potui. Fortassis & propterea latent, ne studium proficiendi ad omnia cauenda peccata pigrescat: quoniam si sciretur quæ vel qualia sint delicta, pro quibus etiam permanentibus, nec propectu vntæ melioris assumptis, intercessio sit inquirēda sanctorū & speranda: eis secura se obuoluerit humana segnitia, nec euolui talibus implicamentis illius virtutis expeditione curaret.

Quinta conclusio. Valde periculosum est diffinire aliquid esse peccatū mortale, nisi hoc cōstet multū euidenter. Patet hoc per præfatam Augustini auctoritatem; vbi dicit. Difficillimū est inuenire, periculosissimū diffinire. Vnde S. Tho. quodlibet, 8. q. 15. dicit. Omnis quæstio, in qua de peccato mortali quæritur, nisi expresse veritas habeatur, periculose determinatur: quia error, quo nō creditur esse peccatū mortale, quod peccatum mortale est, conscientiam non excusat à toto, sed forte à tanto: quod intellige, vt c. secundo dictum est, & parte prima cap. 4 & 5. Error vero, quo creditur mortale esse quod mortale non est, conscientiam ligat ad peccatum mortale. Præcipue vero periculosum est, vbi veritas est ambigua. Vnde Cancellarius de vita animæ dicit. Doctrina salubris est pro doctoribus theologiæ: vt non sint faciles asserere actiones aliquas, aut omissiones esse peccata mortalia præsertim sub verbo vniuersali; & cum prædicandum erit ad populum. A litterato, inquit, & experto viro accepi: perniciosum esse in omnia arte, vel doctrina assertionem audacem, & extremā, maxime vbi observatio communis omittitur, obuolatque. Itaq. debet quilibet nunquam obliuisci, quā incerta est scientia nostrasita vt idem homo sæpe breui momento temporis, nunc in hanc, nunc in oppositam feratur sententiā. Fit præterea quandoque, vt per tales assertiones publicas,

nimis duras, generales, & strictas: præsertim non  
 certissimas, nequaquam eruantur homines à luto  
 peccatorum: sed in illud profundius, quia despera-  
 tius immerguntur. Varij præterea casus sūt, & quasi  
 infinitæ circumstantiæ. Pro quarum diuersitate di-  
 uersificari debet iudicium: ita vt vix possit aliqua  
 in moribus regula tradi, quæ in particularibus casu-  
 bus exceptionem non admittat. Deniq. generantur  
 ex hinc scrupuli inquieti, conscientiarum simpli-  
 cium, vt in eis sit solidum nihil. Nam & si beatus  
 est vir, qui semper est pavidus, & qui veretur om-  
 nia opera sua: obseruandum tamen sumopere illud  
 Terentianum. Né quid nimis. Et vt idē loquitur, ne  
 in scirpo nodum quærat. Ne quoq. ei impropere-  
 tur illud eiusdem. Quid si cœlum ruat. Demum quoq.  
 quid prodest, immo quid non obest, coarctare plus  
 iusto mandatum Dei, quod est latum nimis. Quid  
 insuper expedit amarius, grauiusq. reddere illud iu-  
 gum Christi, quod suaue est, & onus eius leue. Nam  
 & si contemptus ex hac laxatione apud quosdam  
 improbos maior oriatur, habentes velamen malitiæ  
 libertatem. Sed apud alios bene institutos gratia-  
 rum resonabunt actiones: præstabitur etiam sedulius  
 obsequiū Domino & patri tantæ mansuetudinis: cu-  
 ius mandata graui non sunt. Et qui vult nos tenta-  
 ri & non grauari super illud, quod possumus. Sequi-  
 tur ex præmissis quod stulte quærunt, qui petunt  
 distinctionem, aut differentiam peccati mortalis à  
 veniali per regulam generalem, facientē particula-  
 riter & infallibiliter scire de quolibet actu, si est  
 mortalis aut venialis. patet ex præmissis. Et illud  
 sic ostendit Cancellarius vbi supra. Tales, inquit,  
 petunt, ac si quererent à medico doceri se vno ver-  
 bo regulas generales de omnibus morbis, & vele-  
 nis, & cibus, & vulneribus, quomodo, & quando  
 non mortem inferrent. Et certe ad singulares cir-  
 cunstancias. & particularia legis præcepta, diligens  
 nostra consideratio descendat oportet: quibus per-  
 pensis,



penfis, loquendum est, vt sapiens iudicabit. Idem cibi, exempli gratia, nonne quæso potest vni mortem certam, alteri leuem ægritudinem inducere. Vide quod venenum fortissimū mortis inductiuum ipsi compositores Thyriacæ ad mortis euasione[m] efficiunt. Porro diuersis hominibus; immo eidem homini varijs temporibus quis nesciat eundem cibum nunc salutiferum fieri, nunc mortem celeriter operari.

*Dat sex regulas vniuersales cognoscendum peccata mortalia. Cap. XXV.*

**S**ed quæreres. Quid igitur proderit doctrina vniuersalis super talibus cognoscendis. Respondetur, quod plurimum prodest per omnē modum. Nam regulæ generales fundamentaliter traditæ, dum ad particularia ventum est, ostendunt quid de singularibus iudicandum sit. Singulares quippe ad regulas illas vniuersales resolueret conuenit: quod facto veritas illucescit. Carens autem notitia huiusmodi regularem vniuersalium: quando precor poterit his resolutionibus. Vti? quomodo mensurabit ad regulam, qui regulam non habet? Proderit tamen non negamus circa species peccatorum, regulas apponere speciales: sed hoc alterius considerationis est. Nunc tamen super regulas vniuersales quasdam tactas præcedenti capitulo, & tertio decimo ac vigesimo primo: ponentur adhuc alie. 15. à Cancellario, & ab alijs Theologis notabilibus.

Est igitur secundum Cancellarium. Prima regula. quod nullum est peccatum mortale actuale, absque consensu libere rationis, vere, vel interpretatiue. Interpretatiuū autem consensum dicimus esse, dum Cōsen habuit ratio tempus deliberandi, & refugiendi ea, sus in-circa quæ vitanda peruigil esse tenebatur: qualiter terpre dicit Lex forensis: quod qui tacet consentire videtur, dum, scilicet, repugnare deberet. Consensus au-

tem solum in actum venialiter malum, est tantummodo venialis: loquendo de veniali ex genere suo, ut est verbum otiosum.

Secunda regula. Non quilibet tenetur scire de quolibet peccato mortali, an sit tale: licet expediat illud inquirere, & scire, iuxta vniuscuiusq. vires & statum: & plus ecclesiasticos, quam laicos. Et inter ecclesiasticos, prælati ex officio tenentur, quod sint parati omni poscenti reddere rationem de ea, quæ in eis, est fide & spe.

Tertia regula est, quod comparatio peccatorum ad inuicem, secundum grauitatem maiorem & minorem generaliter sumi nequit, nisi compararentur in genere suo, & cæteris paribus. Quoniam secundum alias circumstantias particulares se habent plurimum, ut excedentia & excessu.

Quarta regula. Quantificatio peccatorum à posteriori, sumitur à peccata: licet non sufficienter usquequaq; & à priori penes genus obiecti & intentionem finis: & libidinem, seu conatum voluntatis maiorem vel minorem, & causam motiuam, tempus & locum, & penes damna inde sequentia, quæ peccans præuidebat aut præuidere tenebatur.

Quinta regula. Bonitas moralis sumitur ex obiecto, sed totalis bonitas moralis specialiter dependet ex circumstantiis finis: & aliorum simul adunatis. Malitiam vero ex vnius aliarum circumstantiarum carentia ponimus resultare. Cæterum bonitatem gratuitam & meritoriam, gratia gratum faciens operatur.

Sexta regula. Omnis actus, cuius finis intentus est peccatum mortale, mortalis est, siue intendatur actio, siue habitus: quod scitur, si operans interrogatus, cur hoc facis? & aduertens tandem respõdebit, ad hunc finem feci.

Septima regula. Actus, qui aliunde esset mortalis. & fit propter finem venialem: videtur esse solus venialis, nisi forte præstitatur finis ille, ut vltimus



mus & quietans: & non solum vt incidens, & minus principalis actu vel habitu.

Octaua regula. Nullum etiam desiderium rei illicitæ factum tantummodo sub conditione, actualiter vel habitualiter adhibita est de per se mortale delictum: de per accidens tamen propter appetitus sensualis cōmotionem nimiam, qua scienter dimittitur inualescere, ex talis desiderij continuatione libera: potest ipsum inter mortalia deputari.

Nona regula. Siquis mouetur occasionaliter solū ex peccato mortali ad aliquem actum faciendum, non oportet illum actum esse peccatum mortale. Secus si causa principalis huius actus esset peccatū mortale.

Decima regula. Exponere se periculo peccati mortalis est mortale peccatum: vel sic, agere incertum & dimittere certū in materia morali est peccatum mortale: si tale sit incertum, quod sit mortale, non solum per coniecturas leues, at ex suspitione trepida, & scrupulosa, proueniente ex nimio timore cadendi in via Dei. Sed intelligitur dum tale est vehementer, & probabiliter incertum, & que sicut oppositum vel magis: tunc enim illud, quod agitur non carebit mortali culpa: aliter non oportet, vt actum fuit supra capitulo. 11. & 13.

Vndecima regula. Omnis agens contra conscientiam ædificat ad gehennam, vel mortaliter, si conscientiam sit fixa, quod id, quod agitur, sit mortale, vel venialiter solum, quantum est ex parte vniuscirculantiz, que est facere contra conscientia: si conscientia, videlicet, solum illud esset veniale.

Duodecima regula. Nullus est actus adeo mortalis, quin ipse vel sibi similis sit non mortalis: si displicet, vel si nō non placet cōsensu perfecto & deliberato. Similiter nullū peccatum est adeo veniale, quin ipsū vel sibi simile fiat mortale, dū placet: hoc est dum consensus additur: si tamen illud veniale erat actus mortalis ex genere suo: & ex eo, quod

non

non fiebat ex consensu libero & perfecto venialis reddebatur.

Tertiadecima regula. Multa ex genere mortalia sunt, quorum similia possunt effici bona dum trahuntur extra rationem suam: quemadmodum dolere deliberate de bono alterius, est mortale delictum. Si vero hoc fiat pro zelo iustitiæ boni communis, cui contrarium est male bonum, iste dolor virtus erit. Plerumque etiam multa ex genere bona esset, quæ ex aliqua circumstantia peruersa fiunt mala, & speciem mortalem imitantia. Nihil est adeo consilium in lege Evangelica, quin in casu possit obligatorium esse: & ita quilibet vtens ratione, tenetur secundum præparationem animi ad quodlibet consilium, vt puta martyrium vel dimissionem omnium suorum & similium, si ibi necessitas immineret hoc agendi. Obligat insuper quodlibet consiliū, vt non contemnetur, tamquam non sit salubrior seruatio eius quam oppositi. Et tamen nullus ita consilij seruandis astringitur, quin ab eo aut possit, aut debeat in casu eorum obseruatio verbali: quandoque prætermitti, vt de nō habendo duas tunicas: & de præbendo pallio tunicam auferenti, & similibus.

Quintadecima regula. Quia ars non deliberat, si ex virtute agit aliquis quandoque quasi subit, sit ex peruersa assuefactione vitiosus: quasi repente præcipiatur. Et ita male habituatus in vitijs, vt iniurando, concupiscendo, odiendo, iniudicando, & similibus, ferè demeretur continue, sicut virtuoso continuo merces accrescit, vt verū sit, qui in sordibus est sordescat adhuc: & iustus iustitiam faciat adhuc.

Decimaseptima regula. Est de permissionibus peccatorū, & relaxatione poenarū, videlicet, quod penę sunt restringenda, sic quod absq. vtilitate reipub. vel eius, cui infliguntur, nec institui, nec institutę exequi deberent: & peccant oppositum facientes, vel eas cum instituerint non tollentes. In omni republica tollerari possunt, aut debent vitia, quę

quæ absque deteriori periculo, neque corrigi neque extirpari valerent. Quando autem illud est, & quando non, difficile est: & sæpe impossibile generaliter diffinire: nisi prout circumstantijs particularibus inspectis, prælati superiores & sapientiores determinabunt. exemplum est de meretricibus, vultis, & similibus, quæ quandoque permittuntur: & ita de concubinarijs pro loco, & tempore starete esse faciendum.

*Docet quando aliquid sit peccatum in regulis religioforum, & in alijs statutis humanis: & quid sit contemptus. Cap. XXVI.*

**S**Vnt etiam aliæ regulæ de quibusdam peccatis, quæ contingere possunt circa varios actus, videlicet, de scandalo: ignorantia, & contemptu: de quibus sit hæc prima regula.

Nullus agens bene secundum omnes circumstantias, dici debet dare scandalum alteri, quantum regulæque scandalizetur alius. Scandalum est dictum, la vel factum minus rectum, præbens alteri occasionem ruinæ. Nam in via omnino recta si quis ceciderit, non ex scandalo viæ, sed ex proprio defectu provenit. Solus autem ille scandalizat actiue: qui aduertens, vel advertere debens, alios proniores esse ad peccandum ex modo suo agendi, quod sibi non est in præcepto, nihilominus ipse operari non desistit. Secus in casibus hic exclusis, ubi malitia propria est scandalum gratis acceptum. Vbi præterea non est aduertentia, nec esse debet de scandalo alterius, & ubi quis ad illud operandum teneretur. Dicitur vero ille ex malitia sua peccare, & scandalum accipere non ex actu alterius: qui informatus sufficienter de bonitate huiusmodi actus nihilominus in ruinam vult cadere; ut si ex voto religionis emissio: parentes post sufficientem de religionis perfectione

ne

ne informationem, se scandalizari conquerantur. Scâdalum est huiusmodi non pusillorum, sed phariseorum, acceptum, scilicet, & non datum. Vnde quilibet ab omni actu, cui non est constrictus aliunde, tenetur desistere, quâdo timet vel timere debet secundum vehementem coniecturam scandalum pusillorum: quousque de isto compescendo diligentia compleuerit; nisi forte pro communi vtilitate, vntio Spiritus sancti doceat illud tunc agendum, ve Christus fecit in publicatione veritatis.

**Secunda regula.** Secunda regula est de ignorantia. Ignorantia iuris diuini, si sit culpabilis, non cadit in facientem illud, quod in se est; quia scilicet talem hominē in necessarijs ad salutem quæ vires suas excedūt, docere immediate paratus est Deus. Ita etiâ ignorantia inuincibilis excusat in eis; præsertim quæ sunt facti non autem crassa, vel supina, quæ prouenit ex negligentia sciendi, & faciendi quod in se est. Dicitur autē inuincibilis, non quin vinci nō possit, aut quod necesse sit ex ea tunc operari; sed quia operans sufficienter secundum casus euentum, diligentiam apposuit sciendi illud quod nescit. De ignorantia vero iuris humani sufficienter promulgati tenendum est; quod nō liberat subditos à poena in foro exteriori; licet quo ad Deum frequēter excuset à culpa quosdam ignorantes. Insuper sciendū quod dans operam rei illicitę ad se nō spectanti nō excusatur per ignorantiam de peccato sequenti, præsertim quo ad poenas in foro exteriori de rigore soluendas; sed apud Deum non imputatur ad nouum, vel ad maius peccatum, sicut interfectio hominis per ebriū non vten tem ratione, non habet culpam maiorem, quam fuerit talis ebrietas. De adorâte vero adoratione Deo debita absolute idolum; vel diabolo transfigurantem se in angelum lucis, seu Christi: dicendum quod talis à mortali crimine nequaquam excusatur; nec hic ignorantia inuincibilis locum habet, sed probandi sunt spiritus si ex Deo sunt. Secus si sub conditione:

im-

implicita, vel explicita hæc adoratio fieret, vbi probabilis coniectura de sic agendo cōtingeret: quemadmodum hostiam non cōsecratam; immo lapidem hostiæ similem casus aliquis licite faceret adorare.

Est de contemptu hæc, videlicet, contemnens aut etioritate superioris, non ex passione: vel fragilitate vel ignorantia: sed ex contemptu qui est principalis causa, aut finis transgressionis suæ; reus peccati mortalis existit, vt dum quis dicit superiori in eo, quod superior; ego in despectum vestri hoc agam, quod inhibetis alias non acturus. Pro cuius verbi intellectu notat Antifi. in summa, quod contemptus tribus modis fieri potest. Vno modo est appreciari rem minus iusto. Alio modo est rem negligere, & de ea non curare: vt cum peccans habet circumstantias retrahentes, sed eas non curat aduertere. claudit quoque oculos quodammodo, & vertit tergum ad eas. Tertio modo est irasci rei tam vili, & eam aspernari. Primum est malum; secundum est peius, tertium pessimum. Dicamus igitur, quod in omni peccato etiam veniali committitur contemptus Dei. Primo modo vere, vel interpretatiue. Secundus contemptus interuenire potest tam in mortali quàm in solo veniali. Tertius cōtemptus contra Deum præcipientem, & contra prælatum suum in quantum prælatus est; non videtur nunquam fieri cum deliberatione completa, absque peccato mortali, & hoc vocatur proprie contemptus. Diligenter tamen aduertendum; quod refert plurimum, dicere aliquid fieri ex contemptu, & aliquid esse cum contemptu; sicut refert aliquid fieri ignoranter, & aliquid ex ignorantia. Dicitur quippe aliquid fieri ex contemptu; quando contemptus est principalis causa talis actionis; sic quod illo nõ existente non fieret actio. Ita quis operatur ex ignorantia; quando ista non existente, nullo modo fieret id, quod fit. Prouenit autem actus nonnumquam, cum contemptu vere vel interpretatiue, non tam en

Tertia  
regula

ex

ex contemptu; quia contemptus non est in causa; sed vel infirmitas, aut debilitas, aut ignorantia, aut affectio aliqua vitiosa & libidinosa dominatur. sicut peccat aliquis quâdoque ignoranter, ita tamen quod non minus operaretur, quod operatur, si illud cognosceret; ideo palam est ignorantiam tunc non esse causam agentem, sed circumstantem. Ex his omnibus patet quod non videtur regula generalis posse sumi de distinctione inter mortale peccatum hoc, quod est esse vel non esse ex contemptu; quoniam si capiatur contemptus primo modo, non est necesse omnem actum factum ex contemptu esse mortale: dum, scilicet Deus, siue prælatus appreciatur minus iusto solum venialiter: & ex contemptu tali mentitur aliquis, aut ociose iocatur; aut lente resistit primis moribus. Similiter ex secundo contemptu potest euenire, quamvis non ita leniter, nec frequenter, sed actus si prouenit deliberate, ex deliberatione completa ex tertio contemptu semper est mortalis. Hoc enim fit quando peccans attendit ad præcipientem, & ad præceptum eius licitum siue sit Deus, aut prælatus: & propter vilipensionem, aut aspernationem præcipientis, suiq. præcepti affert effrenate ad talem actum faciendi, vel omittendum: alioquin non facturus, vel non omisurus: hoc proprie est agere ex contemptu, tamquâ si dicat aliquis: ego in despectum vestrum: & quia sic præcipitis, agam oppositum: non tamen omne peccatum mortale tali vestitur circumstantia. Aegidius vero quod li. 6. q. 11 ubi quærit. An religiosus frangens silentium, agat contra constitutiones, peccet mortaliter; distinguit di. Ex contemptu peccat quis dupliciter. Primo, si hoc ipso, quia hoc religioso præcipi potest, ipse vult contrarium facere: ubi maxime apparet contemptus; sicut diceretur aliquis in contemptum & despectum facere contra aliquem; quando videretur facere ea, quæ sibi sunt contraria. Secundo dicitur facere in contemptum religionis,

nis, quando non tenet se ad finem religionis: & religionem nō reueretur, nisi quantum timet, vel propter aliam causam, cuius ratione nihil curat obseruare de statutis religionis: sicut dicimus quod aliquis cognoscēs vxorem suam peccat mortaliter, si cognoscat eam, non quia vxor est, sed quia fœmina. Ille autem cognoscit vxorem suam, vt vxor: est quādo nullo modo alij se vellet contingere. Ille autem vt fœminam, qui coniungit se ei, non habens differentiam cui se coniungat, an vxori, vel alteri. Sic & multi in religione viuunt: quia non possunt, vel quia verecundantur aliter viuere: & si possent sine verecundia: libenter colla ab onere religionis excuderent. Tales vt plurimum, manente tali voluntate, reuerentiam, ad religionem nō habent. Vnde tales pręuaricantur religionis statuta ex contemptu: quia religionem contemnentes, nihil curant de religione obseruare, nisi quatenus possent in religione tollerari. Si ergo sit frangitur silentiū, quod frangens in pullo frenum religionis habens libenter in alijs contraireret: sicut coniugatus in nullo frenum coniugij habens: libenter alijs coniugijs commisceretur: potest esse peccatum mortale. Sed si quis ex societate, vel aliter sine religionis contemptu frangat silentium: vel sit pręuaricator eorum, quæ secundum se non sunt mala; sed sunt in religione vetita solum propter obligationem ad poenam, & non ad culpam, non dicimus quod mortaliter peccet. hæc Aegydius. Satis cōcordare videtur Cancellarius vbi supra, vbi sic dicit. Si religiosus contempserit regulam suam & sui superioris auctoritatem. etiam in ijs, quę appellamus admonitiones, seu monitoria, seu ordinationes: & pro quibus sola disciplina ordinis statuta, aut superioris est arbitrio derelicta, ille peccat grauiter: quia & monitū contemnit & remedium: vt Ber. in de pręcepto. ait. Itaq; passim & absque prætensio qualislibet ignorantia, vel fragilitatis velo: sed sola libidine transgre-



grediendi quæ monita sunt religionis, effrenus est ad omnia velut vnus ex secularibus palam est, quod contemnit: præsertim si super his ipse addiderit pertinaciam, quæ recusat disciplinam. Sit accipiens reor illud beati Bernar. & aliorum communiter dicentium: talia esse criminalia, si contemnentur: vel si fiat ex cōtemptu. Carent autem hoc contemptu, qui ex fragilitate humana, vel quandam leui curialitate frangunt silentium, aut alia agunt opposita ijs, quæ monita sunt, vel secundum Bernar. factiua præcipue: quia parati sunt ad disciplinam ordinis, dum illa iuste requiritur ab eis conformiter ad regularem institutionem, & consuetudinem bonam in talibus obseruatam.

*Docet quando præceptum diuinum si obligans ad mortale peccatum, & quando non: & quam latum sit medium virtutis secundum virtutem Epikæ. Cap. XXVII.*

**A**D maiorem autem declarationem, quæ sine præcepta ad mortale obligantia: & quæ solū ad veniale: pro finali conclusionem huius tractatus: notandum est secundum prædictum Cacellarium: quod quia Dei mandatum est latum nimis secundū psal. Ideo in præceptis quibuscumque, attēditur quadruplex latitudo, videlicet, magna, parua, minor, minima.

Magna inquam parua secundum quas mortaliter & venialiter peccare possumus. Minor vero, vbi aliquid est consilium solum. Sed minima vbi iam est consummata iustitia, quæ solum, habetur in patria. De qua Augu. dicit: quod præceptum de dilectione dei ex toto corde solum in patria perfecte & proprie impletur.

Magna igitur latitudo est, infra quam consistit iustitia: qualem à nobis requirit deus, sub poena incur-

incurrendi odium suum cum reatu mortis æternæ. Extra hanc latitudinem nō stat rectitudo, quam qui transiit, & egreditur agendo, vel omittendo, ipse in-  
 tortuositatem peccati mortalis semper labitur.

Hæc latitudo magna, est medium virtutis, quale posuit Aristot. esse indiuisibile, tamquam signum ad sagittam. Conformiter ad hoc loquitur Oratius. Est modus in rebus, sunt certi denique fines. Quos ultra citraque, nequit consistere rectum.

Alia latitudo strictior, & parua est, infra cuius limites consistit iustitia, seu rectitudo: qualitate à nobis requirit Deus mediate, vel immediate, si volumus vitare, non tantum odium suum cum reatu poenæ æternæ secundū legem, sed etiam offensam eius quamlibet, aut non retardari à vita æterna, aut corporaliter non puniri. Exorbitatio ab hac latitudine, constituit aliquando tantummodo peccatum veniale, dum, videlicet, deuiatio non est tanta, quod exeat primam latitudinem: nec ita parua quod maneat infra secundam. Certum enim est quod in pueris & infirmis, & alijs non habentibus plenitudinem vsus rationis sæpe venialia sunt, quæ apud viros grandiores merita criminalia dicuntur. Sicut etiam quædam ex genere mortalia sunt venialia in alijs hominibus ex defectu plenæ deliberationis, & consensus, vt sunt cogitationes illecebrosæ, non morosæ. Exemplum de latitudine præfata duplici in præceptis. Sit enim illud præceptum. honora Deū, & parentes. Potest aliquis non honorare parentes multipliciter. Vno modo, quia pro tempore, & loco, quibus honorandi sunt: ipse dum cogitat de eis, spernit eos consensu pleno & deliberato, aut scienter cum deliberatione perfecta: ista tunc omittit, quæ ad honorem debitum pertinent. Erit enim hæc latitudo præcepti sic explicabilis. Honora Deum, & parentes loco, & tempore, quibus cogitabis de eis: sic quod consensu perfecto, & deliberato eos, nec malignanter in honores, nec honore suo volun-

tarie scienter, atque notabiliter in honores. Quisquis exierit hoc medium virtutis, eamq; latitudinem; ille profecto tenebitur reus deuiationis tortuosæ, & criminalis. At vero quia contingit aliter in honorare Deū, & parentes. Erit rursus alia latitudo præcepti sumpta per Epikeyam ex alijs circumstantijs. Potest itaque inhonoratio talis contingere, quæ non erit notabilis malitiæ in genere suo: vt leuis gustus, aut risus, aut verbum ociosum, aut minus sobrium in præsentia sanctorum, Dei, aut parentum suorum, etiam cum deliberatione. Et dum actualis ad ista habetur consideratio: potest nihilominus inhonoratio reperiri, quæ licet ex se sit notabilis, caret tamen consensu pleno moroso, & deliberato: ob ætatem, infirmitatem, ignorantiam, surreptionem: non facientes primam inhonationem: dum tamen absque scandalo fiat aliorum, quis auderet culpæ mortalis arguere? Secundam similiter nullus, opinor, mortalem accusabit: ita in omni ferè præcepto reperire est. Ex hinc etiam elicitur euidentis necessitas virtutis illius; quam Aristot. Epikeyam appellat. Cuius est considerare ne dum præceptum de se. sed circumstantias omnes particulariter ipsum vestientes: de quo dictum est cap. 19 supra. Ex his consequenter habentur modi concordandi rigorem iustitiæ, atq; seueritatem disciplinæ cum lenitate misericordiæ & fauorabilis indulgentiæ, imo necesse est, vt in omni actu nostro, vt alterutrum cantemus Deo misericordiam & iudicium. Alioquin iustitia in iniquitatem, & seueritas in crudelitatem conuerteretur. Quemadmodum si quis paruulum filium suum damnare vellet ad carcerem, quia paruulus ra motus matrem percussit. Ita de ebrio, fatuo, aut inaduertente, quis non cognoscit hanc poenam esse iniustissimam, quam in alium grandævum, sobrium & deliberatum liceret inferre. Quare concluditur, quod præceptū si sub prima latitudine explicata cogitetur, aliter obligat quam sub secunda.

Pri-

Prima latitudo proprie vocatur præceptum. Secunda vero latitudo, vocatur mandatum, statutum, ordinatio, vel magis apte vocatur monitio, quod sonat, ut ratio sit peruigil: ut nec venialibus deturpetur. Sic etiam patet, quod est quædam lex inter præceptum & consilium: quæ lex plus ligat quam consilium: & minus quam præceptum, tanquam si diceremus in omni policia illam legem dumtaxat esse præceptum, cuius transgressio secundum omnes circumstantias pensatas, extremo mortis supplicio plectenda censetur. Illi vero legi monitionis nomen appropriate dicemus, cuius transgressio circumstantijs omnibus ponderatis, veniam habet, aut temporalem solam punitionem demeretur.

*Simile docet de Votis, Iuramentis & præcepti communibus. Cap. XXVIII.*

**S**equitur ex præhabitis hæc prima regula generalis. Sicut in præceptis, ita in votis saltem communibus: & in iuramentis, ac in obedientia, duplex illa latitudo prædicta, intelligenda est sic: quod omnis voti communis, aut iuramenti, vel alia transgressio est peccatum mortale. Iuramentum enim & vota talia ita numquā proferuntur absolute, quin interpretationes, conditiones, glosas, aut civiles intelligentias suscipiant: ut sapiens Epikes iudicabit: hoc enim iam supra probatum est cap. 19. Ad idem sunt plura iura, ad idē est ratio ex sacra Scriptura sumpta. Cum enim finis omnis legis sit Charitas secundum Apostolum. 1. Thi. 1. Cum præterea religiones, & auctoritates prælatorum datæ sint ad ædificationem corporis Christi mystici, non ad subuersionem, & illaqueationem fidelium se eis submittentium: quis auderet dicere, aut cogitare quod sancti viri, sancto spiritu pleni supra iugum Christi suæ: & facilitatem legis suæ, adijcere voluerint onus  
L 2 grande

grande, tot & talium constitutionum sub obligatione pari ad præcepta pure diuina : hoc est sub reatu, & poena damnationis æternæ ? Dictum est autem in votis cōmunis notanter, quia secus est de particulis votis: quia vota in communitatibus interpretanda sunt magis ad intentionem communem, quæ illic habetur, aut haberi debet : quam ad particularem intentionē vouentis. Vouens autem particulare in re propria, sicut est actor voti: ita est suus interpretator ex intentione propria : quamuis intentio si sit palam erronea, aut stulta, peccet: certe nec ad voti ligat impletionem, immo quod superiori auctoritati semper referuetur : habet vniuersalis usus ecclesiæ.

Secunda regula generalis. Sicut non omnis profitens Euangelicam regulam, vel legem, & ad obseruationem sui se obligans quod fit in baptismo, peccet mortaliter in omni transgressionē, cuiuscūque in eadem lege contenti: sic nec omnis profitens alicuius religionis regulam, vel iurās statuta alicuius communitatis peccat mortaliter, in omni transgressionē, sicut in veteri lege, sic & in noua sunt multæ traditiones, quæ quandoque præcepta, quandoque mandata, quandoque institutiones, quædoque leges diuine nominantur. Quarum tamen aliquæ sunt præcepta stricto nomine, aliæ monitiones, immo aliæ consilia solum; & aliæ iustitia consummata: eodem modo est in regulis, & statutis religionum.

Est igitur tertia regula consolatoria hæc : quod institutiones humanæ non debent tales interpretationes aspernari, quales iuramenta, & vota, secundum concordem doctorum sententiam recipiunt etiam dum proferuntur absolute. Alioquin enim in laqueum, & magnum saluris dispendium verterentur. Sed argueres sic. Omnis violans iuramentum aut votum peccat mortaliter; quia periurū est mortiferum. Sed Ioannes monachus iurat omnia seruare, quæ sunt in regula; non enim fecit exceptionem; ergo

ergo in omni trāſgreſſione huiusmodi voti & iuramenti, & obedientiæ: peccat mortaliter. Reſpondetur cōcedendo maiore, & negando minorem, videlicet, quod iuramētum, votū cadat iſto modo ſuper omnia, quæ in regula continentur. Sed quæreres ſuper quæ cadūt, & ſuper quæ non Accipe de hoc regulā gēneralem hāc. quod ſuper ſola præcepta propriè dicta, hoc eſt ſecundū primam latitudinē conſiderata cadit hoc modo votum, & iuramentū profitentis regulā: & quicquid regulę verba ſonant; tamen interpretatiō talis habēda eſt; tum per rectam rationē, tum per ſuperioris diſcretionē; tum deniq; per legem, quę maior eſt; legē inquam diuinā & charitatis. Sed diceres multi ſimplices, immo & litterati fortaſſis, purā ſe vouiſſe, vel iuraſſe regulam aut ſtatuta ſeruare; & omnia, quæ illic ſcripta ſunt, ſine omni conditione, aut exceptione. Reſpōdetur; ſi humiles ſunt, ſicut eſſe debent, vel ita adherent ſenſui ſuo, quin explicite vel implicite, actu vel habitu, præſtati ſint ſtare in talibus ad interpretatiōnē, & iudiciū prudentiorū. Ita dicimus de omnibus ſtatutis collegiorū, vniuerſitatum, & capitulorum; cum dicitur alicui. Tu iuras ſeruare inuiolabiliter omnia ſtatuta, iura, priuilegia, libertates, cōſuetudines laudabiles; nec iſſis quomodolibet cōtraire, clam, vel occulte, directe vel indirecte; & obedies tali, vel tali ſuperiori tuo in omnibus licitis & honeſtis. De hinc particularia talia iuramenta interpretanda ſunt ciuilitè; aut in illis modo ſupradicto, ſtatuen- da eſt latitudo magna, ſeu interpretatiō Epikeiæ. Eſt autem interpretatiō hęc, vel ſimilis; quod iurās ſeruabit ea ſicut à legiſlatoribus ordinata ſunt, aut ordinari debuerunt; vtpote præcepta propriè dicta; vt præcepta; monitiones, concilia ſicut concilia; quod in ſuper obediat in omnibus licitis, & honeſtis ſuperiori ſuo; verbi gratia; ſit ille rector, obediat inquam in eis, quæ ad officiū rectoris ſpectant; & quæ pro vtilitate manifeſta politiæ, cui præeſt ſi-

bi, pręcepit secundum institutiones, & consuetudines laudabiles eiusdem policiz. Et nisi valeat legitima excusatione, vel exceptione se tueri, vt, quia plus alijs gratis oneratur: vt quia ab alijs vrgentioribus impeditur, quod si non possit ita iurans docere sufficienter de impedimento legitimo; ille quidem punietur per rectorem ciuilitur pro inobedientia. Certum; Deus, qui cor intuetur, eundem liberabit. Et sic de regulis generalibus peccatorum pro conscientiz directorio dixisse sufficiat.

Nam de specialibus videantur summę doctorum, & tractatus modernorum. Specialia tamen peccata in multis cognosci possunt, si regulę prefatę vniuersales, vt oportet, applicentur casibus particularibus. Et de hoc vide tractatum, quem collegi de lepra animę.

*Docet quomodo in opinionibus de fide, doctoribus contraria tenentibus, scrupulosus se tute habere valeat. Cap. XXIX.*

**P**Enultimo nunc queritur. Vtrum doctoribus in materia fidei contrariantibus, quis possit sequi vnā opinionem, sine periculo peccati mortalis: si cut multi dicūt in casu simili de moralibus. Responderetur quod Beatus Augustinus lib. 2. de prędestinatione sanctorum. dicit. Interest in quantis, & in quibus rebus erretur, & quam facile se quisquis corrigat, vel quanta pertinacia suum defendere conetur errorem: ideo multiplici distinctione in his vtendum est, & similibus. Vna de materia, circa quam doctores variantur in opinionibus: alia de ipsis doctoribus. Tertia de ipsis auditoribus. Quarta de modo adhzrendi opinionibus ipsis, aut suorum auctoribus. Quinta de efficacia motiuorum in auctoritate doctorum, ratione, & argumentis.

Quo ad primum. Notandum quod materię, circa quas



quas variantur doctorum opiniones, vel pertinent ad fidem, vel bonos mores, aut non; sed pertinent, seu sunt circa materiam artium facultatem, puta, grammaticæ, logicæ, philosophiæ, medicinæ, metaphysiæ, &c. Si primo modo adhuc distinguendum est: quia ea, quæ ad fidem pertinent, aut expresse, aut manifeste habentur in sacra scriptura, vel ex auctoritate ecclesiæ manifeste fidelibus tamquam credenda sunt exposita. Aut talia, quorum nec testimonium manifestum sacræ Scripturæ habetur, nec expressa ecclesiæ vniuersalis doctrina de eis aliquid explicite docet, quamquam includantur in eis, quorū explicita fides necessaria est vniuersis fidelibus.

Si de primis fiat sermo, adhuc est distinguendum, ut ponit S. Tho. quæst. de ve. 9. videlicet, quod ad fidem aliquid pertinet dupliciter, vno modo directe, & principaliter; sicut sunt credibilia in articulo fidei explicita. Secundo modo indirecte & secundariæ, sicut sunt ea, quæ in diuina Scriptura sunt reuelata; sicut quod Abraham habuit duos filios.

Secunda principalis deinde distinctio est habenda doctorum: circa quos respicienda est qualitas, & quantitas discreta, scilicet qualitas inquam, utpote, qui pro vna parte sunt opinionis, aut sint litteris famosi, in facultate experti; & morum honestate, ac conscientia graues; ne sibi quærat aliquis ad sui appetitus siue erroris colorationem, prurientes auribus. De quibus prophetauit Apostolus. 2. Tim. 4. Erit quidem tempus cum sanam doctrinam non sustinebunt & cetera glo. qui ea doceant, quæ volūt. Tales enim querere veritatis sinceritatem, sed desiderare metis cecitatem & propriam affectionem. Quamobrem videndi sunt doctores hi potius, qui sanctorum doctrinis patrum inherent. Amplius secundum illud Eccles. 8. Ne despicias narrationem præbyterorum, idest doctrinam sapientium doctorum; & in prouerbijs eorum conuersare, idest secundum eorum doctrinam viuere. Ab ipsis enim di-

sces sapientiam, scilicet de diuinis; cuiusmodi sunt credibilia; & doctrina intellectus, videlicet, de moribus, quibus opera vestimenta sunt. Videnda insuper est doctorum quantitas discreta: quot videlicet sint doctores pro opinione vna, & quot pro alia: quia probabile est magis veritatem continere dictum multorum ceteris paribus, quam dictum vnus, vel paucorum. Ideo Ecclesi. 6. dicitur. In multitudine presbyterorum prudentium ita: & sapientia illorum ex corde coniungere.

Tertia distinctio est attendenda ex parte auditorum, siue opiniones prosequentium, quia quidam sunt simplices, qui non obligantur scire multa explicitate: quæ tenentur, alij quidam scire, quibus ex officio, vel aliunde, incumbit rationis vomere terram scindere sacra Scripturæ: quatenus inde simplices pasci possint. Illud Iob. 3. Boues arabant & asine pascebantur iuxta illos. Vnde etiam quibusdam magis incumbit studio intendere: & examen doctrinæ variarum opinionum audire, quam incumbat alijs, qui non ita dono maioris industriæ, & illuminationis intelligentiæ, vel altioris gradus dignitate in Dei Ecclesia sunt sublimati.

Quarta distinctio est capienda circa modum adherendi opinionibus, quia aliquis adhæret vni, aut pertinaciter, aut non, sed animo paratus est corrigi veritate sibi ostensa. De pertinaciter inhaerente, dicit August. & ponitur. 24. q. 3. cap. Qui in Ecclesia Christi morbidum aliquid prauumq. sapiunt, si correcti, & sanum rectumq. aliquid sapiant: resistunt nihilominus contumaciter, suaq. pestifera & mortifera dogmata emendare nolunt, sed defensare persistunt, hæretici sunt. De non pertinaciter adherentibus dicit idem Augustinus, & ponitur ibidem in capitulo, dicit Apostolus. Qui sententiam suam quamuis falsam, & peruersam, nulla pertinaci animositate defendunt, præsertim quam non audacia suæ præsumptionis pepererunt, sed à seductis in

erro-

errorem lapsis parentibus acceperunt: quærunt tanta solitudine veritatem, corrigi parati cum inuenerint: nequaquam sunt inter hæreticos computandi.

Quinta distinctio est accipienda ex parte rationum, & motiuorum diuersarum opinionum: Sunt enim à quibusdam, quibus hoc competit examinandæ rationes: & virtus est argumentorum pensanda: quia in rebus dubijs, non de facili est præstandus assensus; quinimmo, vt dicit Beatus Augustinus lib. 3. de doctrina Christiana. Consulere debet quis regulam fidei, quam de scripturarum planioribus locis, & ecclesiæ auctoritate percepit. Ideo Iob. 19. Causam, quam, nesciebam, diligentissime inuestigabam. Scriptura insuper dicit. Qui cito credit, leuis est corde, & Prouerbiorum. 24. Innocens. glo. idest stultus credit omni verbo. Beatus quoque Ambrosius libro de paradiso dicit. Nemo debet se alteri facile credere: nisi cuius virtutem probauerit. His præmissis distinctionibus ad quæsitum respondetur per quinque conclusiones.

Prima. In primis materijs ad fidem, & bonos mores non pertinentibus, sed ad facultates artium, vel naturalium, potest quis sequi absque periculo peccati, quantum est ex parte obiecti, seu materiæ, opinionem vnius, reiecta opinione alterius. patet, quia nullum periculum sequitur ibi: cum nec ad fidem, nec ad mores pertineant: secundum quorum habitus vel carentias solum peccatores, aut boni adeo iudicamur. Dicitur autem notanter quantum est ex parte materiæ opinionis, quia quantum est ex parte intencionis, quis ibi peccare posset, vel ex inordinationes affectus: vt si ex inuidia, odio, amore pretio, vel inordinata voluntate potius sequeretur vnā opinionem quam aliam.

Secunda conclusio. Circa ea, quæ sunt ad fidem pertinentia. primo modo nullus rationis capax excusatur à labe peccati, inhærendo alicui opinioni

nioni erroneæ, contra ea, videlicet, quæ directæ, & principaliter ad fidem pertinent: propter opinionem contrariam cuiuscumque magistri: quia tenetur ad credendum explicite quilibet fidelis talia. Cum Apostolus dicat ad Hebræos. 11. Sine fide impossibile est placere Deo. Alias, vt sanctus Tho. dicit. quodli. 3. ignorantia excusasset eos; qui secuti sunt errores Arrij, Nestorij, & similium. Nul- lus enim potest ab erroris vitio excusari, qui assen- tit opinioni alicuius magistri; vt ibi concludendo dicit sanctus Tho. contra manifestum scripturæ tes- timonium, siue etiam contra id, quod publice te- netur secundum Ecclesię auctoritatem: vbi currit illud Christi verbum Euangelij. Si cæcus cæco du- catum præstat, ambo in foueam cadunt.

Tertia conclusio. Quis potest opinari contrarium eorum, quæ pertinent ad fidem indirecte, & secun- darie absque periculo peccati, licet expressa con- trarium habeatur in textu veteris, aut noui Testa- menti: sicut, quod Dauid non fuerit filius Ysai, & similia. patet quia talia non tenetur quilibet expli- cite credere, sed solum implicite, vel in præparatio- ne animi, in quantum paratus est, & esse debet qui- libet credere quicquid in diuina Scriptura cõtine- tur; sed tunc solum homo tenetur huiusmodi ex- plicite credere, quando hoc ei constiterit in doctri- na fidei contineri, & interim quod non constat, nec scire obligatur; potest aliquis sine pertinacia ta- men contrariam opinionem tenere.

Quarta conclusio. Aliquis potest absque pericu- lo peccati tenere opinionem alicuius magistri etiam contrariam veritati fidei in ijs, quæ ad fidem perti- nent; secundo modo principalis distinctionis, scili- cet quorum veritas nec scripturæ testimonio, nec ecclesiæ vniuersalis determinatione habetur ex- pressa; dum tamen facta determinatione, absque præsumptionis cuiuscumque tumore illicito, intel- lectum suum humiliter determinationi vniuersalis eccle-

ecclesiæ. Patet, quia nullus peccat illo tempore non credendo id, quod non tenetur credere pro illo tempore; sed quæ expresse non continentur in sacra Scriptura, nec per ecclesiam sunt determinata, nec sunt alicui reuelata, neque ratione euidenti ostensa pertinere debere ad fidei veritatem, nullus tenetur credere explicitè; cum fides sit ex auditu. ad Rom. 4. ergo conclusio vera. Vnde & sanctus Tho. secunda secundæ. q. 2. artic. 6. dicit. quod si simplices in ijs, quæ ad fidei subtilitatem pertinet, non inueniantur pertinacius inhærere, si in talibus ex simplicitate deficient non eis imputatur. Circa maiores vero varie opinantes, quos interdum discipuli in varias opiniones partiti sequuntur. Dicit ibidem vnum notabile verbum. Cum inquit minores non habeant fidem implicitam in fide maiorum; nisi quatenus maiores adhærent doctrinæ diuinæ, secundum illud Apostoli primæ Corinth. 4. Imitatores mei estote, sicut & ego Christi. Cum humana cognitio non est regula fidei: sed veritas diuina; à qua si aliqui maiorum deficient, non præiudicat fidei simplicium; qui eos rectam fidem habere credunt; nisi pertinaciter eorum erroribus in particulari adhæreant contra vniuersalis ecclesiæ fidem, quæ non potest deficere. dicente Domino. Luc. 22. Ego pro te rogaui Petre, vt non deficiat fides tua. Hac ratione multi tenentes plura erronea ea rationum multitudine defendentes, quia tamen ecclesiæ vniuersalis determinationi colla submiserunt, & nihil contra fidem explicitam pertinaciter attentauerunt: idcirco hæretici non fuerunt; vt Abbas Ioachim, & multi alij.

Quinta conclusio, sequitur ex præmissis, quod stat aliquem circa ea, quæ sunt fidei errare, & tamen non peccare, sicut iam præostensum est supra secunda parte cap. 5.

*Docet quomodo tam in fide quàm in moribus diuersis diuersa sentientibus : scrupulosus tute ambulare possit . Et in sententia breuissime explicatur quis error excuset , & quis non .*  
*Cap. XXX.*

**V**ltimo quia supponitur in quæstione præcedentis capituli : quod de adhærendo vni opinioni : vbi doctores contrariantur in moralibus , sit sicut de credibilibus , quamquam supra sit expeditum factis capitulo vndecimo istius partis : tamen prænotatis distinctionibus præcedentis capituli : adhuc pro latiori declaratione . Notandū quod cum peccatū si exorbitatio à lege diuina , siue humana à diuina deriuata : B. Ambrosio dicente . Peccatum est præuaricatio legis diuinę , & inobedientia celestium mādatorū . Et secundū Aug. Est dictū factū , vel cōcupitū contra legem Dei . Idcirco necessaria est hic distinctio pariformis ei , quæ supra assignata fuit pertinentiū ad fidem , videlicet de pertinentibus ad legē Dei . Quoniam aliqua sunt expresse in lege Dei cōtenta , vt de non occidēdo , de non furādo , & similia , quę sunt omnibus cōmunia . Alia autem ad legē possunt pertinere , sicut conclusiones elicibiles ex contentis expresse in lege Dei : non tamen expresse seu clare legis , aut scripturę testimonio aut vniuersalis ecclesię vulgata determinatione patet ad legē Dei pertinere : sicut sunt multa , super quibus varię adhuc inter doctores currunt opiniones , sicut est materia de pluralitate beneficiorū , & materia cōtractū multorum . His præsuppositis , est prima conclusio : Nullus rationis cōpos absq. Dei offensā potest agere contra expresse in lege Dei posita : quantūcumq. currat super his opinio aduersarij : patet , quia male dicti , qui declinant à mandatis tuis . Et ex diffinitionibus peccati . Vnde S. Tho. quodli. I r. sic dicit . Faciens

Prima  
cōclu-  
sio.

ciens aliquid contra opiniones magistrorum: sic facit contra opinionem veram cum tunc faciat contra legem Dei, non excusatur à peccato: quamuis non faciat contra conscientiam: sic enim contra legem Dei facit. hæc ille. Quod intelligendum est, cum materia circa quam varietas magistrorum est, pertineat ad ea, quæ sunt lege diuina expressa: quorum quodlibet sicut & diuinam legem necessariam ad salutem tenetur scire, quilibet arbitrij vsu habens, nec aliquis homo ex horum ignorantia excusationem peccati habere potest, cum sit ignorantia iuris.

Secunda conclusio. Potest quis absque offensa Dei sine peccato facere contra ea, quæ sunt legis diuinæ, secundo modo, quæ sunt fidei explicitæ, sicut enim supra dictum est: non est eadem ratio de omnibus, quæ ad fidem pertinent: quædam enim sunt notiora alijs, ad hoc quod homines dirigantur in finem supernaturalem. Quædam etiam alijs sunt obscuriora: ita inter operabilia siue ad mores pertinentia est distinctio.

Non enim omnium est scire, quæ sunt peccata mortalia, & peccatorum species, & huiusmodi. Quædam etiam alijs sunt planiora, alijs etiam ad sciendum accommodata magisque disponentia ad compositionem morum, & directionem operum in finem supradictum: Vnde sanctus Tho in 4. distinct. 24. dicit. Sacerdotibus etiam curatis debet esse scientia: non quidem ut omnes difficiles questiones legis sciant: quia in his debet esse ad superiores recursus, sed sciant illa, quæ populus debet credere, & obseruare de lege. Sed ad superiores sacerdotes scilicet Episcopos pertinet, ut etiam ea, quæ difficultatem in lege facere possunt: sciant & tantomagis quanto in maiori gradu collocantur. Præterea ita prima conclusio, quam secunda expressa probantur auctoritate Leonis Papæ, de pes. dist. 13. dicentis: Sicut quædam sunt, quæ nulla possunt  
sunt



sunt ratione conuelli : ita multa sunt , quæ aut pro necessitate temporum, aut pro consideratione ætatum , oportet temporari : illa semper conditione seruata. vt in ijs, quæ vel dubia fuerint, aut obscura illud nouerimus sequendum, quod non est præceptis euangelicis contrarium, nec decretis sanctorum Patrum inueniatur aduersum. glo. super hoc: nulla possunt ratione conuelli : dicit , vt præcepta decalogi, & forma baptismi, & forma cōficiendi corpus Christi . Ex quibus omnibus patet quod argumentum ad probandam conclusionem: secundam potest formari & ordinari sicut formatum fuit argumentū probans quartam conclusionem præcedentis capituli . Et tamen sciendum quod vt præfata huius capituli secundam conclusio vniuersaliter sit vera præsuppositis supra in præcedēti capitulo distinctionibus notatis: duo requiruntur.

Primum est quo absq; dubitatione probabili, aut notabili de contrario , quis adhæreat præfate opinioni, ue discrimini, se exponat . De quo late dictū est supra cap. 15. cap. 5. & 13. & 11.

Secundum quod requiritur est, vt adhæreat præfate opinioni sine conscientia de opposito : vt late etiam tractatum est in secunda parte huius tractatus. Et de hac difficultate huius, videlicet capituli, latissime supra in multis locis diffuse diffinitum est. Sed oriuntur circa præmissa, dubia duo scrupulosa. Primum. si simplices non teneantur de necessitate omnia credibilia , explicite & distincte credere: tunc non qualibet tenetur errorem suum cōtrarium articulis fidei euitare: quia non tenetur oppositum illius cauere , cuius oppositum non tenetur agnoscere : & ita videtur quod posset aliquis licite in errorem repugnantem alicui articulo cadere : & eodem modo argueretur præcise , quod quis posset in actum peccati mortalis cadere sine peccato mortali : quia non tenetur simplex omnes differentias peccatorum mortalium , & præceptorum Dei , & eccle-

ecclesiæ scire explicitè. Respondetur secundum. S. Tho. & Sco. in. 3. distin. 25. negando consequentiam: quia non solum tenetur quilibet simplex cauere omnem errorem contrarium articulis numeratis: sed tenetur cauere omne, quod est contrarium veritati scripturæ, scilicet canoni bibliæ, quia nullus posset pertinaciter adherere contrariò alicuius veritatis in Biblia quin hereticus iudicaretur, & cum arguitur, non tenetur ad errorem cauendum: nisi teneatur ad credendum explicitè eius oppositum: dico quod consequentia non valet, sicut patet in moralibus alijs: quia quilibet tenetur cauere omne peccatum mortale: & tamen non tenetur scire & cognoscere in quo gradu superbia est peccatum mortale, vel gula, quia nec hoc sciunt multi experti in scientia: sed circa hoc sunt multæ altercationes. Secundum dubium est. Si sufficiat simplicibus habere fidem explicitam de aliquibus, & de aliquibus implicitam, tunc si iste, cui incumbit instruere simplices, predicaret aliquid oppositum fidei: posset simplex licite adhærere doctrinæ eius: credendo tanquàm verum aliquod falsum, & tunc simul esset fidelis, & infidelis. Fidelis, quia non tenetur actum explicatum habere de contrario articulo. Infidelis vero, quia credit aliquid esse verum: quod repugnat fidèi. Prefatum enim argumentum inducit quendam doctorem notabilem scribere, & concedere: quod quis simplex etiam posset martyrizari: quando ex ignorantia teneret erroneum articulum sibi à suo prælato hæretico prædicatum. Respondetur secundum. S. Thom. in. 3. distinctione 25. q. 2. & Sco. vbi supra: quod aliqua sunt, quæ communiter prædicantur in ecclesia: & talia sunt necessaria simpliciter ad explicitè credendum: scilicet quod Christus natus est ex Maria, virgine, quod fuit crucifixus pro redèptione humana. Sed si sit aliquid, quod credendum, est quod tamen non prædicatur communiter in ecclesia:

sed

sed proponitur specialiter in vno loco de nouo, non est necessariū simplici credere illud firmiter, illi tāquā vero adherendo: immo necessariū est magis illi non adherere, quousque sciat illud credi ab ecclesia tamquam verum. Verba sunt Sco. in 3. & S. Tho. vbi prius. Clarius sit dicit in 4. artic. Prælato contra fidem prædicanti non est assentiendum, quia in hoc discordat à prima regula. Nec per ignorantiam subditus excusatur à toto: quia habitus fidei facit inclinationem ad contrarium; cum vnctio necessario doceat de omnibus pertinentibus ad salutem. Io. 3. Vnde si homo non sit nimis facilis ad credendum omni spiritui, quando aliquid insolitum prædicatur, non assentiet, sed aliunde requiret: vel Deo se committere: in eius secreta, nō se supra suum modum ingerendo, Sed quæreret aliquis, homo simplex, qui ignorat differentias plures peccatorum, mortalium, vel articulos fidei, quæ sunt litterationibus nota: per quid cauebit iste simplex peccata quæ ignorat esse peccata mortalia, aut perfidiam, quam ignorat? Responder. S. Tho. quod talis aut est extra charitatem, aut in charitate. Si primum, & est fidelis: tunc fidei habitus eum à perfidia præseruare potest. Si vero est infidelis, non mirum si cæcus offendit, & vulneratur amplius. quia ignorans ignorabitur. Si vero est fidelis, & in charitate: tunc per habitum charitatis, & per alios habitus omnium virtutum moralium, & theologicalium infusorum inclinatur per inhabitantem, scilicet, vt caueat peccata mortalia: quia vnctio, scilicet spiritus sancti, docet de omnibus, vt habes supra. Si etiam esset fidelis extra charitatem existens, tunc quia habitibus gratuitis charitatis caret, nō ita præseruaretur, & peccata, in quæ incideret, essent poena peccati. A perfidia tamen propter habitum fidei, quem haberet, inclinaretur contra omnem articulum perfidum. Vnde dicit. S. Tho. in tertio. dist. 25. q. 2. arti. primo. Sicut habitus temperantiæ inclinatur ad res-

res-

resistendum luxuriæ: ita habitus fidei inclinatur ad resistendum omnibus, quæ sunt contra fidem. Unde in tempore quando emergit necessitas explicite cognoscendi, vel propter doctrinam contrariam, quæ imminet, vel propter motum dubium, quod insurgit, tunc homo fidelis ex illuminatione fidei, non consentit ijs, quæ sunt contra fidem, sed differt quousque plenius instruitur. Idem ostendit in prima parte. q. prima. artic. 6. quod qui est in gratia, charitatis habet ex consequenti septem dona Spiritus sancti, inter quæ, summum est sapientia, quam etiam habet minus in Charitate existens. Et ideo etiam potest iudicare talis per modum inclinationis habitus de necessarijs sibi ad salutem. Cum inquit iudicare ad sapientem pertineat; ideo secundum duplicem modum iudicandi, duplex scientia, reperitur. Contingit enim aliquem iudicare vno modo per modum inclinationis: sicut qui habet habitum virtutis: recte iudicat de ijs, quæ sunt virtute agenda, in quantum ad illa facienda inclinatur. Unde secundo ethicorum dicitur, quod virtuosus est regula, & mensura humanorum actuum. Alio modo per modum cognitionis sicut animus instructus in scientia morali, posset iudicare de actibus virtutis, etiam si habitum non haberet. Primus igitur modus iudicandi de rebus diuinis pertinet ad sapientiam, quæ ponitur donum Spiritus sancti. secundum illud. 2. Corin. 2. spiritualis homo iudicat omnia. Item Dionysius. 2. cap. de diu. nom. dicit. quod Ierotheus doctus erat, non solum sciens, sed etiam discens diuina. Secundus autem modus iudicandi pertinet ad doctrinam sacre Scripturæ, secundum quod per studium habetur licet eius principia ex reuelatione habeantur. hæc S. Tho.

*Sub diuersis diuisionibus determinat, de qualibet ignorantia, quando excuset, & quando non excuset peccatum. Cap. XXXI.*

**F**inaliter pro conclusione notandum summiopere: quæ ignorantia excuset à peccato, & quæ non: vel quæ augeat peccatum, & quæ minuat. Quia in istis scientia residet remediū principale ad subueniendum timorata conscientia. Omnis enim error ex ignorantia venit. Et quanquam supra parte secunda cap. 5. plura dicta sint de ignorantia: tamen sub compendio hæc eadem materia sumetur secundum distinctionem Vlrici de Argentina, antiqui illius nobilissimi doctoris.

Queritur igitur an ignorantia excuset peccatum: Respondetur distinguendo. Est enim quedam ignorantia vincibilis, quæ est in potestate, scilicet scientis & alio nomine dicitur affectata, & est multiplex, ut infra dicitur. Alia inuincibilis scilicet, quæ non est in potestate scientis: & est etiam multiplex: quia inuincibilis aut inest à natura, qualis naturaliter inest stultis, maniacis, & melancholicis: & hæc in se non est peccatum: & ex ea sequens excusat in toto. Alia in est ex accidente, ut ex infirmitate aut ebrietate. Si inest ex accidente, aut eam habens non dedit operam: ut quando aliquis non nouit virtutem vini, aut alterius opilatiui: & vniuersaliter quando ignorat sibi futurum tale accidens: tunc etiam hæc ignorantia non est peccatum, & in toto excusat sequens peccatum quamdiu manet tale accidens. Aut causa, scilicet ignorantiam ex accidente habens dedit operam: & si dedit operam, aut hoc factum est per rem licitam, sicut aliquis ex deuotione, vel alio exercitio spirituali incidit in insaniam, hæc etiam excusat à toto. Aut factum est per rem illicitam. Et hoc dupliciter adhuc: quia videlicet, aut dedit

dedit operam per rem illicitam, quæ fuit veniale peccatum: vt si aliquis per iram venialem incidere in freneſim, & hæc excuſat à toto: aut dedit operam per rem illicitam, quæ fuit peccatum mortale. & hæc ignorantia in ſe eſt peccatum: & non excuſat ſequens peccatum in toto: ſed ſecundum Philoſophum. 3. Ethicorum, talis meretur duplices maledictiones; tamen excuſat à tanto, quia licet inquantum peccatum eſt ſit voluntarium: & ideo illa ratione non excuſet, tamen inquantum eſt ex ignorantia cauſat quodammodo in voluntarium. Et ideo diminuit de ratione peccati: quia omne peccatum eſt voluntarium. Modo ſequitur primum membrum primæ diuiſionis, quia ſi ignorantia eſt vincibilis, aut eſt ignorantia iuris, aut facti. Ignorantia iuris dicitur à philoſopho, ignorantia vniuerſalis, quod in idem reddit; quia ius hic vocantur regulæ vniuerſales regentes vitam. Aut eſt ignorantia vincibilis facti, quæ à philoſophis, & à theologis vocatur ignorantia particularis, quod in idem reddit, quia factum vocatur aliquod particulare determinatum per aliquam circumſtantiã, quam contingit etiam ſapientem ignorare. Si ex ignorantia iuris; hoc fit adhuc dupliciter, quia aut eſt iuris vniuerſalis quod omnibus imponitur ad ſciendum & tenendum; & huiusmodi ignorantia craſſa eſt, & ſupina, & hæc non excuſat; immo eſt peccatum ſpeciale ſecundum Auguſtinum. Si eſt voluntaria, aut eſt particularis, ſeu iuris particularis quod non ſcitur niſi per ſtudium, & hæc excuſat à tanto, & à toto ſi ſit caſus multum difficilis. Si autem eſt ignorantia facti, hoc fit etiam dupliciter. Aut enim ipſa eſt cauſa actus, quia ſi non ignoraret, non faceret, & huius ſignum eſt poenitudo in actu; & hæc ſimiliter cauſat inuoluntarium, & ideo excuſat in toto: vt patet in Iacob & Lia. Aut non eſt cauſa actus, ſed per accidens ſe habet ad actum; quia idem faceret, etiam ſi non ignoraret; & talis non poenitet



ter in actu; ut si aliquis credens accedere ad vnam mulierem, accedit ad aliam, ad quam non debet; talis non dicitur per ignorantiam facere, sed ignorans, & talis ignorantia, nec diminuit peccatum, nec augeat. Alia est autem ignorantia, quæ consequitur effectum peccati, ut quando concupiscentia peccati, quam voluntas non deprimit, absorbet iudicium rationis in particulari operabili; sicut impedit ira animum, ne possit cernere verum; ut dicitur in 6. Ethicorum, quod delectatio corrumpit æstimationem prudentiæ; & hæc est ignorantia electionis, secundum quam omnis malus dicitur ignorans; & hæc sequitur effectum peccati, & ideo non minuit rationem voluntarij; immo voluntas ipsam præcedit. Et ideo nullo modo diminuit peccatum, quia nulla alia ratione ignorantia excusat, nec minuit peccatum, nisi in quantum causat aliquo modo inuoluntarium. Hæc ille, scilicet Vlricus de Argentina.

## F I N I S.

*Tantum de Consolatione timorata conscientie dixisse sufficiat. A cuiusmodi compilatione si quisque quod suum est recipere velit: nihil aut modicum auctori manebit.*

1.002.633



# INDEX CAPITVM

## PRIMÆ PARTIS.

**Q**UOD consciētia primo modo capitur  
prospe: & ponuntur septem fructus  
bonæ consciētiæ. Cap. **I.** pag. **1**  
Quod mala consciētia eam habenti  
septem mala ingerit. Cap. **II.** **4**

Quod septem reperiuntur differentes cōsciētiæ. C. **III.** **6**

Quod consciētia bona regenda est ad similitudinem  
domus materialis. Cap. **IV.** **11**

Quod consciētia bona non debet semper sufficere eam  
habenti, sed multum laborandum est etiam pro bo-  
na fama. Cap. **V.** **14**

An quis scire possit se habere bonam consciētiā. &  
de septem gradibus consciētiæ. Cap. **VI.** **17**

Per quæ signa quis cognoscere possit se habere bonam  
consciētiā. Cap. **VII.** **21**

De tribus signis optimis bonæ cōsciētiæ. C. **VIII.** **23**

### Secundæ Partis Capitula.

**Q**uid sit consciētia: pro ut dicit credulitatem fi-  
xam, & quomodo originatur per sillogismum  
practicum. Quid sit synderesis ratio superior & in-  
ferior, & eorum differentia à consciētia. C. **I.** **27**

Quid sit recta consciētia & erronea: & quomodo er-  
ror consciētiæ oritur. Cap. **II.** **30**

Cum consciētia ligat sicut lex. Cap. **III.** **31**

Quod consciētia nō in omni casu ligat. Quādo autē liget  
vel nō ostēditur diuersis modis ignorandi. C. **IV.** **35**

Applicat diuersos modos ignorandi ad propositum seu  
quæsitum, scilicet, quādo consciētia liget, & quan-

do

# I N D E X.

do non. Cap. V.	40
Mouet plura dubia de ligamētis conscientiae, & soluit. Cap. VI.	42
Assignat. v. causas erroneae conscientiae. C. VII.	47
Dat remedia ne quis ignorātia dānetur. et sūt quatuor, scilicet per quæ quis facit, quod in se est. C. VIII.	51
Ostēdit tres differētias esse hominū habentiū malā con- scientiā, et quomodo pnt facere quod ī se est. C. IX.	55
Probat pluribus rationibus quomodo faciēti quod in se est omnino datur gratia. Cap. X.	59

## Capitula Tertiæ Partis.

<b>Q</b> Vid sit scrupulosa cōscientia, Scrupulus, Sciētia, Fi- des, Dubiū, Ambiguitas, & similia diffiniūtur da- turq. differentia scrupulosarū <u>conscientiarū. C. I.</u>	63
Quam periculosum sit scrupulosæ conscientie tenta- tio. Et quomodo differt ab alijs temptationibus eum differentijs ostenditur. Cap. II.	66
Quomodo scrupulosa conscientia plura bona potest con- ferre. Cap. III.	68
Quinque causæ ponūtur scrupulosæ conscientiae et duæ declarantur. Cap. IV.	71
Residue tres causæ scrupulosæ conscientiae declaran- tur. Cap. V.	74
Docet meditari morbum scrupulosæ conscientiae, & cau- sas morbis assignat aliquas: & de hoc prima regula ponitur & doctrina. Cap. VI.	78
Quod in exercitijs corporalibus: vt in ieiunio abstinē- tia & similibus, non semper oportet mortem timere: sed acriter debet corpus castigari. Cap. VII.	81
Declarātur secūda & tertia doctrinæ medico corporali necessaria, & multipliciter ostenduntur. quod in Deū sine	

# I N D E X.

- sine inordinato amore sperare *debemus. C.VIII. 85*  
 Explanatur quarta doctrina: et quantū obsint singulari-  
 tas, & imperpersonabilitas, ac inobedientia. C.IX. *92*  
 Ultima doctrina exponitur, & annumerantur septem  
 regule quas observare debent qui volunt scrupulo-  
 sas conscientias deponere rationabiliter: quarum tres  
 declarantur. Cap. X. *94*  
 Deducitur quarta regula, & probatur auctoritatibus  
 antiquorum quod doctoribus contraria sentientibus  
 licet bona conscientia vñā tenere viā. C.XI. *99*  
 Probatur idem auctoritatibus magis modernorum do-  
 ctorum. Cap. XII. *104*  
 Ostenditur idem rationibus. Cap. XIII. *107*  
 Per quinque cōclusiones & per alia manifestatur quā  
 certitudo sufficit in morali materia, vt se periculo  
 quis non committat. Cap. XIII. *110*  
 Quibus vijs ad talem certitudinem veniri possit, osten-  
 ditur. Cap. XV. *114*  
 Soluit argumenta terrentia timidas conscientias, & de-  
 clarat quomodo spes cum humilitate haberi debeat  
 tam quod ad conscientiam de præteritis, quā de  
 futuris. Cap. XVI. *118*  
 Quintam regulam declarat, scilicet vt quis credat sapiē-  
 tibus & expertis, ac obedire debeat superioribus in  
 dubijs. Cap. XVII. *123*  
 Deducit sextam regulā & docet animose pugnare con-  
 tra scrupulos, & quid sint liberum arbitrium, volun-  
 tas, ratio, & similia diffiniuntur. C.XVIII. *127*  
 Quō scrupuli sunt abijctēdi latius docet. C. XIX. *130*  
 Septima regula declaratur valens ad depositionē scrup-  
 ulorum per Epikeyam cuius proprietates ponun-  
 tur,

# I N D E X.

- tur, et octuplex doctrina secundum eam datur, quarum tres declarantur. C. XX. 134
- Residue tres doctrinae deducuntur. C. XXI. 137
- Ad sciendum quomodo praecepta diuina & humana ligent. Diffiniuntur leges diuinae per conclusiones. Fitque praeceptorum aliquorum interpretatio. C. XXII. 141
- Declaratur peccatorum mortalium & venialium differentia, diffinitio, & proprietates. C. XXIII. 144
- Quod per peccatum mortale charitas perditur; & quod scire non possumus semper, ubi sit peccatum mortale, immo quam periculosum sit illud diffinire, ostenditur. C. XXIV. 147
- Dantur sex regulae vniuersales ad cognoscendum ubi sint peccata mortalia, vel non. C. XXV. 151
- Docetur quando aliquod sit peccatum in regulis religiosorum, & in alijs statutis humanis, & quid sit contemptus. C. XXVI. 155
- Quando praeceptum diuinum sit obligans ad peccatum mortale, & quando non, & quam latum sit medium virtutis secundum virtutem Epikaeae. C. XXVII. 160
- Simile docetur de votis, iuramentis, & praeceptis communibus. C. XXVIII. 163
- Quomodo in opinionibus de fide doctoribus contraria tenentibus scrupulosus tute se habere debeat. Cap. XXIX. 166
- Quomodo tam in fide, quam in moribus diuersis diuersa sentientibus scrupulosus tute ambulare debeat et possit et quis error excuset et quis non. C. XXX. 172
- Sub diuersis diuisionibus determinatur de quolibet ignorantia quando excuset vel non excuset. C. XXXI. 178

F I N I S.









